



Wantok

Namba 2046 Novemba 14 - 20, 2013 28 pes

Niuspepa Bilong Yumi Ol PNG Stret!

K1 tasol

Tom Piper Noken Abrusim long stea bilong yu!!!

I no dia tumas na swit moa!

Like

na painim aut moa long ol narapela promosens blong mipla bihain taim.

www.facebook.com /pepsipng

KISIM GUTPLA PRESENT DISPLA KRISMAS

Mipla gat planti kain kain gutpla value smart phones blo ol poro na famili blo yu lo displa Krismas.



HAMAS:

Misis Jane Parkop em namba wan meri long baim ol giaman muruk na pisin bilong ol pikinini bilong em taim Gavana Parkop i helpim ol wokmeri bilong Nature Park long givim ol samt- ing. Dispela liklik stua em nupela hap insait long Nature Park long Pot Mosbi.

Poto Nicky Bernard.

KISIM FRI DATE 200MB KISIM FRI DATE

For this Christmas ALCATEL Pixi FREE K129

Gavman putim ai long ol Supa Fan

Stanley Nondol i raitim long kontrolim mani bilong ol Supa Fan insait long kantri. Mani bilong mak bilong K6 bilien. Minista bilong Tresari, Don Polye i tokaut long Palamen olsem gavman bai lukluk long sampela rot aninit long lo long kontrolim mani bilong ol supa fan long kantri long givim gutpela sevis long ol memba.

Insait:

Palamen Nius wantaim Stanely Nondol - P2, P4

Wok painimaut bai kamap long K30 milien graun - P4

Mekeo i pasim rot bilong buai maket - P5

Gavman bai putim bikpela takis long ekspot - P19

I go moa long pes 2

Digicel

3G DIGICELPNG.COM

Purchase a Pixi phone by 31st December 2013 and get 200mb Data valid for three days. Offer valid while stocks last. Digicel's standard Terms and Conditions. Get www.digicelpng.com to apply to your mobile service (voice and data). Valid on phones only. To get your free 200mb Data, Check your IMEI number on the side of your device box or dial *906#. Text the IMEI number to 1646. Receive notification of bundle awarded. Dial *130# to confirm balance.

OCEAN BLUE TUNA

Gutpela abus tru na i no dia tumas!

OX & PALM



Teksim Wari, Tingting, Palnim Pren, Wantok o Pas bilong yu I kam nau.. Digicel namba: 7235 6149

PNG i gat hevi long Sosel sekyuriti : Ganim

Stanley Nondol i raitim



PAPUA Niugini i pulap long risos na gavman i tokaut long bikpela bilien kina baset tasol planti pipel i stap tarangu laip yet na dispela hevi i go antap tru.

Membba bilong Wabag Robert Ganim i tokim Palamen long dispela wik olsem planti manmeri na pikini i slip autsait long strit long Pot Mosbi, planti i sanap olsem longlong na askim long mani na planti yangpela pikinini meri i salim bodi long kisim mani.

Mista Ganim i tok em i lukim planti longlong man sanap wantaim meri na pikini bilong ol na askim pablik long mani.

Mista Ganim long palamen i askim Komyuniti Developmen ministra Loujaya Kouja

sapos dipatmen bilong i gat sampela plen long gavman i ken lukluk long dispela hevi.

Mista Ganim i tok moa olsem sapos u draiv o raun long nait long Mosbi siti bai u lukim planti man, maer wantaim pikinini i putim braun pepa lolsem mat na lain ap na slip go bungim moning.

Em tok planti bilong ol i slip autsait long planti mun na krisamas.

Mista Ganim i tok planti yangpela pikinini meri nau i

wok long salim bodi bilong ol longf mekim mani. Em tok dispela pasin i kamap long kankain wei na i go bikpela

Minista bilong Komyuniti Developmen Loujaya Toni i tok ministry bilong em i wok long sosel sekyuriti polisi long helpim ol dispela lain. Em i tok gavman long dispela yia bai tokaut long dispela polis.

Minista Kouja i tok ol sios na NGO grup i mekim bikpela wok pinis long kantri plani yia na i wok long helpim planti pipel i stap lng mak nogut na I no gat hap long kisim helpim.

Minista Kouja i tok sosel sekyuriti plan i redi pinis na em bai tokaut klostu taim na gavman bai putim mani long 2014 baset long helpim dispela plan.

PNG Pawa stretim pawa jenereta masin

Sape Metta i raitim

OL lain kastoma husat i save kisim pawa sevis long PNG Power long Madang, Morobe na hailans i wok long kisim blekaut klostu klostu long las wik na i kam antap long dispela wik.

Na as tru bilong ol blek au tem olsem, tupela long faivpela pawa jeneresa i bin painim hevi long taim tait wara i kamap long Ramu 1 Hydro pawa stesen na stopim ron bilong pawa

saplay i go long dispela ol senta.

Tasol pawa saplay em i no stop olgeta, nogat! Ol PNG Pawa wokman wantaim helpim bilong wanpela ovasis kontreta kampani em AN-DRITZ i wok long stretim gut dispela ol jenereta masin, na i no long taim olgeta wok bilong saplay pawa i go long ol senta bai i go het gut gen.

Ol wokman bilong PNG Pawa i tok, taim blek aut i save kamap, ol man-meri na pikinini i save mekim

kankain tok kros na tok nogutim PNG Pawa. Tasol ol i no luksave long wok em PNG Pawa i save mekim long saplay pawa i go long ol.

Na ekting menesa bilong Ramu 1 Pawa stesen Bambang Gualin i tok, save bilong ol man-meri em long putim pinga long on na off swits, tasol ol i no save long wanem kain hatpela wok em ol wok man i save mekim long jeneretim pawa i go long ol.

Gavman putim ai long ol supa fan

I kam long pes 1

Minista Polye i tok gavman i no inap long kontrolim ol supa fan long kantri olsem Nasfund na Nambawan Super. Em i tok olgeta disisen long mani bilong ol memba em ol bod i mekim aninit long gaidlain em Benk bilong Papua Niugini i bosim.

Mista Polye i mekim dispela toktok long taim em i bin bekim askim bilong Gavana bilong NCD, Powes Parkop.

Mista Parkop i tok Nasfund na Nambawan Super Fan i mekim bikpela winmani na mekim planti invesmen long ol bisnis olsem hotel na developmen long PNG, Fiji na Solomon Ailan tasol ol memba long kantri i no kisim gutpela sevis long mani bilong ol.

Mista Pakop i tok mani bilong ol memba i save stap na taim ol i dai na arapela lain o famili memba i save kisim . Mista Pakop i tok dispela em i no gutpela. Em tok

haus em i bikpela hevi nau long kantri na ol supa fan i mas lukluk long helpim ol memba long kisim helpim long baim haus long mani bilong ol taim ol i stap laip yet.

Mista Parkop i askim sapos gavman i ken senisim lo o kamapim sampela polisi long ol I ken mekim Nambawan Super na Nasfund i kamapim sampela gutpela disisen long helpim ol memba.

Mista Parkop i tok em i gutpela long Nambawan Super i kamapim bikpela winmani long mani bilong ol pablik sevan long kantri na mekim bikpela invesmen long narapela kantri. Tasol em i tok long planti yia ol i no lukluk long helpim ol pipel. Em i tok nau i taim bilong gavman i ken sensim polisi long givim sevis i go long ol memba.

Mista Polye i tok ol supa fan i wok long lo na polis bilong BPNG na em olsem Tresari Minista na Tresari Di-

patmen i no gat kontrol long rot ol i yusim mani. Em i tok gavman bai lukluk long dispela na kamapim rot bilong givim gutpela sevis i go long ol memba long kantri.

Mista Polye i tok ol menesmen bilong Nasfan na Nambawan Super i menesim kampani gut na mani bilong ol wokmanmeri i wok long gro.

Em i tok Nambawan Super i stat long 1972 na long 2002, kepitel i gro go antap long K600 milien. Na long 2012 i gro go moa long K3.5 bilien. Na Nasfan i stat long 1972 na mani bilong en i gro na sanap long K300 milien long 2002. Na long 2012 mani i gro i go antap long mak bilong K3 bilien.

Mista Polye i tok bisnis i gro gut aninit long long lukaut bilong menesmen na bod. Tasol em i tok ol i mas lukluk long givim gutpela sevis long ol memba. Em i tok gavman bai lukluk long givim gutpela sevis long ol memba aninit long lo.



Polis Ripot

Painim moa bodi

ISTEN HAILANS: Ol i painim tripela moa bodi long ples Barano long Isten Hailans em graun bruk i bin kilim ol tupela wik i go pinis. I kam inap nau, ol i painim pinis tripela bodi na ol i wok long panim yet narapela faivpela moa. Tupela bilong ol em ol skul pikinini. Ol pipel bilong dispela ples i bin kisim bikpela bagarap na nainpela i bin dai long taim graun i bruk long sait bilong maunten na i kam kam karamapim ples na bagarapim rot na ol arapela samting.

Hanbom kilim pipel

SAUTEN HAILANS: Ripot i kam long Kagua-Erave tok 14 pipel i dai long taim birua bilong ol i tromoi wanpela ami hanbom i go insait long haus ol i slip long en. Dispela trabel i kamap long bikmoning long Mande. Ol meri na pikinini i bin dai llong dispela birua. Ol i ting namba bilong ol lain i dai bai i surik i go antap bikos ol brua lain i bin kukim 8-pela haus tu. Ripot i tok pait namel long ol Kambia na Wambe wanpisin long Kagua-Erave.

Putim ripot long ol bikhet polis

NCD: Ol polis i salim tok save i goaut long pablik i mas putim ripot long polis stesin sapos ol polis i kamapim trabel na maski long go ripot long ol niuspepa na radio. Polis midia yunit i putim dispela tok save las wik bihain long ol pablik i komplem olsem ol polis i no mekim wok painimaut long ol komplem ol i putim long polis stesin.

Ripot i tok Royal Papua Niugini Konstabuleri (RPNGC) i laik givim mekim save long ol bikhet polisman na meri husat i save mekim nabaut long ol pipel na i brukim lo.

Ripot i tok ol pablik i mas luksave long nem bilong polis i stap long yunipom bilong em, o sapos i no gat nem, orait askim em. Sapos em i no givim nem orait traim lukluk gut long pes bilong em na bai yu ken luksave long em gen. Sapos yu gat mobail fon, orait kisim poto bilong em.

Namba tu samting em long kisim registresen namba bilong kar. Raitim daun namba bilong kar na wanem model bilong en. Sapos ol i bagarapim propeti bilong yu, orait kisim poto bilong ol dispela bagarap tu na raitim daun mak bilong mani yu lusim long baim ol dispela samting.

RPNGC i les pinis long dispela kain pasin wan wan bikhet polis i save mekim. Ol i laik lukim ol dispela bikhet polis yet i bekim olgeta samting ol i bagarapim o baim kompensesen o fi bilong kot i kamap bikos ol i no mekim gut wok bilong polis.

Ol lain long Mosbi i ken raitim komplem bilong ol na salim i go long:

Police Public Complaints Six Mile Police Station RPNGConstabulary P.O. Box 1910 Boroko, NCD.

Tasol sampela manmeri i tok long taim ol i putim komplem long 6 Mile Polis Stesin, ol polis i no save mekim wanpela samting. Ripot i tok ol pablik i ken salim kopi bilong pas i go long dispela adres tu:

1. Suprintenden Andy Bawa Metsup NCD RPNGConstabulary P.O.Box 1910 Boroko.

Yu ken karim pas i go lusim long Boroko Polis stesin.

2. Asisstant Comissioner Jim Andrews Commander NCD/Central RPNGConstabulary P.O.Box 1910 Boroko

Wantok street agents!

Salim moa pepa na win olgeta wik!!

Sapos yu salim,

- 1x Wantok T-slot 50 - 80 kopi -
- 1x Wantok T-shirt 80 - 100 kopis -
- 1x Wantok Kap 101 - 150 -
- Wantok Ambrela 151 - 200 -
- Wantok Polo Slot 201 plus -
- Wantok Polo Slot na Cap

Dispela promoten bai stap long Dikaba i go long Desemba 2013 tasol.

ICAC bil bai stopim korapsen

Isaac Liri i raitim

INDEPENDEN Komisen Egens Korapsen (ICAC) bil em i wanpela impoten lo we i karim toktok bilong pait egensim koprapesen, na tu long stopim pasin korapsen insait long kantri.

Wanpela bung i bin kamap long konpres senta bilong ol Nesenel Risets Institut (NRI) long Pot Mosbi long toktok long dispela ICAC bil.

Wokman bilong NRI, Andrew Mako i tok ICAC i no nupela samting. Long yia 1997 ICAC i bin kamap, tasol ol gavman long dispela taim i no bin sapotim.

Insait long dispela bung, tripela bikman bilong ol ogenaiesen we i save pait egensim korapsen i bin stap na i autim tingting bilong ol long dispela ICAC bil. Ol dispela man em Rigo Lua Sif Ombudsman, Paul Barker Dairekta bilong Institut bilong Nesenel Afes na John Bagita bilong Transperensi Intenesenel.

Ol manmeri long dispela bung i bin harim planti gutpela toktok long pait egensim korapsen, na tu long mekim ICAC i helpim Papua Niugini long develop long gutpela we long dispela taim we korapsen i bikpela tru.

Sampela ol bikman i bin autim tingting bilong ol. John Toguata Dairekta bilong Transperensi Intenesenel i tok olsem ICAC i no namba wan ansa long stopim korapsen insait long kantri. Em i tok olsem lo na oda em i namba wan samting na sapos Papua Niugini stretim lo na oda, em bai isi long stopim korapsen.

Isidor Sitapai wanpela kadet opisa long NRI i tok olgeta toktok we i bin kamap long dispela bung i impoten tru long wanem ol Teknikel Wok Grup (TWG) bilong gavman bai putim gut long wanem ol gavman bai dibet long dispela ICAC bil bihain long dispela mun.

I mas gat moa trening long stapim korapsen

Kolopu Waima i raitim

Pasin bilong korapsen na stil pasin bai i no inap long pinis inap ol lain i go pas long mekim wok bilong lukautim lo na oda i kisim gutpela trening long stopim dispela kain pasin. Deputi Polis Komisina na Sif ov Polis Operesen Simon Kauba i mekim dispela toktok.

Mista Kauba i tok pasin bilong korapsen i kamap olsem wanpela pasin bilong long ples wok insait long ol gavman dipatmen na ol praivet kampani bikos ol lain husat i lukim pasin korapsen i no save tokaut. Ol i passim maus na i no ripot long dispela pasin olsem na korapsen i kamap bikpela moa.

Em i tok mak bilong mani em i stilim long pasin korapsen long 20 yia, i winim planti bilien Kina. Em i tok kantri i kisim taim long kain pasin olsem na dispela pasin bai kamap yet sapos i no gat wanpela samting i kamap long stapim pasin korapsen.

Mista Kauba i tok, "Stil pasin i mekim ikonomi bilong kantri i bagarap tasol kantri i no pilim bikos yu gat

planti arapela samting i strongim wokmani bilong kantri."

Em i tokim ol lain i lukautim lo na oda long no ken ting olsem korapsen i liklik samting. Em i tok ol i mas sanap strong na wok long rausim ol stil pasin na lukautim kantri.

Mista Kauba i tok amamas long gavman i sapotim modenaisesen program bilong RPNGC. Em i tok Bomania polis koles bai kamap skul bilong ol nambawan polisman na meri we ol ditektiv bai kisim trening long skruim save bilong ol long taim ol i mekim wok painimaut long ol trabel.

Em i tok tu olsem ol i kisim ol yangpela manmeri usat winim bikpela skul long go insait long wok bilong polis. Bai ol i wok aninit long kriminal investigesen dairektret.

Mista Kauba i tok bai ol i givim trening long ol long wok bilong frod investigesen olsem bai ol i ken mekim wok painimaut na mekim gut wok inap long taim i kamap long kot. Em i tok nius bilong polis i arestim ol bikman na meri long stil pasin i kamapim planti toktok hia long kantri na long ovasis tu.



Telikom salim graun...

Bikpela hap graun klostu long Jack Pidik Pak long 5- Mail em Telikom PNG i salim long 4milien. Lukim stori long pes 4.

Poto: Nicky Bernard

Kids Savings Account



A great way to help your kids save!

- ✓ Tiered interest plan
- ✓ No account maintenance fee
- ✓ Free deposits
- ✓ Withdrawal restrictions to help you reach your goals

OPEN A KIDS SAVINGS ACCOUNT TODAY AND RECEIVE A FREE BSP PIGGY BANK *WHILE STOCK LAST!

FREE PIG 

320 1212 / 7030 1212
servicebsp@bsp.com.pg
www.bsp.com.pg |  



Official Sponsor of the 2015 Pacific Games

Wok painim bai kamap long K30m graun

Stanely Nondol i raitim

Praim Minista Peter O'Neill i tokaut olsem gavman i stopim wok developmen long 5mail Jack Pidik Pak we wanpela ovasis kamapani i baim long K4 milien na mekim wok developmen stap.

Mista O'Neill i tok dispela hap graun iPBC i makim long K30 milien tasol Pos Na Telekomyunikesen i salim long K4 milien i go long wanpela autsait kampani.

Mista O'Neill i tok em rait i go



pinis long NCDC bilding bod long stopim wok developmen na tok wok

pinim bai kamap kwik taim.

Praim Minista i autim dispela bihain long bikpela tokpait i kamap na memba bilong Kerowagi Camilus Dangima i askim Praim Minista long wok painim i mas kamap long dispela graun.

Mista Dangima i tok K4milien em liklik mani tumas long dispela graun na inap long wanpela Papua Niugini i ekn baim. Em i laikim kantri mas save long wanem rot ol autsait lain i baim graun bilong gavman long liklik mani.

Lens na Fisikel minista Benny Allan i tok em kisim ripot olsem Pos Na Telekomyunikesen o Telikom i gat taitol long dispela gran na salim long laik bilong em yet i go long autsaitkampani na i no bihainim rot bilong salim gavman graun aninit long lo bilong kantri.

Mista Allen i tok em i no klia sapos Telikom i mekim veliu long dispela graun na laikim wok painim i mas k amap long dispela.

Gavana bilong Oro Garry Juffa i tok lain long narapela kantri i wok

long kisim planti graun pinis long kantri bilong yumi long isi rot.

Gavana Juffa i tok em i hat tru long wanpela PNG bai i kisim graun long ovasis na askim Lens minista long kontrolim o kamapim gutpela lo long kontrolim graun we ol jeneresen bilong bihain bai kisim sevis.

Mista Juffa i tok dispela hevi bilong ol autsait kamapani kisim graun i go bikpela long kantri. Em i tok gavman mas stopim dispela pasin.

Komisina i kisim pas bilong Namah

KOMISINA bilong Polis, Tom Kulunga i tok klia long wik i go pinis olsem em i bin kisim pas bilong Oposisen Lida, Belden Namah long komplem bilong em long Praim Minista.

Pas bilong Mista Namah i toktok long wanem pasin Praim Minista, Peter O'Neill i mekim long bikpela toktok bilong mani gavman i baim Paul Paraka Loya.

"Mi raitim wanpela pas i go long Oposisen Lida, Belden Namah olsem komplem bilong em i stap pinis long han bilong polis Tas Fos Swip Tim, long mekim wok painimaut. Na dispela wok painimaut em i stap klostu long pinis bilong em nau na ol i askim planti lain pinis long dispela samting," Komisina Kulunga i tok.

Mista Kulunga i tok ol pepa bilong Mista Namah i go pinis long Siaman bilong Tas Fos Swip Tim na em bai i no luk gut na i no stret long polis i statim narapela wok painimaut ken.

"Antap long dispela, Praim Minista em i Ekting Minista bilong Polis tu, olsem na long banisim olgeta lain long kisim hevi, em i gutpela long Tas Fos i mekim dispela wok painimaut i nap long pinis bilong em. Nogut bai ol man i tok mipela i wok wan-sait," Mista Kulunga i tok.

SP Bruweri i luksave long ol wokmeri bilong en



SP Bruweri i bilip long strongim ol wokmeri bilong em long kisim gutpela save long wok insait long nupela kopret wok ples.

I no longtaim i go pinis, kampani i bin salim sampela wokmeri bilong ol i go long kisim skul aninit long June Dally Watkins Korpret Edukesen na Trening Ogenaisesn. Dispela em i wanpela bikpela ogenaisesen bilong Australia i save lainim ol woklain bilong planti kampani long wol.

Jodie Bache-Mclean i bin givim trening wantaim helpim bilong Selekt PNG, wanpela lokal rekrut kampani long PNG.

Provinsal gavman i no ken kisim takis: Polye

Stanely Nondol i raitim

TRESARI Minista Don Polye i tok ol provins i bai kisim mani long wanpela takis tasol long ronim provin. En i tok klia olsem em stopim ol provins long kisim moa takis long provins i stap yet.

Minista Polye i tok ol konsumna na bisnis long provins bai baim baim Guds na Sevis Takis (GST) tasol i go long Nesenel gavman.

Minista Polye i tok em i bin senism takis lo long las yia

pinis long ol provinsal gavman i no ken kisim takis long ol kastoma na ol bisnis long provins. Em i tok gavman i kisim long GST we opis bilong intenel Riveniu Komisin.

Mista Polye i tok Nesenel gavman i save skelim dispela takis mani na giim i go long wanwanprovins long ranim provins.

Minista Polye i tok sapos ol provins i kisim takis gen bai nesenel gavman i no inap skelim GST mani na givim long ol dispela provins.

PNG Tresarar i mekim dispela tok klia bihain long gavana bilong Wes Nu Briten Sasindra Muthuwel i tok provinsal gavman bilong em i kisim K3milien takis mani long smuk na bia long provins long dispela yia na askim sapos gavman i ken larim ol long go het long kisim moa takis long bia na smnok.

Mista Polye i tok ol pipel i baim takis pinis long GST na ol I no ken baim gen long ol samting ol baim samting olsem smok o bia.

Mista Polye i tok gavman i

rausim pinis provinsal gavman takis lo na iRC i go pas long kisim GST tasol. Em i tok sapos wanpela provins i kisim takis long laik bai nesenel gavman i no inap givim mani long dispela provins.

Tasol Mista Polye i tok dispela i no gutpela long sasim pipel na bisni moa na tok lo i senisim i stap na tok ol provinsal gavman i no ken kisim takis moa antap long GST we gavman i putim pinis. Na taim taim ol baim kaikai na arapela samting, ol baim gen GST.

PNG Filipin komyuniti i askim long helpim

OL Filipino pipel insait long Papua Niugini i statim ol fan resing long helpim ol pipel bilong ol long Filipins we strongpela win ol i kolim long taifun Haiyan i bagarapim ol stret las wik.

Joey Sena bilong Filipino Asosiesen long PNG i tok em i gat famili i stap long ples we taifun Haiyan i bin kamapim bikpela bagarap long en.

Askim bilong ol i bihainim planti komyuniti long wol, wantaim Australia, i salim ol helpim wantaim mani na ol narapela samting i go long ol pipel long Filipins.

Filipino komyuniti insait long Papua Niugini i askim ol bisnis lain long kantri long helpim ol wantaim ol fan resing wok long helpim pipel bilong ol bek long ples.

Moa long 12-tausen Filipino pipel i stap long PNG. Planti i wok long ol praivet kampani na bisnis.

Filipino komyuniti i gat longpela histori long wok na stap long PNG.

Ol ripot i kam long ol gavman opisal na aid ejensi i tok moa long 10-tausen pipel insait long wanpela siti tasol, Tacloban, i bin kisim bikpela bagarap tru.

Joey Sena, i bin Presiden bipo long PNG Filipino Asosiesen na tu, famili bilong em i go long kantri bihain tasol



Piksa i soim ol pipel bilong Tacloban siti long Sentral Filipins bihain long Taifun Haiyan i hamaim ol. Foto: ABC

long PNG i bin kisim indipendens.

Em i tok em wantaim planti ol wantok Filipino i pilim bikpela bel pen long dispela bagarap na ol hevi ol pipel bilong ol i bungim nau.

"Taim disasta i kamap, mipela i bung na tok olsem mipela na Filipins Embasi

long Moresbi bai wok wantaim long helpim ol pipel," Joey i tok.

"Olgeta mani mipela i bungimbai salim i go long Red Cross long Filipins," Joey i tok.

Long wankain taim, Wantok i bin ringim Embasi bilong Filipins long Mosbi long sekap long ol PNG sumatin i skul

long ol yunivesiti na koles long Filipins, sapos ol i orait bihain long dispela bikpela bagarap.

Tasol i no gat bekim yet taim niuspepa i go long prin.

Long dispela taim, planti PNG sumatin i sku long ol bikpela skul na kolis insait long Cebu long Filipins.

Mekeo i pasim rot bilong buai maket

Ol pipel bilong Mekeo na Kairuku i putim rot blok long ples Inauabui long Kairuku, las wik, bilong stopim ol lain long ples i no ken salim buai long Mosbi Siti.

Dispela pasin i kamap wantaim wanbel bilong tupela LLG Presiden bilong Kairuku na Mekeo-Kuni. Rot blok bai stopim tu ol lain bilong baim buai long Pot Mosbi Siti i no ken go long ples. Bikpela hevi bin kamap long rot taim ol PMV i karim buai bilong Mekeo i kam long siti na ol sampela lain i holim ol long rot na sutim tupela man wantaim naip na pulim bek buai bilong ol na i no baim gut buai.

Bihain long Gavana Parkop i bin putim tambu long salim buai long siti, em i bin givim sampela isi taim long ol Mekeo, Kairuku na Galp long ol i ken kam na salim buai bilong ol long tripela hol sel insait long siti. Ol maket ya em long Lareva long Hohola, Waikele long Gerehu na Hanuabada.

Tasol ol pipel i tok sampela lain long siti i yusim dispela tok tambu na i wok long subim ol papa bilong buai long daunim prais na taim ol i no daunim prais, em ol i paitim ol na pulim buai bilong ol.

Tupela presiden bilong LLG i wari long ol pipel bilong ol, bilong wanem buai em i save bringim mani long ol inap moa long 30 yia nau. Ol i bin singaut long Gavana bilong NCD na Sentral Provins long givim ol taim long ol pipel bilong ol i ken senisim pasin bilong painim mani pastaim.

Mista Ine'e i tok tenkyu long Gavana bilong NCD olsem tambu long salim buai mekim siti i luk klin. Pas-taim ol pipel bilong mi i lukim olsem i no gutpela long ol tasol nau ol i luksave long gutpela bilong dispela.

Ol pipel bilong Kairuku na Mekeo-Kuni i laikim NCD i wok wantaim ol long kamapim wanpela bodi we bai i ken baim buai long ol pipel long ples na bai ol papa bilong buai i ken salim long prais bilong ol yet. Ol i laikim Mekeo Groa Asosiesen long bosim wanem kain buai na hamas buai long salim. Ol lain long ples bai salim

buai bilong ol long dispela asoiesen na ol pipel bai i no ken kam long siti.

Ol Presiden wantaim ol 36 Wod memba na ol pipel i bin wet long bung wantaim NCD Gavana na ol opisa bilong em long Sarere tasol Gavana i no bin kam bek long ovasis na ol i no bung.

Kairuku-Hiri i nogat memba bilong palamen long dispela taim, olsem na tupela presiden i laikim ol gavana bilong Sentral na Galp long helpim ol long dispela hevi bilong ol. Ol i tok, bai ol i rausim rot blok bihain long 7-pela de taim ol i kisim gutpela toktok bilong sekyuriti bilong ol pipel bilong ol long ol polis bilong NCD na Sentral, na tu long ol Gavana bilong NCD na Sentral wantaim Galp.



Liason opisa bilong NCD Gavana, Ned Gong, Mekeo-Kuni LLG Presiden, Bona Ine'e na LLG presiden bilong Kairuku, Aihl Ikupu.

PNG i gat tupela ripot bilong Maigresen

MAIGRESEN na Developmen Wok Grup, i lonsim pinis tupela ripot bilong wokabaut bilong ol pipel bilong ol narapela kantri i kam long Papua Niugini.

Dispela tupela ripot i kamaut long tupela stadi Asia Karibien na Pasifik (ACP) Grup Stet i bin mekim. Papua Niugini Maigresen na Developmen Wok Grup i go pas long dispela stadi.

Namba wan ripot em bilong Ripot bilong Kamapim gut We bilong lukautim ol toksave bilong Maigresen long Papua Niugini.

Dispela stadi bilong ol ripot na toksave bilong ol man i kam insait long PNG i soim olsem i gat gutpela rot i stap long gavman i ken kisim ol namba bilong ol man i kam na stori bilong ol i stap insait long sistem pinis.

Ol dispela hap bilong kisim ol ripot na toksave i ken soim ol namba na wok glasim ol planti hevi bilong maigresen na development bilong ol lain i painim wok, ol lain i kam long stap olgeta, mani ol i baim na ol paul pasin bilong ol pikinini i save kam insait long kantri.

Dispela ripot we Luis Sena Esteves i raitim, em i givim sampela rot bilong ol gutpela pasin bilong stretim we bilong lukautim ol stori na toksave bilong ol lain i kam na tu long wanem kain rot bilong stretim i stap.

Namba tu ripot em bilong ol pipel bilong ol kantri long Saut we i no develop gut yet, i save go long narapela kantri long Saut yet, long painim wok. ACP Op-sevetori bilong Maigresen stadi i lukluk long ol lain long narapela liklik kantri i kam long Papua Niugini, moa i kam long ol Melanesia Kantri long Pasifik Rijen. Mariana Cifuentes na Rosa Sai'i Au bilong Anglo Pasifik Rises i bin mekim dispela stadi.

Ripot i soim olsem taim stat long 1990 taim kantri i kisim planti ol gas na wel long graun, ikonomi i kamap bikpela na tu i gat planti man meri i wok long ol kampani. Tasol saveman long wok long dispela nupela kain wok i sot long kantri. Dispela i mekim na ol narapela kantri long Asia i kam insait long kism wok wantaim ol kampani ol i ken mekim moa wok na kisim liklik pe tasol. Ol i lukim bikpela pe moa long PNG na em i mekim planti moa lain i laik kam wok long kantri.

Wankain taim dispela stadi iukim olsem ol wantok tru bilong PNG, insait long Melanesia Spia Hed Grup olsem Fiji, Solomon Ailan i no planti i kam long PNG.

Dispela stadi i soim piksa bilong ol lain i go i kam long ol liklik kantri wankain olsem PNG na em bai helpim long luksave na yusim gut ol save na wok bilong ol lain i kam insait.



Bank of Papua New Guinea

PABLIK NOTIS OL TOKTOK NA TINGTING BILONG STRONG BILONG KINA I KAM DAUN

Dispela Pablik Notis em long tok klia long ol toktok na tingting i bin kamap long midia long namel bilong 2012 i kam inap nau. Papua Niugini i gat eksens reit lo long strong bilong mani – kina- i sanap long maket na strong bilong em em i bihainim saplai na dimand bilong ol foren karensi o moni bilong narapela kantri. Olsem tasol bai planti foren karensi bai kam insait long kantri wantaim expot bilong ol samting mipela i salim long ol narapela kantri, foren invesmen long PNG, tex, kisim win moni bilong ol PNG bisnis long ol arapela kantri na planti foren dona fandin i kam insait long PNG bai wokim na moni veliu bilong kina bai go antap. Wankain tasol sapos yumi lusim planti foren karensi i go ausait long kantri long impotim ol samting long ovasis, bekim bilong foren lon, salim ol win mani na narapela mani i go aut long kantri bai ken wokim na strong bilong kina i kam daun.

Kina eksens reit tu i soim strong bilong ol narapela kantri we yumi wokim bisnis wantaim. Nau yet US dola i wok long go antap taim ekonomi bilong US i kamap strong gen, na dispela i wokim mani mak o veliu bilong kina long kam daun. Na tu sapos dola bilong Australia i go antap abrusim mani mak bilong US dola sapos ekonomi bilong Australia i kirap, strong o veliu bilong PNG kina tu bai kam daun. PNG kina i bin kam daun 13% agensim US dola na 5.0% agensim Australian dola namel long mun Disemba 2012 na pinis bilong Oktoba 2013. Bihain long dispela Benk ov PNG i putim samplela strongpela wok wantaim ol komesel benk, na nau veliu bilong kina i stap antap olsem long US\$0.4140 inap fopela (4) wik na nau e mi stap long US\$0.4130.

Olsem mi bin tok pinis long planti ol pablik forum, dispela kam daun bilong strong bilong kina em i bihain long bikpela dimand o laikim bilong ol foren karensi long peim ol planti samting yumi impotim i kam insait long kantri nau na tu bilong krismas taim, na tu planti win man i wok long go aut long kantri long binis bilong ol narapela kantri i stap long PNG. Dispela ol dimand i wok long kam long ol bisnis bilong manufektrin, holsel na stoa, sevis sekta na ol narapela konsumna na capital impot. Sampela bilong dispela dimand i kam long praivet sekta, ol konstraksen wok bilong LNG, ol benk i givim planti lon i go aut na tu Gavaman i spendim planti mani long ol wok. Dispela dimand o laikim bilong moni i soim bikpela praivat sekta bisnis i wok long kamap na tu dispela i sapotim GDP long gro insait long yia 2013 olsem Treseri Dipatmen na Benk ov PNG i bin fokusim.

Foren eksens mani i kam insait long LNG prosek konstraksen, nupela invesmen na ekspot moni i wok long kam daun yet. Ol moni yumi save kisim long ekspot bilong yumi i go daun yet bikos prais bilong ol i go daun olgeta, na tu nogat planti prodaksen na ekspot long sait bilong non minarel sekta, na tu sampela main i stop long katim kos. Long wankain taim i no gat nupela risos developmen prosek long bringim foren eksens. Dispela i soim olsem em no strongim ekonomi bilong yumi na yumi wok long kisim strong long minarel sekta tasol na i no long ol narapela sekta olsem Akrikalsa, Forestri, Fiseris na Turism.

Long helpim foren eksens maket, Sentral Benk i putim K2.2 bilien (US\$984) insait long tempela(10) mun i kam inap Oktoba 2013. Insait long dispela taim ol foren resev bilong yumi i stap long US\$4.0 bilien na kam daun long mani mak US\$3.0 bilien. Dispela kain foren resev mani mak em inap long karamapim ol bihain impot peimen na Benk ov PNG bai menesim dispela gut wantaim strongpela luksave na kontrol. Dispela kam daun bilong strong bilong kina i no wokim na prais bilong ol samting i go antap tumas. Anuel hetlain bilong CPI bilong Septemba 2013 em ol NSO i rilisim i stap long 3.5% na sapos yumi bilong mun Jun 2013 em i stap long 3.2% na bilong mun Mas 2013 em i stap long 2.8%. Liklik impot prais bilong ol kantri yumi wokim bisnis wantaim, impotim ol sip samting bilong Esia na ol narapela liklik pas-tru bilong kina i kam daun bihain long maket kompetisen i sampela ol samting i wok long senisim inflesin. Mi tok tenk yu long ol kampani long ol i no surukim hevi bilong prais i go antap bihain long kam daun bilong kina long ol manmeri i baim ol guds na sevisis.

Ol graun wok bilong ekonomi bilong yumi i gutpela, olsem tasol wok long ekonomi i kamap strong. Divelomen bilong LNG prosek i pusim ekonomi bilong yumi i gro antap moa. Tasol wantaim ol wok konstraksen i slo daun long LNG prosek, basel bilong gavaman bai givim strong long sapotim ekonomi. Long strong gro bilong ekonomi long bihain Gavaman i mas strongim non minarel sekta olsem akrikalsa na turism long kamapim expot beis bilong kantri olsem na bai mipela i ken luksave long wanem samting ekonomi i ken kamapim wantaim prais, tred movmen kamapim moa em-ploimen na bringim moa mani bilong Gavaman. Nau yet ol man is tap insait long akrikalsa bisnis i ken yusim dispela kam daun bilong kina olsem sans na wokim na expotim planti kas krop i go ovasis.

I go moa yet Sentral Benk bai lukluk na skelim yet ol developmen long foren eksens maket na wok klostu wantaim Gavaman long menesim dispela hevi bilong strong bilong kina i kam daun inap long taim pes LNG expot na yumi kisim sampela mani kam insait long domestic foren eksens bilong yumi, ol nupela invesmen long ol narapela bikpela risos prosek na sapos bai i gat improvmen long intanesenel komoditi prais. Dispela strong bilong Kina i kam daun i soim ol gut pela we bilong ol PNG produsa long wokim moa prodak na expotim ol. Mi yet wantaim Gavaman i bin givim planti toksave na tok klia long dispela long pres pinis. Olsem na mi Laikim ol pablik na ol lidas bilong yumi long kamap risponsibal na noken wokim ol toktok bilong eksens ret na kirapim bel na pret tingting long ol man. Ol fundamental bilong ekonomi i stap strong na yumi no ken penik. Olgeta stekolda olsem Gavaman, bisnis, investa, fainens institusens, dona patnas, na citizen forenas olgeta i mas wok bung wantaim na long dispela taim na asistim foren eksens maket nau na long shotpela taim.

Mr Loi M. Bakani
Governor
Benk ov Papua Niugini

Ol Zumim i soim ol sospen graun

Balthazar Moriguba i raitim

OL lain Zumim bilong Makham distrik long Morobe provins i gat pasin tumbuna bilong wokim na yusim ol sospen graun. Na ol i holim strong yet dispela naispela pasin. Tok ples bilong ol em Adzera.

Long Septemba 6 na 7 ol i bin kamapim wanpela so long ples Zumim 2, long soim ol kain kain samting ol i save wokim long graun. Ol i soim pasin bilong wokim ol sospen graun, pasin bilong kukim kaikai long ol dispela sospen na i bin gat ol tumbuna singsing tu i kamap long amamasim dispela tupela de.

Long planti ples long PNG ol meri i save wokim ol sospen graun tasol long Zumim, ol man i save mekim

dispela wok. Ol meri i save go kisim dispela spesel graun na karamapim long grinpela lip banana na karim i kam bek long ples. Orait bai ol i stretim na putim i stap long yusim. Kala bilong dispela graun i braun na i gat liklik wesan.

Long taim bilong ol tumbuna, ol i save yusim mambu long kukim kaikai. Ol i save putim wara bilong kuk na dring tu insait long mambu. Ol i save hatwok tru long katim ol nupela mambu oltaim long mekim dispela wok.

Orait wanpela de wanpela meri i go painim pis long wara na wanpela binen i soim em dispela spesel graun. Na long taim em i slip long nait, dispela binen i kam long driman na soim em pasin bilong wokim sospen graun.

Em nau bihain long dispela

ol pipel bilong Zumim long Apa Makham Veli long Umi-Adzera LLG i save wokim ol sospen graun bilong kukim kaikai na karim wara bilong kuk na dring.

Mitupela wanwok i bin stap tupela wik long Makham Veli long wokim video bilong ol pipel i wokim ol sospen graun. Mipela i bin lukim tu pasin bilong ol long wokim kundu long spesel graun ol i kolim *simpup gur*. Man i wokim dispela kundu i bin yusim long taim bilong singsing.

Neks yia bai dispela so i kamap gen na ol pipel i ken go lukim dispela naispela pasin bilong ol lain Zumim long wokim na yusim ol sospen graun.

**Balthazar Moriguba em i musik teknisen long Musik Dipatmen bilong Institut ov PNG Stadies.*



OL SOSPEN GRAUN: Ol i putim ol sospen graun na kundu antap long paia long strongim ol. *Poto: Gedisa Jacob*

Luksave long Braun Haus sik

Bustin Anzu i raitim

WANPELA olupela Haus sik long Morobe Provins i kisim luksave long kamap wanpela ruel haus sik, Praim Minista Peter O'Neill i tok.

Braun Helt Senta i kisim luksave olsem wanpela Ruel Hospital taim Praim Minista i go kamap long dispela haus sik long Butaweng long Finsafen las wik.

"Mi amamas long tok olsem dispela haus sik bai kisim nem olsem ruel haus sik na wantaim helpim

bilong Spika bilong Palamen na Mema bilong Finsafen Theodore Zurenuoc na Gavana Kelly Naru, mipela bai stretim wantaim Medikol Bod long stretim ol pepa long givim dispela luksave long hausik," em i mekim dispela toktok taim em i go lukim Braun Helt Senta.

Praim Minista i bin stap long Finsafen long singaut bilong Spika Zurenuoc long lonsim 5-yia Developmen Plen bilong distrik.

Braun Helt Senta i bin kamap long 1958 olsem wanpela Nesinel Ses Haus sik (National Chest Hospital) bilong sik TB na ol wokman meri bilong Evanjelikal Luteran Sios bilong Papua Niugini (ELC PNG) i wok na lukautim.

Bihain, i gat senis long Helt Streteji long daunim sik TB na ELC PNG na Gavman i pasim tok long Braun Helt Senta bai bung wantaim Buangi, narapela klinik, na

kamapim Braun Memorial Helt Senta.

Haus sik i kisim nem Braun long tingim wanpela namba wan dokta bilong Amerika.

Long taim dispela haus sik i kamap na i gat luksave bilong gavman long 2nd Novemba, 1974, em i kisim nem Braun Helt Senta bihainim tingting bilong Nesinel Helt Plen.

Na nau Praim Minista i givim dispela luksave olsem Braun Memorial Rural Hospital bihain long 39 yia bai kamap namba wan haus sik long distrik, na tu ol ples na distrik klostu.

Dispela luksave wantaim Praim Min-

ista i no asua long wanem, dispela haus

sik i gat olgeta samting long kisim dispela taitel.

Em i gat wanpela operesen tieta, dentol klinik, ai klinik, ICU wod, edministresen (Wi-Fi system, web-sait), pataloji na x-ray.

Braun Helt Senta i save givim servis i go long moa long 200,000 sikman na meri bilong ol ples bilong

F i n s c h h a f e n , Tewai/Siassi na Kabwum. Em i save kisim ol riferals long ol narapela etpos, helt senta long ol narapela distrik bilong Morobe na tu, long ol narapela provins bilong Papua Niugini.



INAI HADIBAIA HEREVA BE IA LAO GAVAMANI DIPATMEN, PROVINSOL BONA LOKOL LEVOL GAVAMAN DEKENAI GUDS BONA SEVISES SAPLAIAS EIAVA KOHU BONA DURUA DALA MAI DAVANA HENIA OREADIA TATA DEKENAI.

LAGANI 2013 AKOUNT KOUA GAUKARANA.

INAI HADIBAIA HEREVA BE INAI LAGANI DOKONA TOTONA, SIVARAI HENIA LAO KOHU BONA GAUKARA MAI DAVANA GAVAMAN DEKENAI KARAIA TAUDIA (SAPLAIAS) BONA GAVAMAN ENA AMO DURUA ABIA DO DAVANA MONI HENIA GAVAMANI DEKENAI TAUDIA (PAYEE) TOTONA.

- **MANDE 16 DESEMBA, 2013** BE INTEGRATED LOCAL PURCHASE ORDER CLAIM (ILPOC) MATAMATANA HENIA RAKALASI NEGA BONA GAUKARA ATOA VAREAI LAO GAVAMANI ENA PGAS ACCOUNTING SYSTEM LALONAI. LAGANI 2013 ENA ILPOC MATA MATANA TA DO IDIA HENIA RAKALASI DIBA LASI 16TH DESEMBA IA HANAIA MURINAI.
- GAVAMANI DEKENAI KOHU BONA DURUA DALA DAVANA HENIA GAUKARA BE DO IDIA KARAIA DIBA IA LAO DINA 31ST DESEMBA INAI LAGANI BEMA ILPOC NAMONA AMO IDIA KARAIA NEGANAI.
- BEMA URA 2013 EMU SEVIS OI HENIA DAVANA ABIA NEGANAI, SAPLIAS BE NAMO DO INVOIS LAO HENIA DIPATMENT DAIKA EMU SEVIS OI HENIA DEKENAI DINA 13 DESEMBA, BISINESI KOUA HORA IA DO DAVARIA LASI LALONAI. DAIKA SAPLAIA GUDS BONA SEVISES DINA 13TH DESEMBA 2013 MURINAI IA HENIA BONA KARAIA BE UNAI DINA TAMONA INAI GAUDIA HENIA DEKENAI INVOIS DANU HENIA TAMONA, EMU DAVANA INAI LAGANI 2013 ABIA TOTONA.
- INVOIS PEPA BONA DAHAKA HENANDAI HAIDA IDIA NOHO PEIMENT ENA KAHANAI BE NAMO KARAIA LAO DAIKA DEPARTMENT TATA EDIA PEI OFESI DEKENAI. INAI BAMONA KLEIMS EIAVA DAVANA URA ABIA TA DO KARAIA LAO LASI FAINENS DIPATMENT DEKENAI, DAIKA BE DO IA DEKENAI GUDS BONA SEVISES DAVARIA GAUNA SIBONA ENA PEIMENT DO IA KARAIA.
- **LALOA BOIO LASI, TARAVATU HENUNAI BE IA NOHO, IDIA HAMOMOKANIA ILPOC SIBONA DO IDIA ABIA DAE BONA GAUKARALAI GAVAMANI LATANAI KLEIM ATOA NEGANAI.**

AUTHORISED BY
DR KEN NGANGAN CMA CPA
ACTING SECRETARY



EPHRAIM KISIM KAMERA SKUL:

PASIN bilong lainim na skulim ol yanpela pikinini na ol tumbuna long mekim ol wok i bikipela samting, long wanem, wanpela taim diskpela ol yangpela bai kamap na mekim wok.

Olsem na frilens kamera man, Wally Ainui, i wok long skulim bubu bilong em, Ephraim Zechriah Brown, long we bilong yusim kamera long Nesinel Spots Institut (NSI) long Goroka, Isten Hailans.

Poto: Sape Metta

Gavana Naru i givim helpim



AMAMAS: Ol pipel bilong ples Waigar long Kerowagi distrik, Simbu provins i amamas na singaut bikmaus na karim Gavana bilong Morobe Kelly Naru, taim em i givim K50.000 long ol las wik Sande. Dispel mani em bilong helpim ol long luksave long sapot bilong hevi bilong graun bruk na bagarapim ol samting sikispela mun i go pinis. **Poto: Eric Sinebare**

Eric Sinebare i raitim

GAVANA bilong Morobe, Kelly Naru i givim K10,000 i go long helpim ol pipel bilong Barano long Isten Hailans na K50,000 i go long ol lain bilong ples Waigar long Simbu provins. Mista Naru i givim mani long helpim ol pipel bilong dispela tupela ples we graun i bin bruk i kam daun na kilim ol pipel na bagarapim ples.

Mista Naru wantaim ol lain bilong Morobe Provincial gavman i bin go pas-taim long ples Barano long soim sori bilong ol long famili bilong ol lain i bin dai na ol arapela manmeri bilong ples.

Mista Naru i tok dispela i wanpela bikpela hevi tru em i bin lukim long nius na harim long redio.

Em i tok, "Nau mi kam

lukim long ai bilong mi na mi pilim bikpela sori long famili bilong ol lain i lus na ol lain husat i stap insait long dispela hevi."

Mista Naru wantaim ol lain bilong em i go long Simbu na em i bungim ol lain Waigar na givim K50,000 long ol. Ol pipel bilong Waigar i bin kisim wankain bagarap long sikispela mun i go pinis na Mista Naru i bin go lukim ol na promis long helpim ol.

Em i tok, "Mi kam long dispela taim bilong hevi na tok save long yupela long helpim bilong mi. Sikispela mun i go pinis tasol mi no lusim tingting. Na nau mi kam long haus dua bilong yupela gen long luksave long belpen na wari bilong yupela."

Mista Naru i tok em i luksave long planti

bagarap i bin kamap long kopi na ol arapela samting bilong ol pipel long dispela taim. Em i askim ol lida bilong ples long skelim gut mani i go long olgeta pipel husat i karim yet bikpela wari long ol samting bilong ol i bin lus long dispela graun bruk.

Em i tokim ol pipel tu olsem em i amamas long ol i luksave long bikpela wok Hailans Haiwe i mekim long givim servis i go long ol pipel bilong Hailans na Morobe tu.

Bihain long dispela, Mista Naru wantaim ol lain Tutumang i raun i go luk-luk long ol developmen i kamap long ol distrik insait long Simbu. Ol i amamas long lukim planti gutpela senis i kamap. Ol i go luk-luk long rot long Gumini, Gembogl, Kerowagi-Bongo na Kondiu rot.

nius

Dregahafen kisim K1.7milien long Praim Minista

BUSTIN ANZU i raitim

DREGAHAFEN Teknikol Sekenderi Skul long Finsafen i amamas tru taim Praim Minista Peter O'Neill i go kamap long skul na givim sampela mani na opim wanpela skul haus bilong ol long las wik.

Praim Minista givim wanpela sek long mani mak bilong K1.2 milien na narapela K500,000 bungim wantaim em olsem K1.7milien

Ol sumatin, tisa na ol narapela memba bilong Palamen, husat ol i go wantaim em long dispela olpela skul insait long Morobe Provins I bin lukim dispela sekmani praim minister I givim.

Praim Minista O'Neill i tokim ol sumatin olsem Memba bilong Finsafen na Nesenel

Spika Theodore Zurenuoc em man husat igo pas long astingting bilong kamapim fri edukesen taim em i stap Edukesen Minista bipo.

"Taim Spika i bin stap Edukesen Minista, em i bin toktok strong long kamapim fri edukesen. Na dispela I kamap. Mipela i helpim em tasol long mekim dispela tingting o polisi i karim kaikai," em i tok.

Na em i tok long bihain taim, dispela polisi i mas stap yet long wanem, dispela em I wanpela servis we i helpim ol manmeri long ples. Wankain tu, bai ol i wokim long fri helt kea, we ol i noken senisim.

Skul bod siaman na olpela Primia bilong Morobe, Sir Jerry Nalau i kisim dispela mani bilong skul na tok tenk yu long Praim Minista long em yet i

kam wantaim dispela mani.

Dispela K500,000 Praim Minista i givim long skul, em K766,000 i edukesen sabsidi na narapela K500,000 em Zurenuoc i bin givim taim em i stap Edukesen Minista.

Long wankain taim, em i opim wanpela nupela dabol stori siks rum klasrum we ol manmeri long ples na papa mama bilong skul yet i bin wokim.

Praim Minista i tokim ol sumatin olsem dispela skul em i wanpela olpela skul na i gat nem long wanem, sampela bikman bilong dispela kantri olsem olpela Praim Minista Sir Michael Somare na nau Sif Seketeri Sir Manasupe Zurenuoc i bin skul na kisim save na ol mas bihainim dispela lek mak gut.



HARIM GUT: Ol sumatin bilong Dregahafen Teknikol Sekenderi Skul long Finsafen i sindaun na harim ol toktok bilong Praim Minista O'Neill taim em i lukim skul. **Poto: Bustin Anzu**

PAINIM OL STRINGA O FRILENS RAITA LONG OL PROVINS

Wantok Niuspepa i painim ol stringa/frilens raita o lain i ken raitim ol nius stori long Tok Pisin na salim i kam long mipela long putim long pepa bilong yumi ol PNG stret.

Mipela i laikim ol stringa long Hailans rijon olsem Sauten Hailans na ol provins olsem Simbu, Enga, Jiwaka, Hela na Westen Hailans Provins. Long Momase rijon na ol provins olsem Is na Wes Sepik, Lae na Madang na long ol Niugini Ailans provins olsem Is Nu Briten, Wes Nu Briten, Manus, Nu Ailan na Otonomes Rijen bilong Bogenvil. Mipela i gat inap stringa long Mosbi na olsem Sapos yu wanpela skul tisa, wok manmeri long gavman, praivet sekta na sios, o yu wanpela manmeri i gat save na laik long rait na yu laik promotim provins na ples bilong yu, salim pas long intres bilong yu, o salim email o ring i kam na toktok long Ekting Edita. Ol kontek edres na telepon namba em: The Acting Editor, Wantok Niuspepa, C/- Word Publishing Company, P O Box 1982, Boroko, NCD. O email: editorial @ wantok.com.pg o ring long telepon namba 3252500 o feks 3252579.

FARM TRACTORS



120hp

90hp

70hp

50hp

40hp



- Slashers
- Disc Ploughs
- Disc Harrows
- Post Hole Augers
- Trailers

AGMARK
MACHINERY

PORT MORESBY: 323 2658 | Digicel: 7215 0333 / 7217 9815
LAE: 472 6324 KOKOPO: 982 8748 | email: machinery@agmark.com.pg

Digicel 'Skul Riwod Program' long Sivitatana

SIVITATANA Praimeri Skul long Sentral Provins i kamap namba wan skul long kisim luksave long Digicel Faundesen 'Skul Riwod Program' wantaim wanpela moa klasrum.

Skul Riwod Program em i nupela we gen long givim luksave long ol skul we i kisim helpim pinis tasol ol i soim gutpela gavanens na menesmen bilong ol dispela samting Digicel Faundesen i bin givim pastaim. Em i bilong givim samting i go bek long komyuniti bilong skul sapos ol i givim gutpela sapot long skul na mekim ol tisa na sumatin i amamas long skul wantaim gutpela lukaut bilong ol klasrum Faundesen i givim pinis.

Sivitatana Praimeri Skul i

stap long Magi Haiwe, longwe bilong em i olsem wan na hap aua long ka ron i go long taim yu lusim Pot Mosbi. Pastaim tru ol i bin kisim klasrum long Faundesen long 2009 wantaim mani mak long K210,000, wanpela yia tasol bihain long Digicel i kamapim dispela Faundesen.

Nupela klasrum aninit long riwod program i kos K250,000. Dispela klasrum nau i kam wantaim wanpela 9000 lita wara tenk, tupela VIP toilet na rum waswas, wanpela sola sistem na 40 des wantaim rot bilong ol wilsia pikinini long go long skul tu.

Digicel PNG Faundeseon CEO, Beatrice Mahuru i tok, "Faundesen i save gat

strongpela bilip long strongim ol komyuniti long wok developmen wantaim kain pasin bilong luksave long ol gutpela wok bilong ol. Mipela amamas long gutpela sapot na wok bilong ol bod na menesmen na komyuniti bilong skul. Nau mipela i givim bek long Sivitatana Praimeri Skul, em i wapela bilong ol namba wan projek bilong mipela."

Wankain taim, Het masta bilong Sivitatana Praimeri Skul, Kaeuke Oribi, i tok bikpela tenkyu long Digicel i wok long helpim developmen bilong skul yet.

"Mipela gat bikpela luksave long Digicel Faundesen i wok long helpim developmen bilong edukesen.



L-R, Scholla Kakas, Presiden bilong Nesenel Kaunsil bilong ol Meri, Misis Janet Yaki, meri husat i statim PNG Stoma Asosiesen, Lida bilong Taiwan ICDF Mobail Medikal Misin, Dokta Lin Chang-ping, na Daniel Chun-pu Hu, Het bilong Taiwan Tred Misin, wantaim MOU pepa.

PNG Stoma Asosiesen i sainim agrimen

PNG Stoma Asosiesen i sainim Agrimen long kisim helpim long Taiwan

Changhua Christian Haus Sik bilong Taiwan. Dispela agrimen em bilong Changhua Kriesten Haus Sik bai givim ol medikal samting long Stoma Asosiesen bilong PNG.

Daniel Chun-pu Hu, Het man bilong Taiwan Tred Misin

long PNG, i tok Taiwan em i wanpela dona kantri i save helpim PNG.

"Mi amamas long lukim ol Papua Niugini yet i muv long traim helpim ol yet. Ol hevi bilong helt i gat planti kain kain hatwok, olsem na i gutpela long ol pipel yet i mekim samting long helpim ol yet. Pablik helt sistem wanpela i no nap long mekim ol-

geta wok," em i tok. "Wanem hap gavman i sot long en, ol pipel i mas kam insait na traim long helpim," em i tok.

Soma Asosiesen bilong PNG i bin stat long taim meri husat i kirapim asosiesen, Misis Yaki i kisim dispel sik o kensa na i go long Taiwan na kisim helpim long Changhua Kristen haus sik. Em i kisim

tingting long kirapim dispela asosiesen long helpim ol narapela lain long PNG husat i gat dispela kain sik tasol i pret long go long dokta.

Soma em i sik sua o kensa long bikpela bel rop ol i kolim kolon.

Dispela sik bilong bel em i no stap ples klia tumas tasol em i save kilim planti lain long PNG.



Sivitatana sumatin wantaim Digicel Faundesen tim

Salim pikinini go skul long teknikel koles

Kolopu Waima i raitim

OL gret 8, 10 na 12 sumatin husait i no kisim spes long hai skul na arapela bikpela skul i mas wokim matrikulesenstadi o go long teknikel koles.

Sentral provins edukesen edvaisa Titus Romano Hatagen i tok edukesen bilong ol pikinini em i bikpela samting. Ol papamama i noken ting olsem skul long pikinini bilong ol i pinis sapos ol ino kisim spes long wokim gret 9, 11, o go lo yunivesiti o

long ol narapela koles.

Em i tok ol mas redi long salim pikinini i go long ol teknikel koles. Em i tok moa olsem ol gret8 sumatin husait i no kisim ofa bai nonap rit long gret 8. Olsem na ol papamama i mas stap redi long salim i go long apgradim ol mak bilong em.

Mista Hatagen i tok igat palanti rot long ol sumatin bai ol i ken kisim gutpela saveman na meri. Hatagen i tok, "Pinis long gret 8, 10 o 12 i no oslem skul bilong ol i pinis lo hap."

Em i tok tu osem gavman bilong O'Neill-Dion ibaim skul fi bilong ol pikinini na olgeta papamama i mas salim pikinini bilong ol i go lo skul.

Mista Hatagen i tok, "Ol papa na mama i noken holim bek pikinini bilong ol. Larim ol i go skul. Gavman baim skul fi, ol papa mama i baim lans, klosna givim bus fe long ol sumatin. Edukesen ino bilong wanpela man tasol, em bilong olgeta manmeri na olgetai mas bungim han wantaim long edukesen bilong pikinini."

BSP i helpim skul laibreri

Kolopu Waima i raitim

Wanpela brens bilong BSP save stap long Douglas strit long daun taun Pot Mosbi i givim ol nupela samting long Hohola elementari skul las wik. Dispela skul em i save enrolim moa long 700 elementari sumatin.

Brens manesa John Kubar itok astingting bilong dispela projek em long lainim ol liklik pikinini long rit na rait. "BSP i amamas long givim

dispela sapot long elementari skul we ol skul save mekim bikpela wok longlainim ol pikinini. Mipela trastim dispela nupela laibreri we em bai apim tingting bilong ol tisa na ol sumatin ken kisim kwaliti edukesen," Kubar i tok.

Hetmeri bilong skul Anne Aurere i tok tenkyu long BSP. Aurere i tok, "Mipela tok tenkyu long dispela laibreri we em bai halpim ol pikinini long skul bilong ol."

Dispela em las projek bilong dispela BSP brens. Ol arapela projek bilong ol em; wokim mentenes wok long rum bilong ol liklik pikinini long Pot Mosbi Jeneral Haus sik, wokim mentenes long edministresin bilding bilong Kwikila elementari skul na narapela mentenes gen long Kadiotorasik yunit long Pot Mosbi Jeneral Haus sik.

Dispela brens i bin kamapim 33projek insite long Papua Niugini.

PM amamas long helpim bilong Saina

Kolopu Waima i raitim

Praim Mista Peter O'Neill tok tenkyu long Saina long sapotim ol developmen insait long Pasifik rijon.

Em i mekim dispela toktok taim em givim toktok longnamba tu Saina-Pasifik AilanIkonmik Devlopmen koperesen long-Guangzhou siti.

"Bilateral wokbung bilong mipela wantaim Saina em i gro go bikpela. Saina em i wan-

pela bilong ol kantri we mipela i gatgutpela pren na ol pipel tu i gutpela pren.

PM O'Neil i tok, "Dispela prenSaina igat wantaim ol Pasifik Ailan kantri, bai lukim olgeta Pasifik ailan kantrikisim gutpela kaikai, wankain olsem bilong mipela.

Em i tok em i amamas tu lo Saina ilaik kamap pren wantaim Pasifik forum. PNG i readi lo welkamim em lo grup.

Em i tok tu lo forum olsem Saina iwanpela bikpela developmen patna long PNG.

Ol Ritel Outlet lain! Salim moa pepa na win olgeta wik!!

Sapos yu salim,

- Ol Kapa
- Ol bilak Kola siot
- Ol marun Kola siot
- Ol blu Kola siot
- Ol Ambrela

Sapos yu salim olgeta Wantok Niuspepa insait long stua o outlet bilong yu, bai yu gat sans long winim ol dispela promosen klos bilong Wantok Niuspepa!

Dispela promosen bai stap long Oktoba i go long Desemba 2013 tasol.

Banis marasin bilong nimonia i kam long PNG

BANIS marasin bilong stopim sik nimonia, nimokokol konjuget (pneumococcol Conjugate Vaccine /PCV-13) nau i kamap pinis long PNG.

Long Tunde Novemba 12, Dipatmen bilong Helt wantaim Divisen bilong Helt long Sentral Provins, Wol Helt Ogenaisesen na ol narapela patna i lonsim nupela banis marasin bilong stopim sik nimonia na ol narapela sik i save kamap long wankain binatang.

Dispela de em i namba 5 yia long luksave long de bilong nimonia. Hetman bilong WHO long kantri, Dokta William Adu-Krow i tok sik nimonia em i namba wan sik i save kamapim dai bilong ol pikinini aninit long faipela krismas. Long wan wan yia insait long 1,000 i save bon, 74 pesen i save dai bipo long ol i winim namba 5 krismas. Long 2012 raun long wol, sik nimonia i kilim 1.1 milien bebi. Na olgeta yia, nimonia i save kisim moa pikinini i winim namba i save dai long sik AIDS, malaria na TB bungim wantaim," Dokta ADu-Krow i tok.

EPI Menesa bilong Helt Dipatmen, Gerard Sui i tok olsem insait long PNG, institut bilong Medikal Rises i bin stat long mekim wok painim aut long stopim sik nimonia stat long 1960 i kam inap 2011 taim ol i painim dispela banis marasin. Tasol marasin em i dia tumas.



Meri bilong Praim Minista, Linda Babao i rausim ribon long han bilong bebi Pidiwin Lohia long lonsing bilong banis marasin bilong nimokokol dispela wik. Bebi i gat 2-pela mun.

Nau ol i wok bung wantaim bilong WHO na UNICEF, GAVI Faundes bilong Swisalen na kisim helpim wantaim mani bilong baim dispela banis marasin na nau em i kamap pinis long PNG.

Hetman bilong GAVI Alaiens, Dokta Raj Kumar, husat i bin kam yet long Swisalen, i tok dispela marasin i save kos olsem \$60-70 long Amerika na ol narapela kantri.

Tasol wantaim helpim bilong GAVI Alaiens na gavman bilong

PNG, dispela marasin bai \$7 tasol long PNG na wantaim fri helt sistem bilong kantri, em bai i go daun long \$3.50. Dokta Kumar i tok em i wari tumas long PNG bilong wanem i nogat gutpela rot na trenspot long karim ol banis marasin i go long olgeta ples. Em i bin go long Bogenvil long mun Septemba long wanpela EPI (Ekspended Program bilong imunaisesen) rivi, na em i lukim olsem i gat bikpela hatwok tru i stap long



Bebi gel Raga Rea i slip long lek bilong mama Mogu Rea na kisim namba wan banis sut bilong nimokokol. Raga em i pikinini meri na krismas bilong em 1 mun, 1 wik tasol.

wokabout bilong ol lain long ples.

Seketeri bilong Helt i tok banis marasin PCV13 em bai daunim namba bilong olgeta sik i save kamapim dai long ol bebi aninit long 5 krismas.

Em i tok Helt Dipatmen bai prinim ol tok save pepa wantaim mani helpim i kam long GAVI Alaiens na ol bai givim aut long olgeta wokman na meri bilong helt long ol i mas givim banis sut long olgeta bebi.

Dispela banis marasin sut bai i go wantaim 6-pela sut nau ol bebi i save kisim tripela taim. Namba wan taim bebi i gat 1 mun, bihain taim em i kisim namba 2 mun na las taim em i kisim namba 3 mun bilong em. Ol bebi bai kisim wantaim ol narapela 6-pela banis marasin i stap pinis na dispela i mekim 7.

Ples Gaire i kisim bikpela luksave long kamap namba wan long traime dispela nupela banis marasin long PNG.

Sik i kisim nupela rot long Pasifik

Dokta Carlos Williams, U.S. Helt Afe long PNG i raitim

OL Wol Helt Ogenaisesen (WHO) i tokaut olsem ol kain sik we bipo i no save kalap long ol narapela man nau i kamap olsem bikpela sik i save kilim i dai ol pipel long Pasifik.

WHO i painimaut olsem 75 pesen bilong ol lain i dai long ol Pasifik kantri em ol i kisim sik we i no save kamap long binatangi i kalap long sikman i go long narapela. Nogat em i kamap long ol kain sik olsem long lewa o hat, sik suga, kensa, vailens na sik bilong kisim planti drag o spak brus. Dispela em i wankain tu long ol narapela bikpela kantri blong wol.

Insait long Yunaitet Stet na planti narapela kantri, i gat luksave long sik kensa long susu insait long mun Oktoba. Long Novemba bai i gat luksave long sik suga o daiabitis na bihain bai 16 de ol toktok bilong stopim pasin bilong paitim

na bagarapim meri o "Vailens Egens Wimen.

Ol dispela kain sik na pasin nogut i wok long kam insait long laip bilong ol lain bilong yumi na bagarapim sosaiti na ol wok mani bilong yumi. Ol kantri long wol i wok long makim ol de, wik, na ol mun long salim aut tok save bilong ol sik we i no save kamap long wok bilong binatang. Long ol kantri olsem PNG, Vanuatu, Fiji na Solomon Ailan, ol kain sik olsem hat atek na kensa i wok long kilim planti man na meri olgeta yia nau na kensa em i go pas tru long kilim ol man long wol.

Ol dispela kain sik we ol lain i save tingting olsem em i kain sik bilong ol waitman long bikpela kantri tasol, nau i kamap wankain long ol liklik kantri tu.

Kain olsem, insait long Saut Pasifik nau, sik suga o daiabitis na sik bilong lewa nau i go pas winim ol narapela sik bilong binatang olsem malaria, numonia.

Long wan wan yia, planti lain long Pasifik Ailan i save kisim hat atek, katim lek na han, kamap aipas o i save kisim hevi long kitni bilong ol bilong wanem ol i gat planti suga long bodi na ol i kisim hai blut presa. Planti taim dispela ol sik i save bagarapim laip na sindaun bilong ol.

Ol helt sistem long ol kantri nau tasol i wok long kirap, em i redi long daunim ol sik i save kamap long ol binatang na ol i no redi long ol sik i kamap long nupela kain pasin bilong kaikai na wok. Ol nupela banis marasin na ol strongpela marasin i ken daunim ol sik i kamap long binatang.

Tasol long daunim ol sik nau i wok long kilim ol lain yumi olgeta mas wok bung wantaim long senisim ol sistem bilong helt. Sapos yumi i no gat gutpela plen bai dispela senis i ken kamapim bikpela hevi long helt sistem bilong kantri bilong yumi. Yumi no ken wet moa.

Dokta tok lukaut long nupela CEO

PRESIDEN bilong Nesenel Asosiesen bilong ol Dokta (NDA), James Naipao i tok amamas na tu, tok lukaut long nupela Sif Eksekutiv Opisa bilong Pot Mosbi Jeneral Haus Sik, Grant Muddle.

Dokta Naipao wantiam ol nupela eksekutiv bilong NDA i raitim wanpela pas i go long Mista Muddle, olsem ol i amamas long em i kisim wok CEO bilong dispela level 7 na Nesenel Riferel Haus Sik. Tasol long wankain taim, Mista Naipao na ol eksekutive i givim sampela strongpela tok save na tok lukaut.

Namba wan wok bilong ol Yunion em bilong lukautim rait bilong ol memba bilong ol. Tasol ol i mas helpim bos bilong ol tu long mekim olgeta wok bilong ranim haus sik. Ol i laikim ol narapela yunion bilong ol helt woklain tu i mas mekim wankain pasin.

Haus sik em inap long kisim, 200,000 sikman long olgeta yia tasol nau taim wel na ges i kamap, namba bilong ol lain i laik kisim helpim bai i go antap long wan milien.

Gavman bilong Australia i bin wokim wanpela hap bilong haus sik 40 yia i go pinis, na narapela hap em Gavman bilong Siapan i wokim, 21 yia i go pinis. Tasol dis-



L-R Grant Muddle putim nek tai, wantaim Henry Young, CEO bilong Theophilus Faundes na bod memba bilong PMGH, long taim ol i givim K58,000 sponsa mani bilong 12-pela nes long Pasifik Adventis Yunivesiti long kisim ol long wok wantaim Pot Mosbi haus sik long neks yia.

pela hap i bagarap, bikos, i no gat mani long wokim mentenens.

Taim i no gat mentenens long haus sik, namba bilong ol nes i go daun bilong wanem ol i no gat haus bilong slip. Haus sik i sot long marasin na ol samting bilong wok i bagarap.

Patoloji, blut benk, redioloji, baiomedikal na motueri dipatmen i nidim sapot long givim gutpela sevis. Olgeta opereserum i no gat inap spes na nes na dokta long wok.

Em i tok olsem, "PMGH em i level 7 haus sik tasol, ol sevis bilong em i stap long mak bilong level 5 o 6 tasol. Nupela bod na opis bilong CEO i mas bihainim ol lo bilong wok i stap pinis. Sapos nogat bai i ken kamapim belhevi na ol woklain bai i no nap wok gut wantaim gavman."

Ol i laikim bod na menesmen i mas bihainim lo bilong Pablik Sevis na Dipatmen bilong Pesenel Menesmen long kisim ol woklain o long

pinisim ol long wok. Ol bod, CEO, DNS na DFA i mas wok aninit long mak bilong ol long ol i ken tok orait long hamas mani bilong yusim long wok, bihainim Fainensel Menesmen Ekt tasol na i no ken abrusim.

Ol bikpela projek i mas go long tenda bod long skelim na tok orait pastaim long wok. Ol memba bilong tenda bod bilong PMGH husat bai kisim mani o luksave long ol wok bai i kamap long haus sik, i no ken stap insait long seleksen komiti.

Ol meri maket bisnis narakain long narapela



Yut, Meri na Famili

Pastor
Barbara Lunge

Kisim bek samting satan i stilim

PAPAMAMA i lusim yu, o wanpela lain bilong yu i dai, o yu bungim sampela bikpela hevi i winim strong bilong yu, o wanem samting i kamap na driman bilong yu i no kamap tru?

Long hia bai yumi lukim olsem sampela taim yumi save bungim bikpela hevi tru, tasol em i kamap long gutpela bilong yumi. "Olgeta samting i save kamap long gutpela bilong ol lain husat i laikim Bikpela. Em yet bai i givim bek ol blesing bilong yumi, taim yumi kam bek long God na stretim laip bilong yumi wantaim em." Rom 8:28.

Namba wan samting, yumi mas gat klia tingting long ol plen bilong God na bihain bai yumi ken painim na kisim bek ol blesing bilong yumi. Sampela tok promis bilong God, bai tokim yumi long em bai givim yumi moa:

"Long dispela taim mun bai i lait strong olsem san. Na san bai i lait strong moa yet na lait bilong en bai i kamap bikpela tru i winim lait oltaim em i save givim. I olsem yu bungim lait bilong san bilong 7-pela de wantaim na mekim em i lait long wanpela de tasol. Dispela ol samting bai i kamap long taim bikpela i mekim gut gen long ol manmeri bilong en na pinisim ol hevi na pen em i bing givim ol." Aisaia 30:26

"Olgeta samting i kamap long dispela graun, i save kamap long taim bilong em yet. Em i makim taim bilong laikim tru narapela man na taim bilong no laikim narapela man. Em i makim taim bilong pait na taim bilong sindaun gut." Saveman 3: 1, 8.

"Taim Bikpela i bringim mipela i kam bek long Saion, mipela i ting mipela i olsem driman nating. Bikpela, yu bringim mipela olgeta i kam bek. Dispela i olsem ol baret bilong bus i drai pastaim, tasol yu mekim ren i kam daun na wara i pulap long ol baret. Ol man i wok long kraik na planim kaikai, bai ol i ken amamas na kisim ol kaikai i mau." Buk song 126:1, 4, 5.

Ol lain i kisim bikpela hevi na pen, bihain bai i lukim narapela kain blesing stret. Maski long komplek na painim narapela rot. Yumi mas save na wet long taim bilong God stret long bringim haus lain na famili, wok na planti narapela samting bilong yumi i kam bek gen.

Sapos yu laik toktok moa o yu nidim prea, yu ken rait long: Evangelis Barbara Lunge, ROGIM, P.O. Box 3063. Boroko. NCD. PNG, o ring long BM 67331426 OR 71075829 DG

Skulim ol pikinini long rait na wok

WOL Visen i holim wanpela 3 de woksop long skulim ol pikinini long ol rait na wok bilong ol las wik long Pot Mosbi.

Dispela woksop i makim kirap bilong 20 de bilong luksave long ol human rait insait long kantrri na long wol. Wol Visen i stat long wokim kempen long Peter Torot Elementri Skul long 8-Mail Setlemen. Bihain ol i go long St Peter Chanel, Erima na Bomana Praimeri Skul.

Rait bilong ol Pikinini awenes kempen i go long ol skul long ol hap we Wol Visen i gat projek insait long ol komyuniti long NCD. Ol

wok lain bilong helt na edukesen projek i bung wantaim long skulim ol pikinini long ol rait bilong ol na ol wok bilong ol tu.

"Em i rait bilong yupela long go long skul na kisim save. Tasol wok bilong yupela em long skul gut na mekim homwok bilong yupela." Opisa bilong Rait bilong ol Pikinini, Albert Babu i tokim ol sumatin bilong Peter Torot Elementri Skul.

"Em i rait bilong yupela long go long haus sik taim yupela kisim sik. Na em i wok bilong yupela long dring marasin, na pinisim gut marasin long kamap

Frieda Sila Kana i raitim

MARGA C. Fripp, wanpela meri Amerika husat i kam long helpim ol meri PNG long kirapim strong liklik bisnis, i kirap nogut long lukim ol meri PNG i gat planti save na bikpela laik long wokim bisnis.

"Mi laikim tru long kam long hia, tasol mi no save wanem samting bai mi givim long ol meri long PNG. Mi kam lukim ol meri long PNG i gat bikpela laik long kamapim bisnis na gutpela sindaun bilong ol. Ol meri PNG na ol meri long Amerika i wankain tasol," Mis Fripp i tok.

"Dispela wakabaut bilong mi em i narapela kain wakabaut stret. Mi go long Madang long Tunde na samting olsem 80 meri mi bungim ol. Taim mipela i pinis long miting wantaim ol, ol singim song na pre long mipela.

Misis Fripp i bin bungim ol meri i save maket long hendikraf long Pot Mosbi, long Fraide las wik insait long Amerika Kona long Nesanel Laibreri long Waigani.



Marga Fripp wantaim ol midia lain insait long Waigani Nesanel Laibreri.

"Mi laik helpim ol meri long luksave, wanem kain samting wan wan meri i save mekim em i narakain long ol narapela meri husat i mekim wankain samting. Kain olsem ol i mas gat wanpela stori i go wantaim samting bilong bisnis bilong ol. Em i olsem tred mak bilong ol. Ol i mas muv long infomol sekta na go insait long fomol sekta bisnis," Misis Fripp i tok.

"Kirapim strong ol meri long bisnis em bai yumi strongim komyuniti famili na komyuniti. Mi laik toktok long ol meri long wok bung wantaim long senisim pasin bilong mekim bisnis we olgeta i ken kisim helpim. Ol meri i ken traim long mekim binis bilong ol i lukluk narakain liklik long narapela. Gavman i ken mekim wanem

long helpim ol meri long kamapim moa liklik bisnis? Ol meri long PNG i autim bel bilong ol long mi olsem ol i gat bikpela hanger long kisim save na trening. Ol i laikim fomol trening. Olsem na gavman i ken strongim ol maket wantaim ol trening na skul long givim moa save long ol meri long sait bilong kamapim na lukautim gut bisnis long mekim em i gro.



Tupela sumatin bilong Madang Tisa Koles i sanap stail wantaim bilum dres bilong ol.

orait gen," Mista Babu i tok.

Long wankain taim, ol woklain bilong TB DOTS i tok tok long sik TB long ol sumatin. Ol i tokaut tu long sampela toktok bilong HIV/AIDS na tu long wok bilong kisim banis sut.

Biangke Gibilen, Nes Kaunsila bilong HIV Projek i tok, "Yupela ol skul pikinini, save isi tru long kisim ol resa long sapim pensil bilong yupela o long katim kapa bilong pinga. Tasol mi laik tokim yupela long no ken kisim ol resa em ol bikpela lain i yusim pinis. Nogut ol i gat sik HIV/AIDS na bai yupela i kisim taim resa i katim yupela."

TB DOTS Opisa, Nerrie Eremas i toktok long ol pikinini i mas kaikai gut long moning na kam long skul.

"Olgeta lain i ken kisim binatang bilong sik TB taim ol i pulim win klostu long narapela i gat sik TB na ol kus o spet. Taim ol lain i gat sik na i no pasim maus na kus, ol i ken salim binatang bilong sik i go aut. Yu mas kaikai gut bai bodi bilong yu i ken strong long kisim binatang taim yu pulim win wantaim sik," Mis Nerrie i tok.

Ol i bin yusim ol papet long autim ol tok skul bilong ol sik na tu givim presen long ol sumatin husat i givim ol stret-pela bekim. Ol tisa tu i kisim sans long bekim tok long helpim ol sumatin.

Long Novemba 16 bai ol i holim bikpela de bilong pilai long Ela Bis long autim tingting bilong olgeta lain i mas lukautim ol pikinini.

Bilum klos bilong grisim turis

BILUM klos i ken strongim turis bisnis long PNG. Moa meri i gat save bilong wokim bilum wantaim kain kain kala na stail, i go het long soim hanmak bilong PNG stret.

Tasol i mas gat moa promosen bilong dispela ol lokal prodak long maket long sait bilong pasin bilong soim ol bilas (feson) long ol bikpela so o pestivol. Dispela bai soim tru kalsa na bisnis bilong hendikraf na tu bilum klos long PNG.

Meri i go pas long Bilum Projek long PNG, Florence Jaukae i mekim dispela toktok las wik. Mis Jaukae i tok, moa meri long Hailans na tu long ol taun long nambis i mas go het long wokim bilum klos na promotim bikos em bai opim stret ai bilong ol turis.

Em i tok dispela kalsa bilong bilum klos em i nupela long kantri, na planti meri bai i sem long putim na wokabaut long pablik. Ol i

tingting olsem nogut ol manmeri i mekim fani long ol. Tasol em stail bilong nau, na long dispela taim nau PNG i mas kamap wantaim stail bilong bilas bilong em yet em wantaim samting ol PNG yet i wokim.

Florence i save soim aut bilum dres longpela taim long Goroka, lsten Hailans Provins na i bringim dispela stail i go aut long arapela bikpela senta olsem Mosbi na tu long ovasis. Em i wanpela strongpela meri stret long strongim na soim aut dispela samting i kamap long PNG stret.

Ol narapela meri long Mosbi wantaim wankain tingting tu i bihainim pasin, Mis Jaukae i mekim long soim stail bilong bilum klos long Goroka, na ol tu i soim stail bilong bilum klos long Mosbi.

Nau long dispela taim bilum klos i bringim nupela stail na kala long planti ol greduesen bilong ol skul, koles na ol institusen long PNG.



Ol pikinini i bekim askim bilong Nes Kaunsil bilong Wol Visen HIV Projek, Biangke Gibilen.

Moa deliget kamap long Mumeng Distrik konprens

Paulus Tali i raitim

EVANJELIKEL Luteran Sios(ELC PNG) Mumeng Distrik Konprens Namba 18 i bin kamap long Zone 5 Timini Peris.

Moa long 8, 000 Kristen i kam olsem long Timini na i go inap long Wau na Kaindi i bin stap long konprens long Oktoba 26 inap long 2 Novemba.

Long konprens Baibel Stadi i kamap long strongim bilip long ol Kristen. Stadi i sut, long Efesas Sapta6 na ves 1 i go ves 4. Stadi i salensim ol Kristen na ol wokman meri bilong sios long tok bilong God olsem

sapos yumi wan wan pas wantaim Krai bai yumi na famili na komyuniti.

Namba tu Distrik Presiden Rev. Bob Gideon i tok ol pasto, evanjelis, wokmeri, yut lida, Sande skul wok i ran gut long lukaut bilong Kristen.

Mumeng sios distrik i gat 19 peris long wan wan Zone. Las yia Zone 1 i bin hostim konprens na nau, Zone 5 long Timini peris i go pas.

Helpim Bisop bilong ELCPNG, Reveren Zau Rapa, husat i kamap tu i tok amamas



SENISIM LONG SOIM WANBEL: Ol ELC PNG lida bilong Kesowai wok misin eria i senisim kokonas wantaim ol wanlain bilong ol long Bena seket bai lukautim 2014 konprens. *Poto: Paulus Tali*

long ELC Mumeng Distrik Konprens i bihainim mak na visen tru bilong ELCPNG long het tok bilong Stadi. [Krais stap insait long Famili]

Long narapela stori, Morobe Mining tu i stap insait long ELC Mumeng Distrik we ol save wok bung long kain kain

program bilong sios olsem konprens o wok misin. Kampani save wokbung wantaim komiti long daunim kain kain hevi.

Vais Presiden Rev. Gideon, husat kisim pes bilong Distrik Presiden Robert Gisungtau i tok;

“Tru i gat hevi, tasol em i lukim ol Kristen bilong Mumeng Distrik i save sapatim tru ol wokman meri long karim aut ministri bilong sios. Kristen ofa long sapatim wok sios em kamap gut long 19-pela peris na kongrigesen bihanim tok bilong Malakai 3,ves 10.

Wok bung i save strongim sios wok

Paulus Tali i raitim

WANPELA wik Mumeng Luteran Distrik konprens i bin toktok long planti samting i karamapim sios, ol bilip manmeri bilong em, helt, edukesen sevis, ol wok mani, ol sosel isu na moa.

Planti toktok i kamap tu long eset o propeti bilong distrik long Grace Memorial Skul long Wau, Mainyanda Tok Ples Skul long Watut, Baiyune Luteran hai skul.

Ol Kristen i laikim ol sios wok

manmeri i mas strongim wok ministri long autim Gutnius long Kristen bilip manmeri na pikinini.

I gat kago kalt i stap tasol ol sios wokman i save autim tru Gutnius na daunim hevi bilong kago kalt i no ken kamap bikipela na bagarapim Kristen bilip.

Tupela lida bilong Distrik, Reveren Gisungtau na Reveren Gideon i tok bikipela amamas long ol Kristen long wok bung bilong ol i save i stap long strongim wok sios.

Populesen bilong Kristen bilip manmeri long 2008 em 23, 000, tasol long 2013, em i kamap long 25,000 mak.

Gavman lida, Sam Basil i save givim bel na sapatim tru sios bilong em ELC Mumeng Distrik.

Em bai lukluk long sapatim ol Kristen bilong distrik long i go long ELCPNG Sinod long Karkar long January 2014.

Ol Kristen bilong Mumeng oltaim i save amamas long lida bilong ol long gutpela taim na taim nogut.

Em i save stap baksait long sapatim ol kristen. i no man meri long Mumeng tasol i kamap long konprens, tasol ol arapela i kam long Mosbi, Madang, Lae, na Hagen.

Ol i kam na luksave long hevi bilong distrik na tu ol i givim ofa long sapatim distrik.

Komyuniti Opisa bilong Morobe, Urick Kemango i tok, “Mipela long maining oltaim i save stap klostu wantim ELC Mumeng Distrik long sios na komyuniti. Olsem nau mipela kam stretim rot i kam.



Kristen Yuniti

KRISTEN yuniti em wanem? Planti long yumi i no luksave long wok yuniti na yumi no save bung wantaim narapela sios memba, pasto o lida manmeri.

Yumi ting olsem nogut yumi go bung wantaim ol Roman Katolik o ol lotu Angliken, na bai yumi go long paia ples.

Dispela kain tingting bilong yumi. Yumi yet i kamapim bikipela pret namel long arapela sios memba o sios na i hat tru long putim bris na kam bung wantaim Jisas i laikim.

Sapos olsem, yumi no ken autim tok long Lav o laik pasin bilong God.

Sapos maus wara i pulap long pasin laikim na givim bel na insait long laip bilong yumi i nogat, em yumi wok long giamanum God. Maus i swit na long lewa bilong yumi i kamapim pinis birua. Em nau yumi yet i brukim bris long yumi wantaim God na long wanpela na narapela. Dispela em i no God laikim, nogat! Em wok bilong satan.

Dispela em i olsem han bilong diwai i pas pinis long diwai na wan tasol i no karim gutpela kaikai na papa bilong gaden i glasim na katim na tromoi i go long paia (Jon 15: 5).

Long as tingting bilong yuniti, i olsem kam bung wantaim long lotu, prea na wok wantaim arapela Kristen sios.

Yumi mas luksave long arapela olsem yumi luksave long yumi yet long wanem, God i luksave long yu na mi tu.

Ol wok yumi mekim long ai bilong God i no narakain, nogat! Em wankain wok.

Santu Jon 15:17 i stori long dispela wok yuniti. Em Jisas yet i kamapim na soim yumi long mekim kaikai i mas kam.

Jisas i tok, “Mi bun bilong wain na yupela em ol han bilong diwai wain. Husat i stap insait long mi, mi stap insait long em, em bai karim ol gutplea kaikai”.

Em surukim yet na i tok olsem. Mi i stap insait long Papa na Papa i stap insait long mi, olsem mi stap insait long yupela bikos mi na Papa em i wanpela tasol.

Tru, dispela pasin Kristen wok bung em i gutpela stia tok Jisas yet i kamapim na yumi mas karim aut long bung, pre, sea na wok wantaim long lukautim sipsip bilong God.

Lida bilong wan wan sios em yumi mas stiam dispela pasin Kristen bung.

Wankain olsem pasin ol Angliken na Roman Katolik i wok long mekim.

Tupela mama sios i kam bung wantaim, sea, prea na wok bung wantaim long mekim pasin bung wantaim Jisas i kamapim na i mas wok.

Olsem na pasin wok bung namel long yu, mi na God em i nambawan.

Bilip i bungim salens

BILIP bilong ol Kristen tude i bungim salens taim pipel i tingting tumas long ol samting bilong graun.

Dokta Catherine Nongkas, wanpela tisa bilong Divine Word University (DWU), i mekim dispela toktok long namba tu Jeneral Asembli bilong Katolik Sios.

Dispela bung i bin kamap long DWU, Madang long wanpela wik, na i pinis long asde.

Dispela bikipela bung bilong Katolik Sios i bungim ol bisop bilong olgeta daiosis long PNG na Solomon Ailan, ol pater, ol rilijes, ol bikman long sios, ol meri na yut lida i makim ol daiosis na ol peris long bungim ol tingting na wokim plen long rot sios bai ran long en long ol yia i kam.

“Bikipela samting em, Asembli em i taim bilong

pre, glasim na skelim ol samting, stap isi na harim, na toktok wantaim.

“Em i givim daireksen o stia long taim bihain bilong sios i ran long em. Na sios em pipel husat i singaut long putim Jisas I go pas na autim Gutnius. Asembli i sans we i bungim ol man wantaim long painim gen, strongim bilip bilong yumi long dispela yia em yia bilong bilip,” Kodineta bilong Jeneral Asembli, Pater Roger Purcell MSC, i tok.

Em i tok long dispela Jeneral Asembli, ol i wokim 5 yia Konprens Pastoral Plen bilong sios long PNG na Solomon Ailans i bihainim singaut bilong Bikipela long developim sios, bungim ol hevi na painim ol ansa long helpim sios i skruim gut wok bilong em long ol yia i kam.

Long bikipela toktok bi-

long em, Dokta Nongkas i tok ol samting bilong graun i wok long pulim planti man na ol i no tingting tumas long Bikipela na Kristen pasin.

“Planti lain tude i no bisi long bilip na bihainim Kristen pasin. Mak bilong ol bilip manmeri i wok long pundaun tude.

“Long wankain taim tu, bilip i mas salensim kalsa long sait bilong tumbuna pasin na ol nupela samting bilong tude.

“Kristieniti i laikim pipel i kam wantaim olsem komyuniti na dispela em i wanpela rot pipel i lusim “mi tasol” pasin.

“Tumbuna bilip long “sorcery” o sanguma, tarangu pasin long taun na famili i bagarap em ol kain pasin tude we sios i gat salens long autim bilip,” Dokta Nongkas i tok.



Pasto Zawie Sandry i sanap wantaim yut lida na narapela yut bilong Ridima Luteran Peris long Lae. *Poto: Paulus Tali*

WOL NIUS LONG POTO



Sampela ten tausen manmeri i dai long taifun Haiyan long Filipins. Hia ples i bagarap tru na ol manmeri long ples i rausim kago na lusim ples.

Strongpela win kilim planti pipel

SAMTING olsem 10,000 pipel i dai long taim strongpela win ol i kolim taifun Haiyan i kamap long Filipins las wik.

Sampela ripot i tok samting olsem ten tausen pipel i dai pinis bihain long Taifun Haiyan i hamaim Leyte provins long wiken.

Wanpela senia polis opisa i tok dispela bikipela taim nogut, em ol i no bin lukim wanpela bipo olsem i bin bagarapim planti gaden kaikai na ol haus na ol narapela samting long dispela provins.

Dispela bikipela taim no gut i bin bagarapim planti haus, ol skul, ol rot, ol biris na planti ol narapla samting.

Planti milien pipel i no gat ples long stap nau.

Presiden Benigno Aquino i tok bikipela na namba wan samting em bai ol i mekim em long stretim na bringim bek iletrisiti na telepon. Ol i salim pinis planti tausan ol soldia long ol balus bilong ami i go long ol despela ples wantaim ol imejensi saplai.

Vietnam tu i redi na wari bihain long 12 tausen pipel idai long Wanpela bikipela wok i go het nau long Filipins long helpim ol planti tausen pipel bihainim ol bagarap na hevi em taifun Haiyan i bin kamapim long Filipins. Dispela taifun klostu nau bai hamaim Vietnam.

Ol i surikim pinis moa long 60 tausen i go long ol ples em ol i ting bai orait long Vietnam. Strong bilong taifun Haiyan em i senis pinis na ol i tok em i wanpela strongpela win em i raun nau long Saut Saina Si.

Saina i redi long dispela bikipela win, tasol ol i ting Vietnam bai no inap kisim bikipela hevi tumas olsem Filipins.

Saina i mekim pinis ol tok lukaut long ol hevi em taifun Haiyan inap kamapim bihain long sikispela boskru bilong wanpela kago ship i bin lus.

Ol i bin helpim moa long 13 tausen pipel long provins bilong Hainan long saut hap bilong kantri na ol i bin tokim moa long 400 ol bot long lusim solwara na kam bek long sua.

PNG pipel i mas yusim midia long autim wari bilong ol.

Displa toktok i kamap long wankain taim we oli sutim tok long gavman long traim pasim masu bilong midia long kantri.

Martin Namorong, PNG raita na man i no save isi long toktok planti long ol isu long Namorong Ripot Blog i tok, sapos dispela i

kamap olsem, ol man meri long ples i gat bikipela wok long mekim.

Panti ol praiwet midia lain insait long Papua Niugini i stap aninit long bikipela 'presa' bihain long gavman i laik senisim ol long onasip long midia long kantri.

Dispela wari tu i bungim ol wokman meri na menesmen bilong nesinel brodkasta bilong kantri, NBC, em gavman i bosim olsem wanem i go aut long redio i mas bihainim yet maus bilong gaman.

Tasol planti midia 'komenteta' na lain i was long wok politik i tok dispela i bringim wanpela bikipela wari olsem ol midia wokman meri i no fri long tokaut o ripot i go long ol bikipela isu i kamap.

Em i tok tu olsem ol niusman-meri long kantri i wok long bungim planti hevi long wok bilong ol long wanem gavman i no save mekim gut wok bilong en.

Remembrance De long Australia

MANDE 11 Novemba em i 95 yia bihain long Namba wan Wol Woa i bin pinis. Planti handet pipel bilong Australia i makim dispela de long olgeta hap bilong kantri.

Nem bilong tupela Australian soldia husati bin dai long Afganistan i stap nau long Australian War Memorial long Kenbera.

Long 11 kilok stret i makim 95 yia stat long taim ol i bin pinisim ol pait long Wol Woa 1 long 1918.

Maski sapos no gat wanpela soldia bilong wold War 1 i stap nau, ol famili na ol pren bilong ol bai stap long ol seremoni long makim na tingim ol bikipela wok em ol dispela soldia i bin mekim.

Planti tausen soldia bilong Australia i bin dai long dispela woa.

Ol i putim tupela narapela nem bilong tupela soldia em ol i bin kilim ol long ol pait long Afganistan husat i bin dai long dispela yia i go pinis, na nau nem bilong ol i stap long Rol bilong Ona long Australian Woa Memorial long Kenbera.

Ol i kolim nem bilong tupela long Nesenell Remembrens De Seremoni.

Praim Minista bipo, Paul Keating, i givim bikipela toktok o Remembrens Adres. Em i makim 20 yia bihain long em i bin mekim bikipela toktok long makim dai bilong wanpela Soldia em ol i no save long nem bilong en o unknown Australian soldia em i bin dai long Wol Woa 1.



TINGIM: Dispela wik Mande 11/11/2013, i bin lukim wol i tingim ol soldia i bin dai long Wol Woa 1 o namba wan pait long wol 99 krismas i go pinis. Ol i kolim dispela de "Armistice Day" o Rimembrens de o long Tok Pisin, de bilong tingim ol lain i dai pinis. PNG, i bin tingim dispela de we ol Return Services League or RSL i bin go pas long wanpela seremoni long Ela Bis, Mosbi. Ol lain bilong ol Hai Komisin na Foren Embasi, PNG Difens Fos na ol arapela moa i bin stap insait long seremoni we ol bikman i bin mekim ol toktok na tu, putim ol plawa long tingim ol soldai i bin pait strong long fridom, demokresi na gutpela sindaun planti kantri em PNG i stap insait tu long en. Neks yia bai 100 krismas bihain long WW1. **Poto: Kolopu Waima**



STAIL PASIN TUMBUNA: Ol meri long Leik Kutubu eria, Sauten Hailans wokim wanpela tumbuna pasin long Kundu na Digaso Festival. **Poto: Don Niles**



GLASIM PIS: Ol woklain bilong Outback Ecology long Madang i glasim ol Ramu pis. **Poto: James Kila**

Givim gutpela luksave long egrikalsa



Gavman bai tokaut long 2014 baset long neks wik. Praim Minista wantaim Minista bilong Tresari i tokim ol pipel bilong Papua Niugini olsem olgeta samting i orait long dispela baset.

Yumi amamas long toktok bilong dispela tupela lida bilong kantri. Wok bilong ol em long kamapim gutpela mani plen bilong ol pipel bilong PNG na yumi olgeta i ken kisim gutpela helpim long ol skul, helt sevis, transpot, ol gutpela rot, transpot, klinpela wara saplai, haus na ol arapela samting bilong kamapim gutpela sindaun.

Wok bilong kamapim baset o mani plen bilong kantri em i bikpela hatwok tru. Ol save-man bilong mekim wok i mas kliia gut long wok bilong ol. Ol politisen tu i mas luksave na larim ol saveman i mekim wok bilong ol. Pasin bilong senisim nabaut samting long las minit bai kamapim bikpela hevi long bihaintaim. Nau em i taim bilong putim yau tasol long harim hamas mani bai go long wok bilong givim sevis, hamas bai go long ol bikpela projek na hamas bai go long ol gavman dipatmen. Mani bilong baset bai kam long mani gavman i kisim long takis insait long PNG yet na dinau mani em i kisim long ol benk na ol ovasis kantri.

Long taim bilong tokaut long baset, yumi harim ol lida na saveman i givim tokstia long pasin gavman i mas skelim mani long gutpela bilong kantri. Sampela i tok moa mani i mas go long wok bilong egrikalsa na ol bisnis insait long kantri. Sampela i tok mobeta gavman i no mas givim ol bikpela kontrak we i kostim kantri planti bilien kina i go long ol ovasis kampani. Na sampela i tok kantri bai pilim pen bilong mani gav-



man i no bin putim long 2013 baset, tasol em i mas painim long dispela yia long mekim ol bikpela wok olsem ol wok redi bilong 2015 Pasifik Gems. Ol dispela kain samting i bagarapim mani plen bilong dispela yia na bai yumi pilim yet long ol yia i kam bihain.

I gat moa salens i kamap tu bikos strong bilong mani bilong yumi Kina i pundaun. Strong bilong em i daunbilo tru long taim yumi makim wantaim mani bilong Australia na Amerika. Sapos yumi laik senisim i go long mani bilong ol arapela kantri bai yumi mas spendim moa Kina long baim mani bilong Australia o

Amerika. Eksampel, sapos yumi go senisim wan kina i go long mani bilong Australia bai yumi kisim 36 sents tasol na long 34 sents long mani bilong Amerika. I tru olsem eksen reit i senis long olgeta de tasol strong bilong Kina i no muv i go antap. Em i stap daunbilo inap longpela taim liklik. Ol saveman i tok ating bai em i strong gen long taim yumi stat long salim LNG ges i go aut long ol ovasis kantri long pinis bilong neks yia.

Gavana bilong Benk ov Papua Niugini i tok save long dispela wik olsem ol pipel i no mas wari tumas long dispela senis long strong bilong Kina. Em i tok kliia long wanem ol

samting mekim na strong bilong mani bilong yumi i pundaun. Em i tok ol pipel na bisnis i no ken pret long taim ol i harim kain kain toktok long dispela samting. Yumi amamas long gavana bilong benk na ol savemanmeri i tok kliia long pipel.

Ol pipel bilong ples na ol manmeri nating bai i no inap long bisi tumas sapos prais bilong ol samting long stua i no sut i go antap. Yumi luksave olsem laip i senis long PNG na moa manmeri i wok long kaikai rais nau. Yumi no groim rais inap long givim kantri. Yumi baim rais i kam long Australia na sampela

kantri long Esia. Olgeta yia kantri i save lusim planti milien Kina long baim rais we yumi yet inap long groim sapos yumi strong na mekim wok i kamap tru.

Oltaim yumi save harim toktok olsem 'egrikalsa em i baksait bung bilong PNG.' Dispela hap tok i bin tru long taim bilong ol tumbuna bilong yumi. Tude laip i senis na pasin bilong yumi long wok long graun i senis tu. Planti bilong yumi i no save moa long holim sped na naip na wok gaden. Han bilong yumi i malumalu bikos yumi holim pen na patim ki bilong komyuta na mobail fon na yumi paul long wok gaden. Mekim olsem na yumi no luksave long bikpela mani i lok i stap long graun na wok egrikalsa. Olsem na dispela hap tok, 'egrikalsa em i bung bilong PNG' em i trupela tok.

Nau strong bilong Kina i pundaun, yumi harim gen toktok i kamap long ol saveman long ol kakao, kopi fama na ol groa bilong ol arapela diwai binis i mas planim o kamapim moa na bai ol i ken kisim gut mani long taim ol i salim long wol maket.

Em i trupela toktok tasol ol fama i no lukim gutpela mani bikos prais bilong ol dispela bisnis long wol maket i bin pundaun tu olsem na ol i pilim olsem hatwok bilong ol i lus nating. Ol i no gat wanpela luksave i kam long gavman long fetalisa, ol masin na arapela samting bilong wok em ol i mas spendim mani long baim.

Ol fama husat i groim kaikai tu long Hailans i pilim wankain pen. Narapela wari bilong ol fama em gutpela rot bilong karim ol kaikai o bisnis bilong ol i go long maket. Sapos rot i orait bai ol i ama-

mas long skruim moa wok bilong groim ol kes krop o ol kaikai.

Long taim bilong baset, ating i gutpela long tingting long ol dispela samting tu long helpim ol fama. Takis bilong ol masin na marasin bilong lukautim ol kes krop na ol tul bilong wok em sampela liklik samting inap long mekim wok bilong ol fama i kamap isi liklik. Ol i sotwin long hatwok tru na i no gat gutpela bekim na luksave. Olsem na i gutpela sapos gavman givim sans long ol tu long kisim win na amamas long taim ol saveman i mekim wok bilong skelim hamas takis gavman i tingting long kisim long kamapim baset.

Rausim takis long ol masin na marasin na ol tul em ol fama i yusim long bisnis bilong groim ol kes krop o kaikai bilong lukautim ol pipel bilong PNG, em i wanpela rot bilong helpim egrikalsa na bringim mani i kam insait long kantri. Ating bai PNG i lukim gutpela senis i kamap long ol kakao na kopi groa sapos yumi lukautim tu ol fama bilong yumi.

Yumi luksave pinis olsem ol kain samting olsem gol na kopa na wel na ges i no inap long strongim kantri. Em i bisnis bilong ol outsait lain na mani i go long poket bilong ol.

Na wanpela de ol dispela samting tu bai pinis. Tasol egrikalsa em i bun bilong yumi na i kamap long graun bilong yumi na mani yumi kamapim long egrikalsa bai stap long poket bilong ol pipel bilong Papua Niugini. Egrikalsa bai i stap yet long taim ol arapela samting olsem gol, kopa na ges i pinis.

No ken sapotim ol tok win nabaut



wanpela tok win orait yumi save go na stori long ol arapela na ol bai pulim go gen long arapela. Tasol nau em i isi tru long wanpela man i tok tasol na olgeta pipel bai kisim dispela tok win hariap tru.

Nau ol manmeri i save yusim mobail fon long salim teks na salim ol tok win go kam. Planti tok win i no tru tasol mobail fon i salim tok win ya go pinis na hukum pinis arapela manmeri pinis.

Nau ol yangpela manmeri na ol savelain i yusim kompyuta long salim toktok i go na i kam ol kolim Fesbuk. Ol bai raitim olgeta mauswara bilong ol na salim long planti lain. Nau ol arapela bai lukim na raitim tingting bilong ol antap na salim gen na planti tausen manmeri bai skruim dispela tok win o tok giaman go bikpela olgeta.

Long las wik wanpela bikpela tok win i raun long Fesbuk olsem Praim Minista Peter O'Neill bin kam bek long Saina na ol ami bin holim em na hensapim em. Dispela em bikos ol sampela lida i wok long bung long traime senisim Gavman bilong Peter O'Neill.

Dispela toktok i no tru olgeta na mekim bel bilong mi i hat tru bikos ol famili bilong mi wok long toktok long dispela long Mande apinun. Praim Minista yet i mekim kliia olsem no gat kain samting olsem bin kamap na dispela kain tok giaman i ron olsem win na trikim planti manmeri olsem na ol bai sekim gut na sapos husat i bin statim dispela tok win, bai polis i holim em stret.

Wanpela wanwok bilong mi bin bungim bikpela hevi tru long famili bilong em bikos sampela kain tok win bin raun olsem em gat narapela meri i stap long sait na meri pikinini i no save. Taim meri bilong em harim dispela tok win, em i kam pait wantaim tarangu man

bilong em long ples wok na bagarapim em tru na semim em stret. Bihain ol i painimaut olsem dispela toktok i no tru. Tasol tarangu wanwok ya i kisim bagarap na sem pinis.

Pasin bilong salim tok win nabaut i save bagarapim planti gutpela sindaun na planti gutpela samting long kamap gut. Sampela taim yumi strongim wanpela tok win na wanpela man i kamap bikman pinis long bisnis na politiks.

Olsem na lukaut gut taim yu harim wanpela tok win long pablik. No ken hariap na bilipim na hariap tokim ol arapela manmeri. Wet na skelim gut na glasim pastaim. Nogut toktok ya i no tru na yumi bagarapim planti gutpela manmeri wantaim tok giaman tasol.

Plis tingim, no ken sapotim pasin bilong salim salim tok win long arapela yusim mobail fon teks, Fesbuk o stori wantaim arapela. Tok win em olsem wanpela sik we win i karim kam long bagarapim yumi na arapela lain tu.



Published Weekly, Thursday, for Word Publishing Company, Ltd. P.O. Box 1982, Boroko, NCD Papua New Guinea

Telephone: (675) 325 2500 Fax: (675) 325 2579

Email: editorial@wantok.com.pg

Websait: www.wantokniuspepa.com

Pe bilong wanpela yia, 52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager Elizabeth Konga

Acting Editor Veronica Hatutasi

Published at Able Building Complex, Sec 58 Lot 02, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest or its absolute discretion. The publisher's general terms acceptance are available at Word Publishing Company Ltd and are set out full on the display advertising form.



Filipins:

Supa Taifun Haiyan i bagarapim Filipins. Poto i soim bikipela bagarap i wok long kamap long Filipins na ripot i tok planti hap long Filipins i kisim bikipela bagarap long bikipela win, Taifun Haiyan. Dispela win i kam long spit olsem 315km long wan wan aua na brukim graun wantaim na salim solwara i kam insait long taun na ples. Planti manmeri na pikinini i dai long dispela birua na namba i wok long go antap yet.



Syria:

Nupela video i bin kamap soim namba wan Australia suisaid boma. Dispela video i bin kamap long han bilong ol Al Qaeda grup, Jabhat al Nusrah, i bin tok dispela man Australia i bin kilim em yet long ami sekpoin long not-isten Syria long Septemba 2013. Long video, dispela Australia man i mekim ol las toktok bilong em na ol grup i redim ol bom long kar bipo em i go kilim em yet. Video i stap long intanet na em i singautim em yet olsem Abu Asma al Australi. Video i haitim pes bilong em na ol polis i saspek olsem em man Brisbane na nem bilong emi Ahmed.



Kilim meri

Wanpela man ol i tok em i kilim gelpren bilong em taim em i tromoim em i go daun long namba 15 floa long Sydney apatmen i lusim beil bilong em. Simon Gittany i kilim Lisa Harnum, husat i dai taim man ya subim em i kamdaun long 15 floa apatmen long Julai 2011. Man husat i kilim gelpren bilong em i laikim beil, tasol kot i no laik givim beil long em na salim em i go bek long kalabus na tokim long stap long hap inap kot bilong em i kamap gen. Kot bilong em i stap nau long pinis bilong en long Suprim kot.



Australia:

Praim Minista Tony Abbott na Oposisen lida Bill Shorten i sanap na kisim poto wantaim ol asples danis lain long wanpela seremoni autsait long Palamen haus long Australia. Ol i onarim ol federal Palamenterian na ilektim Bronwyn Bishop olsem nupela spika bilong haus olsem namba 44 insait long Palamen na opim palamen long bisnis i stat. Elda bilong lain Ngambri, Matilda House i givim wanpela bumareng bilong pait na tokim Tony Abbott olsem, "Em i gutpela long go painim abus long en".

Akauten i kamap kepten bilong sip

Mathew Yakai i raitim

NAU mi bilip olsem sapos mi wok strong long kamap wanem kain man bai mi ken kamap. No gat wanpela samting inap stopim mi.

Mi bin luksave long dispela taim mi bungim Kepten Kari Motu bilong Mailu Ailan long Sentral Provins long sip, *Surveyor*. Collins Shipping i papa bilong dispela sip *Surveyor*.

Mi bungim Kepten Kari long taim em i kisim ol bikipela saintis bilong wol i wokim wanpela wok Marin Sevei bilong Ramu NiCo Projek long solwara bilong Basamuk, Rai Kos. Mi bin kalap wantaim ol saintis bilong Ramu NiCo long dispela de.

Ples bilong mi i no gat solwara tasol mi bin raun pinis long solwara long dingi, sip, feri na mi no nupela long sait ya. Mi ken daiv na kilim sak tu o pilai wantaim dolpin. Tasol long dispela de, Fonde Oktoba 31 taim mi bungim Kepten Kari, mi lainim planti gutpela samting long em na gutpela skul toktok tu.

Kepten Kari i bin pinisim skul long Bankers College olsem wanpela akaunten na wok wantaim Lloyds Bank long Mosbi. Bihain em i bin go wok wantaim Pacific Towing, wanpela sip kampani. Tasol planti taim em i stap insait long opis, em i save mangalim ol si man na sip kepten i save kam bek long solwara o ol narapela provins na kantri.

Long wiken, Kepten Kari bai giaman go wok antap long ol sip bilong kampani em i wok long en na grisim bos long bai larim em wok ful taim. Em i save kamap olsem rop boi, klinim ol dek na wokim kain kain wok yu ken tingim. Tasol ol i no save baim em na tu, tasol em i no bisi.

Planti taim em bai askim ol bos long larim em i wok antap long sip tasol ol save tok nogat.

Wanpela taim, wanpela meri Australia na kepten bilong sip i tok orait long Kepten Kari i ken senisim wok na stap ful taim long sip.

Dispela i mekim bikipela senis insait long laip bilong em na em i no lukluk bek i kam inap tude taim em i bungim dispela mangi hailans antap long solwara bilong Rai Kos.

"Opis wok em mi releks na gutpela pe tasol bel na tingting bilong mi i stap long solwara na mi laik wok long sip. Mi laik go ovasis na kisim gutpela pe," em i tok.

"Mi inap go long Maritime Koles na lainim long kamap kepten na i no Bankers Koles long paitim namba," Kepten Kari i tok.

Tasol namba wan pe bilong em taim em i wok long sip i daunbilu tru tasol em i no wari tumas. Em i tingim olsem taim em i kamap akaunten ol i save kolim em bosman, na em i save kisim gutpela pe. Tasol nau em i stap daunbilu tumas.

Tasol taim em i wok hat na bihain long sampela potnait, em i lukim sampela senis long pe bilong em.

Tasol long kisim moa save na gutpela wok pepa, Kepten Kari i go bek long Maritime Kos aninit long luksave bilong ol sip kampani em i bin wok wantaim inap taim boi ya kisim Masta 5 Setifiket. Dispela pepa i givim em strong long kisim gutpela wok wantaim gutpela pe.

Taim em i gat dispela pepa, em i bin isi tru long painim gutpela wok long ol narapela sip kampani. Na em i wok wantaim ol kampani olsem Pacific Towering, PNO, Steamships, Lutheran Shipping na ol narapela i kam inap tude we em i wok wantaim *Surveyor* bilong Collins Shipping.

Surveyor em i wanpela strongpela sip i gat ol bikipela masin bilong glasim ol abus, na laip insait long solwara. Ol bikipela saintis i save yusim dispela sip long painim aut ol birua long solwara o long stadi long solwara. Planti ol main kampani insait long PNG i save hairim sip ya long wokim kain

wok painim aut long solwara na nambis.

Kepten Kari i amamas stret long wok bilong em long sip na tu em i amamas long planti gutpela samting em i save kisim long wok bilong em.

"Mi amamas stret mi bin kalapim ikweta tripela taim. Mi wis olsem mi ken krosim moa sapos i gat sans," Kepten Kari i tok.

Em i tok tu olsem pe bilong em i gutpela stret na i save go insait long benk stret. Antap long sip em i gat olgeta samting na em i no nidim mani.

Kepten Kari i tok tu olsem em i bin raun long planti hap long PNG na long wol.

"Yu laik go ovasis bai yu baim tiket bilong balus, tasol sip kampani i save baim mi long go ovasis," em i tok wantam bikipela smail.

Long wankain taim tu, em i gat liklik bel hevi bilong wanem 5-pela pikinini bilong em mama bilong ol i karim taim Kepten Kari i stap wok long solwara.

"Mi no bin lukim dispela pen na hevi meri bilong mi i karim. Tasol misis em olgeta samting long pikinini bilong mitupela. Em i save kamap papa na mama wantaim," Kepten Kari i tok.

Planti taim em i stap long solwara, em i save misim famili na pikinini bilong em stret.

Bipo em i tok komyunikesen em hat stret bilong wanem no gat mobail fon tasol tude, em i isi stret wantaim mobail fon.

Kepten Kari i bin wok longpela taim wantaim ol sip tasol em i no gat plen long risain hariap.

"Mi laik wok yet sampela taim. Sapos mi laik lusim bai wanpela gutpela samting i mas mekim mi lusim kain wok olsem kepten we i stap long lewa bilong mi," em i tok.

Olsem wanpela mangi bilong solwara yet, Kepten Kari i tok em i save amamas long kisim o ronim sip taim solwara i bikhet wantaim strongpela win.

"Planti kepten na kru i save bungim birua taim solwara i slip sore bilong wanem ol i save slip. Mi save amamas taim solwara i biket bilong wanem em i save mekim mi ai op, em i tok.

Tasol em i tok sefti bilong ol pasindia na wokman bilong em long sip em bikipela samting stret. Olsem na olgeta mun bai ol i kamapim sefti dril ol eksesais long lainim wei bilong abrusim birua long sip.

"Taim sip i laik kapsait o solwara i kam insait, mi mas go pas long luksave olsem olgeta samting i orait. Nogat em mi bai tokim olgeta long kalap long solwara wantaim laip jeket na mi bai las man," Kepten Kari i tok.

Taim mi askim em wanem samting tru em i gat hevi olsem em i no bin mekim long laip bilong em olsem kepten, em i tok.

"Mi rigret olsem mi bai no at sans stret long ranim o kisim wanpela sip i go antap long hailans." Sapos Hailans i gat solwara ating mi bai invaitim em stret wanpela de.

Tasol em i tok em i save amamas long ranim ol kago sip na ol sip olsem *Surveyor* bilong wanem ol pasindia sip i ken kapsait hariap taim ol pasindia i muv long sip go wansait taim solwara i biket.

Kepten Kari i aamamas stret long wok bilong em na i laik wok moa wantaim Collins Shipping bikos kampani i save lukautim em gut stret. i kam inap tude, em i wok 8-pela krismas wantaim ol.

Tasol ol dispela stori bilong em i no kam isi. Em i bin wok hat stret wantaim ekspirians na skul long kamap wanpela kepten tude.

"Yu mas wok hat long kisim wanem samting yu laik long laip. Yu mas go long olgeta step na kisim ekspirians na save bikos dispela bai kamapim yu strongpela saveman long wok tru bilong yu. No gat man bai rausim dispela ekspirians na save," Kepten Kari i tokim mi.

Em i tok planti yangpela man na meri save pinisim skul tude na ting olsem ol i gat save na laik painim gutpela wok



Kapten Kari i soim ol kain pon ol i yusim antap long sip.

hariap. Em i tok wanpela i mas gat ekspirians tu long bai kisim gutpela wok na mas daunim yu yet.

Long belotaim, mipela i bung long liklik hap ples bilong kaikai na sef bilong sip, Loa Kenae i kukim naispela sips na pitja we i swit na nais stret. Mi ting olsem mi bin kaikai insait long wanpela hotel ya.

Bihain long kaikai, mi lukluk raun long sip na man, mi mangalim stret naispela na klinpela ples bilong kuk, i gat bikipela frisa, ples bilong wasim klos, tupela klinpela toilet, ples bilong waswas, ol gutpela na klinpela rum na liklik laibreri wantaim ol kain

kain buk na megesin bilong rit.

Boi hailans i painimaut olsem ol sip ya i no save karim haus tasol ol i save karim hotel ya. Hones...mi mangalim stret taim mi lukim dispela na tingting tu, "Ating mi mas lusim kain wok bilong mi na kamap siman tu sapos Collins Shipping i givim wanpela sans wok."

Note: Dispela stori em tingting bilong man i raitim na i no tingting bilong kampani em i wok wantaim. Sapos yu gat sampela askim orait teksim em long: 70430771.

Ol Ritel Outlet lain!

Salim moa pepa na win olgeta wik!!

Sapos yu salim,

Ol Kapa

Ol bilak Kola siof

Ol marun siof

Ol blu Kola siof

Ol Ambrela

Sapos yu salim olgeta Wantok Niuspepa insait long stua o outlet bilong yu, bai yu gat sans long winim ol dispela promosen klos bilong Wantok Niuspepa!

Dispela promosen bai stap long Oktoba i go long Desemba 2013 tasol.



Program bilong Wanwan De

De - Mande - Fraide

6am - 10am - Sankamap show - Host: Kas.T
 6:00am - Major Nius Bulletin
 6:15am - Komuniti Notis Bod
 6:25am - Taim Bifo - wangepa singsing b'long bifo.
 6:30am - Nius Hetlains
 6:45am - Bonde grtins
 7:00am - Major Nius Bulletin - YUMIFM Nius Senta
 7:05am - YU TOK - komiuniti awenes program
 7:15am - WAN 4 DA ROAD - Hit Prediction - niupela singsing
 7:30am - Tok Pilai - stori b'long putim smail long nus pes.
 8:00am - Major Nius Bulletin - YUMIFM Nius Senta
 8:05am - YU TOK - komiuniti awenes program
 8:15am - "Papa Heni Fuka Show".
 9:00am - Nius Bulletin - YUMIFM Nius Senta
 9:15am - Luksave long Komuniti (Radio Pilai) Fraidei

Tasol
 9:30am - Final aua cruz
 10am - 3pm - Morin Trek na Belo Pack - Host: Mummy DASH
 10:00am - Major Nius Bulletin - YUMIFM Nius Senta
 10:05am - YU TOK - komiuniti awenes program
 10:15am - Kona b'long yu.
 10:45am - YUMI PANIM WOK Segment
 11:00am - Nius - YUMIFM Nius Senta
 11:05am - YU TOK - komiuniti awenes program
 11:10am - Lukautim yu yet - Helt toktok
 11:30am - Nius Hetlains b'long Belo Taim - Laik b'long yu - Niupela singsing previu
 12:00pm - Major Nius Bulletin - YUMIFM Nius Senta
 12:05pm - YU TOK - komiuniti awenes program
 12:10pm - BELO Pack - Belo taim rekwes na dedikesen
 12:15pm - Komuniti Notis Bod
 12:20pm - BELO Pack - Belo taim rekwes na dedikesen
 1:00pm - Nius - YUMIFM Nius Senta
 1:05pm - YU TOK - komiuniti awenes program
 1:10pm - BELO Pack - Belo taim rekwes na dedikesen

2:00pm - Major Nius Bulletin - YUMIFM Nius
 2:05pm - YU TOK - komiuniti awenes program
 2:45pm - YUMI PANIM WOK Segment
3pm - 7pm - Avinun Draiv Taim - Host: Vaviessie
 3:00pm - Nius - YUMIFM Nius Senta
 3:05pm - YU TOK - komiuniti awenes program
 3:10pm - Avinun cruz
 4:00pm - NIUS - YUMIFM Senta
 4:05pm - YU TOK - komiuniti awenes program
 4:10pm - FOAPELA KAM GUD LONG 4 - foapela singsing
 4:30pm - Nius Hetlains
 4:45pm - YUMI PANIM WOK Segment
 5:00pm - Major Nius Hetlains - YUMIFM Nius Senta
 5:05pm - YU TOK - komiuniti awenes program
 5:10pm - 6:00pm - KULCHA Musik (1 hr) skelim lokal musik 6pm - 7pm
- NAIT BEAT - Host: Vaviessie
 6:00pm - MAJOR NIUS BULLETIN - YUMIFM Nius Senta
 6:05pm - YU TOK - komiuniti awenes program

6:10pm - 7:00pm Mon kamap sho
 6:45pm - Komuniti Notis Bod
 7:00pm - 9:00pm - COCA COLA GARAMUT - Host: Angra Kennedy
 7:00pm - Nius - YUMIFM NIUS SENTA
 7:05pm - YU TOK - komiuniti awenes program
 9:00pm - 00am - Nait Beat - Isi Cruz long nait
 00am - 6am - BRUKIM TULAIT SHOW - Host: Tuluvan Vitz/Talaigu Sopi/Bata Rat
 00:00 - Early Monin Taim Cruz (ol lain brukim tulait shift)
 - Musik / Request / Tok pilai
 - Kipim Kampani long ol nait shift.
Wikens - Sarere
 6am - 10:00am - Wiken Sanrais Host: Talaigu Sopi
 7am - 9am - Sarere Monin Cruz
 9am - 11am - Monin Treks
 11am - 1pm - National Weekly Hit Parade - Host: Kasty - 1st aua NWHP
 12:00pm NIUS - YUMIFM Nius Senta
 12pm - 1pm - 2nd aua NWHP

Sarere belo cruz - Host: Tuluvan Vitz
 1pm - 2pm - Sarere Belo Taim Dedikesen
 2:00pm NIUS - YUMIFM Nius Senta
 2pm - 6pm - Sarere Avinun Cruz
 6:00pm NIUS - YUMIFM Nius Senta
 6pm - 00:00am - Nait beat
 7pm - 9pm - Coca Cola Garamut
 9pm - 00:00am - Nait cruz
 00:00am - 6am - Brukim Tulait Show
Wiken - Sandei
 6am - 10am - Wiken Sanrais / Sandei Monin wokabout Musik
 10am - 12noon - Monin Treks
 12noon NIUS - YUMIFM Nius Senta
 12 - 2pm - Sarere Belo Taim Music
 2:00pm NIUS - YUMIFM Nius Senta
 2pm - 6pm - Sandei Avinun Draiv Music
 6pm - Nius - YUMIFM Nius Senta
 6pm - 8pm - GOSPEL REKWES AUA
 8pm - 00:00am - Late Nait Cruz - Poroman Aua
 00:00am - 6am - Brukim Tulait Show
Program Director - YUMIFM - Kasty

RADIO AUSTRALIA TOK PISIN PROGRAM HARIM LONG: 101.9 FM

6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Spots
 7.30PM Nius na Karen Afecas
 8PM Helt
 8.15PM Musik
 8.30PM NIUS
 8.40PM Spots Riplei
 8.55PM Musik
 9PM Stesen Pas

TUNDE - Moning - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afecas
 8PM Mama Graun
 8.15PM Musik/Spots
 8.30PM NIUS
 8.40PM Helt Riplei
 8.55PM Musik
 9PM Stesen Pas

TRINDE - Moning - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afecas
 8PM Focus
 8.15PM Musik/Spots
 8.30PM NIUS
 8.40PM Mama Graun Riplei
 8.55PM Musik
 9PM Stesen Pas


FONDE - Moning - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afecas
 8PM Youth
 8.15PM Musik/Spots
 8.30PM NIUS
 8.40PM Focus Riplei
 8.55PM Musik
 9PM Stesen Pas

FRAIDE - Moning - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afecas
 8PM Wantok
 8.15PM Musik
 8.30PM NIUS
 8.40PM Youth Riplei
 8.55PM Musik
 9PM Stesen Pas

SARERE - Nait
 7PM Stesen op - Ol Nius Hetlain/Program Priviu
 7.05PM Musik na Chit Chat
 7.30PM Nius
 7.40PM Wantok
 8PM Lokal Ben
 8.30PM Nius
 8.40PM Musik/Chit Chat
 9PM Stesen Pas

SANDE - Nait
 7PM Stesen op - Ol Nius Hetlain/Program Priviu
 7.05PM Musik na Chit Chat
 7.30PM Nius
 7.40PM Femili Blong Serah (Radio Plei)
 8PM Lukluk Bek Long Wik
 8.30PM Nius
 8.40PM Musik/Chit Chat
 9PM Stesen Pas

Raun wantaim Wantok kru ...



Classic Creedence kukim RPYC

SARERE nait bin lukim Klasik Creedence i kam pilai long Papua Niugini long namba tri taim long Royal Papua Yacht Klap.

RPYC i bin pas long ol memba bilong klap na tu ol manmeri husat save bihainim musik bilong ol dispela Klasik Creedence.

X-Tension Ben bin givim ol instramen, lait na sampela bekap klasik musik long wetim ol dispela ben long kisim stej.

Planti manmeri na ol memba bilong klap i wok long putim was tasol long wanem taim bai Klasik Creeence go antap long stet. Long taim ol X-Tension pinis ol dispela ben i go antap.

Dispela i mekim ol manmeri go longlong na bikmaus long ol i mas pilai musik bilong ol hariap.

Ol bin pilai ol singsing bilong ol bilong bipo na ol dispela singsing i stap hit yet long planti hap long wol olsem, *Have you ever seen the Rain, Looking out my back door* na

planti moa.

Dispela nait bin gat planti sponsa long mekim dispela so bilong ol kamap. Ol sponsa olsem Paradise Beverages long nem Pepsi, Theodist, Hagina Hire, Energy Power System, South Pasific Air Conditioning, Royal Papua Yacht Club na X-Tension.

EMTV Television Guide

FONDE NOVEMBA 14, 2013

4:30 AM G **AUSTRALIAN NETWORK**
 5:00 AM G **JOYCE MEYER - 1052-4**
 5:30 AM G **EMTV NEWS REPLAY**
 6:30 AM G **TODAY**
 09:00 AM **Classroom Broadcast**
 9:00am Grade 7 Mathematics
 9:50am Grade 7 Science
 10:40am Grade 8 Mathematics
 11:20am Grade 8 Science
 1:00pm Grade 6 Mathematics
 1:50pm Grade 6 Science
 2:30pm DEPI Program
 3:30 PM G **KIDS KONA**
3.30 PM HI 5 - S7 EP#36/47
4:00PM GOT TO GO EP# 7/20
4:30PM KINGDOM OF PARAMITHI
 5:00 PM G **THE SHAK Series 2 Ep#3/75**

5:30 PM G **TRAPPED YR.2 CASTAWAY**
 6:00 PM G **EMTV NATIONAL NEWS**
 7:00 PM G **RAIT MUSIK EP#188**
 8:00 PM G **RESOURCE PNG EP#97**
 8:50 PM G **SOKA XTRA EP#98**
 9:00 PM G **HOT SPOT EP#41**
 9:30 PM PG **ELITE MUSIC ZONE EP#41**
 10:00 pm G **NEWS REPLAY**
followed by the Australia Network

FRAIDE NOVEMBA 15, 2013

4:00 AM G **AUSTRALIA NETWORK**
 5:00 AM G **JOYCE MEYER - 1052-5**
 5:30 AM G **EMTV NEWS REPLAY**
 6:30 AM G **TODAY**
 09:00 AM **Classroom Broadcast**
 9:00am Grade 7 Mathematics
 9:50am Grade 7 Science

10:40am Grade 8 Mathematics
 11:20am Grade 8 Science
 1:00pm Grade 6 Mathematics
 1:50pm Grade 6 Science
 2:30pm DEPI Program
 3:30 PM G **KIDS KONA**
 3.30 PM HI 5 - S7 EP#37/47
 4:00PM GOT TO GO EP#8/20
 4:30PM KINGDOM OF PARAMITHI EP#18/26
 5:00 PM G **THE SHAK Series 2 Ep#4/75**
 5:30 PM G **SKIPPY THE BUSH KANGAROO**
 5:55 PM G **CRIME STOPPERS**
 6:00 PM G **EMTV NATIONAL NEWS**
 7:00 PM G **IN MORESBY TONIGHT - Ep#40**
 7:30 PM PGR **GOODWIN GAMES EP#7**
 8:00 PM PGR **MODERN FAMILY YR.3 - EP#13**
 8:30 PM PGR **MODERN FAMILY YR.3 - EP#14**
 9:30 PM **MAO MOVIE**
 11:00 PM G **EMTV NEWS REPLAY**
followed by the Australia Network

SARARE NOVEMBA 16, 2013

4:30 AM G **AUSTRALIA NETWORK**
 5:00 AM G **EMTV NEWS REPLAY**
 6:00 AM G **RUGBY LEAGUE WORLD CUP - Qualifying Final #1**
Winner Pool B vs. Winner Pool C IN HIS STEPS EP#10
 8:30 AM G **ULTIMATE GUINNESS WORLD**
 9:00 AM G **YOGA SUTRA Ep#34 Rpt.**
 9:30 AM G **ESCAPE FROM SCORPION**
 10:00 AM G **TRICKY TV S3 - EP#7**
 10:30 AM G **Trapped Castaway - Ep#2Rpt.**
 11:00 AM G **SKIPPY "Marathon" - Rpt.**
 11:30 AM G **AUSTRALIA NETWORK**
 5:30 PM G **OLSEM WANEM Ep#42**
 6:00 PM G **EMTV NATIONAL NEWS**
 6:30 PM G **RUGBY LEAGUE WORLD CUP**
 8:30 PM PGR **HOW TO LIVE WITH YOUR**

9:00 PM PGR **NEW GIRL S1 EP#7/24**
 9:30 PM PGR **WHITE COLLAR YR.3 EP#7/16**
 10:30 PM G **EMTV NEWS REPLAY**
 11:00 PM G **RUGBY LEAGUE WORLD CUP**

SANDE NOVEMBA 17, 2013

4:30 AM G **AUSTRALIA NETWORK**
 5:30 AM G **EMTV NEWS REPLAY**
 6:00 AM G **RLWORLD CUP - QUALIFYING FINAL 3**
 8:00 AM G **YOGA SUTRA Ep#35 -**
 8:30 AM G **BUSINESS PNG# 42 Rpt.**
 9:00 AM G **MARTIN MYSTERY**
 9:30 AM G **OLSEM WANEM- Ep# 41 Repeat**
 10:00 AM G **RESOURCE PNG - Ep# 97 Repeat**
 11:00 AM G **CHEF & HIS BETTER HALF**
 11:30 AM G **AROUND THE WORLD IN 85**
 12:00 PM G **IT IS WRITTEN**
 12:30 PM G **HILLSONG - 875**

TORO



BIABIA



KANAGE



TOKWIN

O'Neil bai kilim dai lam bilong PNG Pawa bos...

PM i no wanpela tru taim pawa long Mosbi na Lae i wok long pas klostu klostu na askim long long boss long PNG Pawa i kam long stretim dispela wari.

Tasol ekting CEO bilong PNG pawa wok long atanim dispela bung na PM askim long boss tru tru i stap o nogat. Bekim em, 'em stap long ovasis'...

Em painim wanem samting long ovasis taim yumi gat bikipela problem long pawa blekaut long hia (PNG).

PM em belhat nogut tru na em bai mekim sampela ol strongpela



Poto i soim ol deleget wantaim CEO bilong PNG Pawa husat i bihanim PM i go long Israel...PM i kambek pinis tasol ol lain i raun i go long Inland na lukim tim Kumul i pilai..

disisen long ol Bod bilong PNG Pawa neks wik, em tok. Dispela i gut tumas taim PNG i gat planti bekaut tumas na ol Bod na menesmen bilong PNG Pawa i stap long ovasis...

Oh sori, PM bai kilim dai lam bilong sampela lain long PNG Pawa.

Yumi wet na lukluk tasol...

Tokwin Tasol..

Long yupela ol gutpela Wantok rida i save wokim ol Sudoku kroswod pasel, dispela em nupela SUDOKU.

Long solvim Sudoku pasel, putim wanpela namba long wan wan bokis na olgeta ro olsem akros, daun, na olgeta liklik 9-pela bokis skwea long bikpela daigrem o bokis (i gat 9-pela olgeta) bai gat ol namba long 1 inap long 9. Wanpela namba i mas kamap wanpela taim tasol long wanpela ro. Wok wantaim ol namba olsem gaid o stia na wok long pinisim wan wan daigrem wantaim ol missing namba we bai mekim yu painim solusen. Tenkyu na gutpela pilai

STATIM PILAI

Lukluk long namba 9 kolom, bilong pasel piksa i stap long han kais. i gat ol sain insait long pasel bai i ken toksave long wanem hap insait long dispela kolom bai namba 3 i go.

Nambawan sain i stap long namba 8 kolom insait long piksa. I gat wanpela namba 3 insait long namba 5 bokis. Bai yumi i no i nap long putim wankain namba tupela taim insait long wanpela 3 x 3 bokis eria, olsem na yumi bai i no i nap putim namba 3 insait long bokis namba foa, faiv o siks insait long namba 9 kolom.

Yumi ken rausim tu tripela bokis daunbilo tru long namba 9 kolom bikos i gat wanpela namba 3 insait long dispela 3 x 3 bokis eria tu. Olsem na dispela namba 3 i mas go long namba 2 o 3 bokis bilong namba 9 kolom.

Laspela sain nau i stap insait long namba 2 lain bilong piksa na em i gat wanpela namba 3 pinis long en. Loa bilong pilai i tambu long wanpela namba i kamap tupela taim insait long wanpela lain, olsem na i gat wanpela bokis tasol nau i stap long dispela namba 3 i go insait — em namba 3 bokis bilong namba 9 kolom.

Bihainim dispela stail na wankain tingting na rausim i nap ol pasel bokis i pulap olgeta. Sapos yu laik save moa long insait bilong dispela pilai, yu ken go long webait long penny-dellpuzzles.com.

EXAMPLE

	7	9				1
2	3	8			6	7
	6		2	7		
7	8	5				
5	2	6		3		
			1		9	5
		6	3		8	
8	4			9	2	1
2				1	3	

EXAMPLE SOLUTION

8	4	7	9	6	3	5	2	1
1	2	3	8	4	5	6	7	9
5	9	6	1	2	7	4	8	3
9	7	8	3	5	4	1	6	2
4	5	1	2	9	6	7	3	8
6	3	2	7	1	8	9	5	4
7	1	9	6	3	2	8	4	5
3	8	4	5	7	9	2	1	6
2	6	5	4	8	1	3	9	7

Ansa bilong las wik SUDOKU 19

7	8	1	2	4	6	5	3	9
4	5	3	1	9	7	8	2	6
2	6	9	3	5	8	4	1	7
1	3	6	4	2	9	7	5	8
9	2	7	8	6	5	3	4	1
5	4	8	7	3	1	6	9	2
8	1	5	9	7	3	2	6	4
3	9	4	6	8	2	1	7	5
6	7	2	5	1	4	9	8	3

	2			7	6			9
	4		9			3	5	
				5	8	1		6
					3		7	1
9			6	2	5			4
8	5		7					
3		6	1	8				
	9	1			7		4	
2			5	6				1

Ansa bilong SUDOKU 20 long neks isu.

EMTV Television Guide

1:00 pm G AUSTRALIA NETWORK
4:00 PM G RUGBY LEAGUE WORLD CUP
6:00 PM G EMTV NATIONAL NEWS
6:30 PM G RUGBY LEAGUE WORLD CUP
8:30 PM G TOK PIKSA EP#40
9:00 PM G 60 MINUTES
10:00 pm MAO Death at a Funeral Comedy
11:30 PM G HILLSONG Rpt...
12:00 AM G EMTV NEWS - Replay
.....followed by the Australia Network

5:00 AM G JOYCE MEYER - 1052-1
5:30 AM G EMTV NEWS REPLAY
6:00 AM G TODAY
09:00 AM Classroom Broadcast
9:00am Grade 7 Mathematics
9:50am Grade 7 Science
10:40am Grade 8 Mathematics
11:20am Grade 8 Science
1:00pm Grade 6 Mathematics
1:50pm Grade 6 Science
2:30pm DEPI Program
3:30 PM KIDS KONA
3:30 PM HI 5 - S7 EP#38/47
4:00 PM G RUGBY LEAGUE WORLD CUP
5:55 PM G CRIME STOPPERS
6:00 PM G EMTV NATIONAL NEWS
7:00 PM G RUGBY LEAGUE WORLD CUP
9:00 PM G COCA-COLA SPORTS SCENE EP
9:30 PM G EMTV NEWS REPLAY
.....followed by the Australia Network

TUNDE NOVEMBA 12, 2013

4:30 AM JOYCE MEYER - 1052-2
5:00 AM G RUGBY LEAGUE WORLD CUP - GAME 21 FRANCE vs. SAMOA
7:00 AM G NATIONAL EMTV NEWS REPLAY TODAY
09:00 AM Classroom Broadcast
9:00am Grade 7 Mathematics
9:50am Grade 7 Science
10:40am Grade 8 Mathematics
11:20am Grade 8 Science
1:00pm Grade 6 Mathematics
1:50pm Grade 6 Science
2:30pm DEPI Program
3:30 PM G KIDS KONA
3:30 PM HI 5 - S7 EP#39/47
4:00PM GOT TO GO EP#9/20
4:30PM KINGDOM OF PARAMITHI

5:00 PM G THE SHAK Series 2 Ep#1/75
5:30 PM G ESCAPE FROM SCORPION
6:00 PM G EMTV NATIONAL NEWS
7:00 PM G RUGBY LEAGUE WORLD CUP
9:00 PM G BUSINESS PNG - Ep#43
9:30 PM G HAUS & HOME Ep#40
10:30 PM G EMTV NEWS REPLAY
.....followed by the Australia Network

TRINDE NOVEMBA 13, 2013

5:00 AM G JOYCE MEYER - 1052-3
5:30 AM G EMTV NEWS REPLAY
TODAY
Classroom Broadcast
Grade 7 Mathematics
Grade 7 Science
Grade 8 Mathematics
Grade 8 Science

1:00pm Grade 6 Mathematics
1:50pm Grade 6 Science
2:30pm DEPI Program
3:30 PM G Kids Kona
3:30 PM HI 5 - S7 Ep#40/47
4:00PM GOT TO GO EP# 10/20
4:30PM KINGDOM OF PARAMITHI EP#20/26
5:00 PM G THE SHAK Series 2 Ep#2/75
5:30 PM G TRICKY TV S3 - Ep#7/20
5:57 PM G CRIME STOPPERS
6:00 PM G EMTV NATIONAL NEWS
7:00 AM G FACT FILES
8:00 PM G OUR PORT MORESBY EP#2
8:30 PM G TOK PIKSA Ep#41- Repeat....
9:00 PM M ARROW Ep#19
10:00 PM G NEWS REPLAY
.....followed by the Australia Network

Ol Progam na Kilok i ken tenis oltaim...

Wiken poto



WELKAM: FINSAFEN Distrik i bin lukim Prait Minista, Peter O'Neill na delegesen bilong em i raun i go lukim ol pipel na ol wok kamap long hap long las wik. Hia yumi lukim wanpela sumatin i makim pipel na ol skul sumatin i welkamim em. **Poto: PM Midia Yunit.**



BRATA NA SUSU: Namba wan taim long tupela kasen brata na susu, Bonnie na Tyler, i bung na pilai wantaim. Brata Tyler i em mangi Tabubil na i bin kam raun long Mosbi wantaim papamama na liklik bebi brata, Carlos taim susu Bonnie em pikinini Siwai, saut Bogenvil, tasol em save stap long Gordons, Mosbi wantaim mama na ol hauslain. Tupela i bin wiken long Rainbow long haus bilong wanpela bubu bilong ol na i amamas pilai i stap. **Poto: Veronica Hatutasi**



NAISPELA PLES: Faivpela pikinini na wanpela dok i amamas long raun long kol maunten ples long Goroka, Isten Hailans. **Poto: Tim Scott, SIL**

Raun wantaim Kanage olgeta wik

Ekting Tolai

Kanage em bilong Banz tasol em save toktok olsem em bilong Tolai. Kefiu long Hagen na ol polisman bungim Kanage long rot. Ol kisim em i go long polis stesin na wanpela Tolai polisman i askim em: "Yu bilong wanem hap?" Kanage i bekim: "Rabaul...ee." Polisman i askim gen. "Wanem liklik ples bilong yu?" Kanage smail tasol na tok: "Kopex...ee." Polisman em belhat nau na askim em long wanem tok ples bilong em. Kanage i lukluk long polisman na tok. "Aleeee...ai." Kanage i no pinisim gut toktok na polisman putim wanpela han long maus bilong em.

Navi & Munare Hagen

Referi

Kanage em wanpela man bilong pilai ragbi stret. Wanpela taim, ol polisman long wanpela liklik stesin wokim pilai spots de. No gat man long referi na ol i askim Kanage long refim gem tas bilong ol. Kanage i sanap namel long fil na statim gem. Ol polisman



pilai i go na Kanage singaut, "Kam bek na givim ten." Pilai bilong ol polisman i go strong olgeta na arapela tim kam klostu long trai lain bilong tim bilong Wakop. Ol pilai kirap nogut long harim Kanage singaut olsem "Wakop yu opsait! Penolti bilong arapela tim." Ol arapela pilai bilong tim askim Kanage olsem wanem na Wakop opsait. Kanage smail tasol na tok. "Yupela sanap stret long lain, tasol bel bilong Wakop abrusim lain. Olsem na mi givim penolti." Ol polisman lus tingting long pilai na ol holim bel bilong ol na lap dai stret. Wakop belhat na ronim Kanage i go ausait long fil.

Mambu TTC

Strong Kalas

\Kanage em bilong ples Langam. Wanpela taim Kanage i kam raun long Anoram long wanpela Sarere. Kanage i go long ples ol meri Maskenduo na Kambaramba save salim pis long em. Kanage i wokabout i go na em i lukim wanpela meri Anoram i go baim pis i stap. Kanage go sait long em na giaman long baim pis. Kanage kirap isi tasol na holim sait bilong meri yu. Meri Anoram kirap nogut na tokim Kanage, "Yu nogat sem, yu lapun pinis!" Kanage belhat na tokim meri Anoram, "Yu lukim mi lapun. Yupela yangpela i no gat inap save long sapim kaving. Tingim mipela ol lapun kela save mastamain na soim kain kain stail bilong mipela." Meri nogat toktok na holim han bilong Kanage na tok isi long ia bilong em, "tru tru, yupela tasol na kalsa i sanap strong."

Priest Ange Anoram

Ol skwat! Teksim ol gutpela Kanage tok pilai i kam long: Txt: 72356149

Mi gat wari na mi laikim helpim

Dia Laipain,

MI GAT 18 krismas na mi wokim Gred 11. Mi kam long wanpela gutpela famili. Mi namba tu long famili na mi gat 4-pela brata na susa.

Mi gat wanpela gelpren i wokim Gret 12 long narapela skul. Em i kam long famili i gat hevi we marit i bruk, tasol pasin bilong em i gutpela na em yet tu i wanpela kum katim meri. Mipela i bin stat long poroman taim mipela i stap long Gret 6 yet. Ol papamama bilong mitupela i save long prensip bilong mipela na bikos long mitupela, ol i kamap ol gutpela poroman.

Stat long dispela yia, gelpren ya i wok long abrusim mi. Taim mi ringim em, em i save putim mi long voismeil o larim fon i ring i go tasol. Nau mi painimaut olsem em i senisim fon namba bilong em.

Mi wari tru nau ya. Mi no inap stadi gut bikos tingting bilong mi i no stap stret. Papamama bilong mi i lukim dispela na ol i givim ol gutpela sapot toktok long mi tasol dispela i no helpim mi liklik.

Plis Laipain, helpim mi!
BROKEN HEARTED

Dia Pren,

Tenkyu long yu yet i laik kisim helpim long stretim hevi yu gat na rait i kam long Laipain long kisim helpim.

Yu gat wari long prensip bilong yu wantaim meri bikos yutupela i bin save long yupela long Gret 6 yet. Nau yu stap long Gret 11. Gelpren bilong yu i no toktok long yu na i wok long abrusim yu, maski yu traime bes long toktok long em. Na em i senisim telepon namba bilong em tu.

Papamama i bin save long prensip bilong yutupela. Na bikos long dispela wari yu gat long en, tingting bilong yu i no stap long skul wok. Papamama i luksave long wari na ol i laik sapotim yu, tasol yu no amamas wantaim sapot ol i givim.

Pren, mipela i save olsem yu no stap gut bikos yu no inap long lukim o toktok long lewa stret bilong yu. Tasol mipela i laik tok olsem ol pilings na wari yu gat long em nau em planti ol yangpela i gat long em. Mipela i save kisim ol wankain pas olsem long planti ol yangpela long olgeta hap bilong kantri.



Mipela i wok long tingting olsem wanem na ol tokstia we papamama i givim long yu. Planti papamama i laikim ol pikinini bilong ol na ol i laikim bai ol i gat gutpela laip long bihain taim. I moabeta long yu painim taim long sindaun wantaim ol na harim ol wantaim ol stiatok bilong ol. Kain hevi we yu wok long bungim nau, em ol i save long en na ol yet tu i mas bungim sampela long ol pinis. Olsem na mipela i bilip planti yia ol i gat na ol ekspiriens long prensip na marit i ken helpim yu.

Pren, i gat planti as tingting long pipel i mekim ol samting ol i mekim long en. I mas gat as tingting na gelpren bilong yu i no laik toktok long yu. i moabeta long yu tu i painim taim long sindaun isi na glasim prensip bilong yutupela na tingting long rot we yutupela i ken toktok wantaim em. Sapos em i skul yet, ating em i mas luksave olsem em i lusim bikipela taim long prensip bilong yutupela na em i no tingting tumas long mekim ol skul wok bilong em. Na dispela i stopim em long gol bilong em o wanem samting em i laik mekim long bihain taim. Na yu yet pren i olsem wanem? Yu ting olsem wari tumas long gelpren bilong yu bai helpim yu inapim ol gol bilong yu long edukesen?

Mipela i laikim bai yu lukluk na tingting gut long dispela tripela wod. Em long laik pasin, laik long slip wantaim narapela na strongpela sotpela taim laik pasin. Lukluk long mining bilong ol na skelim wantaim ol as tingting bilong yu long pren pasin wantaim gelpren bilong yu. Yu gat trupela laik pasin? Em i orait long gat gelpren tasol yu mas kontrolim lewa bilong yu na i no mekim ol samting o no stret taim yu stap olsem yangpela i stap yet long skul.

Papamama bilong yu i tromoim bikipela mani long skul bilong yu na mipela i bilip olsem ol i laikim yu long skul gut, pinisim gut skul na kisim wok. Olsem mipela i tok

pinis, mipela i bilip olsem God i gat plen long taim na as long ol samting i kamap long laip bilong yumi. Na em i mekim i kamap bikos long gutpela bilong wan man. Long dispela taim yu no lukim gelpren bilong yu, em i gutpela taim long glasim na skelim ol as tingting na rot we yu wok long go long em taim yu na gelpren i wok long strongim prensip bilong yutupela.

God i laikim yu na i laikim bai yu gat gutpela laip na mipela i bilip olsem wankain tu long ol papamama bilong yu. Mipela i enkarijim yu long bilip long God na em bai soim yu gutpela rot. Ritim buk bilong Proverbs 3:5&6. Na yu kisim sapot long ol papamama bilong yu o sios pasto o kaunseling ogenaisesen klostu long yu.

Planti yut i no wokim gut na ol i drop aut long skul bikos ol i no mekim samting stret long skul gut. Na nau ol i no mekim wanpela gutpela samting we bai helpim ol long gutpela bihain taim bilong ol, tasol ol i wokim ol bikhet pasin i stap long ol famili na komyuniti bilong ol. Dispela em bikos ol i no laik harim gut stiatok bilong papamamana ol skul. Planti i wok long kamap birua wantaim ol papamama na ol famili, loa na ol i go long kalabus. Yu laik kamap olsem?

Pren, sapos yu laikim moa helpim, go long ol lain mipela i givim nem antap pinis na tu, yu ken wokim apoinmen long kam lukim mipela taim yu gat taim.

Pren bilong yu Laipain

Sapos yu gat wari o hevi, rait i kam long dispela etres: Lifeline Counselling Services, P O box 6047, BOROKO, National Capital District, PNG. Yu ken ringim opis long telepon namba 3260011 o 3261680. O sapos yu stap long NCD, kam na lukim mipela long opis bilong mipela long Waigani. Mipela i no inap putim trupela nem bilong yu long niuspepa, tasol mipela bai putim ol wari na hevi bilong yu.

Laipain

Tenkyu tru, Mi Laipain

Gavman bai putim bikpela takis long ol ekspot



Richard Maru

Stanley Nondol i raitim

TRED Komes na Industri Minista, Richard Maru i tokaut olsem bikpela mani long kantri i save go aut long kantri taim ol bikpela kampani i salim ol komoditi i go aut long kantri olsem na gavman bai putim bikpela takis long ol ekspot.

Mista Marui tok PNG i gat

planti ol samting i stap tasol i no gat faktori long wokim ol samting olsem na ol na ol bikpela kampani i salim ol samting i go long ol nara-pela kantri.

Minista Maru i tok em i lukluk moa long kamapim ol faktori insait long kantri long stapim mani i go aut. Em i tok dispela bai kamapim tu wok long ol PNG papagraun na helpim ikonomi bilong kantri .

Minista Marui i singaut i go long Tresari Minista, Don Polye long putim dispela i go long 2014 baset na putim bikpela takis long ol ekspot i wok long go autsait long PNG.

Mista Marui tok gavman bai putim bikpela takis stat long egrikalsa na fiseres ekspot. Na bihain long en bai ol i lukluk long ol arapela ekspot.

Minista Maru i tok gav-

man bai stat long putim takis long ekspot bilong fiseres na wel pam long 2014. Dispela tupela hap i lukim bikpela namab bilong ekspoti go aut na no gat takis na gavman i no mekim mani. Ol kampani i mekim bikpela mani long faktori bilong ol na bihain ol i salim i kam bek long PNG long bikpela prais.

Mista Maru i tok PNG i lusim bikpela mani go aut

long dispela rot na i tok gavman bai stopim dispela long pulim sampela mani kam bek long helpim ikonomi bilong kantri

Minista Maru i tok maski kantri i gat bikpela risos, bikpela mani wok long go aut long planti yia bikos moa long 90 pesen bilong autsait lain i kontrolim ol bikpela bisnis. Planti bilong ol i stap long risos sekta na ol i no gat faktori long PNG.

No gat inap kakao long kamapim fektori

Stanley Nondol i raitim

MINISTA bilong Egrikalsa na Laip Stok Tommy Tomscoll i tokaut long palamen olsem ol PNG fama i no groim inap kakao long sanapim fektori bilong pinis prodak bilong kakao hia long PNG

Mista Tomscoll i tok ol fama i no groim inap kakao salpai bikos planti taim prais long wol maket i save pundaun na mekim ol les long planim moa kakao.

Mista Tomscoll i mekim dispela toktok long bekim askim bilong memba bilong Nuku, Joe Sungi .Mista Sungi i tok olsem sapos gavman i gat plen long wokim fektori bilong kakao hia long kantri.

Mista Sungi i tok kakao em bikpela kes krop long planti provins na i sapatim planti pipel long kisim mani mani. Tasol longpela taim tru kantri i salim kakao i go aut na bikpela sevis na mani i go aut long ol ovasis kampani.

Minista Tomscoll i tok gavman i gat plen long mekim daun strim prosesing tasol g ol kakao fama i no save planim planti kakao na mak bilong kakao i no inap long bungim mak bioing mekim fektori na mekim kakao paura na bata.

Mista Tomscoll i tok ol PNG faama i save les long planim moa kakao taim long prais i pundaun.

Em i tok i tok tu olsem ol infrastraksa developmen olsem, rot, bris na trenspot i no gutpela longhelpim ol PNG fama long I ken salim long maket.

Mista Sungi i askim dispela kwesten long taim gavman i laik tokaut long 2014 baset bilong kantri neks wik. Planti toktok i kamap pinis namel long Oposisen na tu long gavman long lukluk moa long wok egrikalsa.

Oposisen i tok gavman i mas putim mani long egrikalsa na helpim ol fama long groim moa egrikalsa prodak long apim mak bilong ekspot na pulim winmani i kam insait long kantri.

Benk bilong Papu Niugini i tokaut long dispela wik olsem planti mani i go aut long baim ol samting na prasi bilong ekspot i kam daun na strong bilong Kina i pundaun.

BPNG i tok gavman i mas mekim bikpela investmen long egrikalsa na abai kantri bai lukim kaikai bilong em planti yia long bihain taim.

Minista bilong Komes na Industri ,Richard Maru i autim wankain toktok we em i tok gavman bai apim takis bilong ol ekspot samting long oil pam na fiseres long 2014.



Bank of Papua New Guinea

PUBLIC NOTICE

“CONCERNS ON KINA DEPRECIATION”

This Public Notice serves to further clarify concerns raised in the media lately on the depreciation of the kina since mid-2012.

PNG has a floating exchange rate regime, where the supply of and demand for foreign currency in the market determines the kina exchange rate. As such, higher foreign exchange inflows from export proceeds, foreign investment, taxes and dividend and foreign donor funding would cause the kina exchange rate to appreciate (rise). Similarly, higher foreign exchange outflows for import payments, repayment of foreign loans, dividends and other overseas remittances would cause the kina exchange rate to depreciate (fall). The kina exchange rate also reflects developments in the currencies of our major trading partners. Currently, the US dollar is recovering as the US economy improves, contributing to the depreciation of the kina. Also, if the Australian dollar appreciates against the US dollar due to improvements in the Australian economy, the kina would depreciate as a result.

The kina has depreciated by 13.0% against the US dollar and 5.0% against the Australian dollar between December 2012 and end of October 2013. Following measures undertaken by the Bank of PNG in consultation with the commercial banks, the kina exchange rate has stabilised at around US\$0.4140 for about 4 weeks, and is now at US\$0.4130.

As I explained in recent public forums, the depreciation of the kina is due to higher demand for foreign currencies to meet payments for import of goods, services, and dividends as well as import demand for the Christmas festive season. This demand is coming mainly from manufacturers, wholesalers/retailers and services sectors, and for consumer and capital imports. Some of this demand is generated by private sector, ongoing construction of the LNG project, increase in lending by the commercial banks and Government expenditures. The continued high demand indicates that the underlying private sector business activities is still buoyant and supports the recent GDP growth forecast for 2013 released by the Treasury department and Bank of PNG.

Foreign exchange inflows from the LNG project construction, new investments and our export revenue however, have fallen. Export revenue is affected by lower commodity prices, lower production and exports from the non-mineral sector, and cost cutting measures by few mines. At the same time there is a lack of new major resource development project that would bring in foreign exchange. This situation reflects a structural imbalance within our economy with a heavy reliance on the mineral (non-renewable) sector compared to the non-mineral (renewable) sector such as agriculture, forestry, fisheries and tourism.

To assist the foreign exchange market, the Central Bank has intervened with K2.2 billion (US\$ 984 million) in the 10 months to October 2013. Our foreign reserves have therefore declined from US\$4.0 billion to US\$3.0 billion over that period. This level of foreign exchange reserves is more than sufficient to cover future import payments and the Bank of PNG will continue to manage it prudently.

The effect of the kina depreciation has not fed through to higher inflation to date. The annual headline CPI, as released by the NSO, for September 2013 is 3.5%, compared to 3.2% in June 2013 and 2.8% in March 2013. Low imported inflation from our trading partner countries, cheaper imports from Asia, and lower pass-through of the kina depreciation due to market competition are some of the factors contributing to the low inflation outcomes. I commend the private sector businesses that did not pass on the effect of the depreciation of the Kina to prices of consumer goods and services, and encourage the sector to be considerate about the effect of such actions on inflation.

The fundamentals of our economy are good, with underlying economic activity continuing to be strong. The development of the LNG project has pushed our economy onto a higher level of growth. However, with the construction phase of the LNG project winding down, the Government's budgetary stimulus will support economic activity and growth. In order to sustain this growth over the long term, it is important that the Government invests in the non-mineral sectors, such as agriculture and tourism, to broaden the export base of the country such that we can mitigate the adverse economic impact of cyclical price and trade movements, creating more employment opportunities and generating revenue for the Government. Primary producers in the agriculture and agri-business sectors should take advantage of the depreciation of the kina and increase their production and exports of cash crops.

Going forward, the Central Bank will continue to assess the developments in the foreign exchange market and work closely with the Government to manage this imbalance until first LNG export proceeds enter the domestic foreign exchange market, any new investments in other major resource projects take place and there is improvement in international commodity prices. The depreciation provides the right incentives for PNG producers to increase their production and, subsequently, the exports of their products.

There have been sufficient explanations by the Government and myself on this sensitive matter in the press lately. I therefore urge the public and our leaders to be responsible in their statements about the exchange rate so as not to create unnecessary panic and concerns. The fundamentals of our economy remain sound, and confidence in management of our economy is strong, and there should not be any cause for alarm. All stakeholders, including Government, business houses, investors, financial institutions, donor partners, and individuals both citizens and foreigners need to be responsible and cooperate to address this imbalance and assist the foreign exchange market during this time and the medium term.

Mr Loi M. Bakani
Governor

Winmani bilong BSP i pundaun

Stanley Nondol I raitim

BENK Saut Pasifik i tokaut long K105 milien winmani long namba tri kwata bilong 2013 na kam daun long K 8 milien long namba tu kwata long 2012 we winmai i bin sanap long K113 milien.

Tasol reveniu o mani kam insait long BSP bisnis long namba tri kwata i bin go antap long K429 milien. Long namba tu kwata i bin stap long K390 milien.

BSP i tokaut las wik olsem ol asaet bilong en i gro i go antap long K16 bilien long namba 3 kwata.

BSP Grup siamen Kostas Constantinou i tok winmani i pundaun bikos strong bilong Kina i bin pundaun egensim karensi bilong bikipela kantri, na tu prais bilong ol eksport komoditi i pundaun

long wol maket.

Mista Constantinou i tok maski winmani i pundaun, BSP i stap strong long wok bisnis long planti maket.

Em i tok benk i yusim plant mani long mekim bisnis long namba tri kwata bikos strong bilong K ina i bin pundaun.

Benk ripot i tok benk i lusim sampela kopret akaun long Papua Niugini na dispela tu i mekim na winmani i pundaun. Dispela i lukim 47 pesen sea long PNG i pundaun long 3 pesen na BSP dinau sea i pundaun kam daun long 37 pesen.

BSP i tokaut olsem olgeta mani long K12.3 bilien i go antap long mani mak bilong K1.4 bilien long namba tu kwata na i go antap moa long K3 bilien long namba tri kwata bilong 2012.

Dispela i kisim maket sea long PNG i go antap long 2

pesen na putim long 58 pesen mak na 47 pesen mak long Pasifik rijon.

BSP menesmen i tok lukluk bilong ikononik long kantri i gat planti salens tru long las kwata bilong 2013. Intres reit i wok long kam daun long givim dinau mani.

BSP i tok em i mekim bikipela wok yet long givim kastoma gutpela sevis na go het wantaim ol nupela sevis olsem, mobail benking sevis, automated, sek prosesing, automated lon prosesing na planti moa sevis.

BSP i tok taim gavman i tokaut long 2014 baset bilong kantri bai i gat lukluk long plen bilong gavman long yusim mani long infrastraksa.

BSP i tok em i gat planti plen long givim gutpela sevis long kantri, na tu lukim winmani i gro.

BPNG i tok klia long strong bilong Kina i pundaun

GAVANA bilong Benk bilong Papua Niugini (BPNG), Loi Bakani i tok save olsem ikononik bilong kantri i orait. Em i tok tu olsem ol i no ken pret long strong bilong kina i pundaun egens manii bilong ol bikipela ovasis kantri.

Mista Bakani i tok strong bilong Kina i pundaun long 13 pesen egensim US dola na 5 pesen egensim Australia dola namel long Desemba 2012 na Oktoba 2013.

Mista Bakani i tok BPNG i wantaim ol komesel benk i mekim wok bilong ol long bring strong bilong Kina i kam bek na nau em i stap long mak bilong 0.4140 egens US dola na 0.4130 egensim Australia dola.

Mista Bakani i tok strong bilong kina i pundaun bikos ol bikipela kampani long kantri i yusim planti kina long senisim i go long dolas na baim planti eksport samting i kam insait long kantri long redi long kris-

mas. Dispela i kamap long ol holsela, ritela, na ol sevis sekta na katama bilong ol kepitol impot.

Mista Bakani i tok wok konstraksen wok bilong LNG projek i pinis nau, na mani bilong autsait i no kam insait long sensim i go long kina. Em i tok lending reit bilong ol komesel benk tu i mekim strong bilong Kina i pundaun.

Em i tok prais bilong kopi na kakao i pundaun long wol maket na prodaksen long egrikalsa, fiseries na ol non mineral sekta i pundaun.

Em i tok tu olsem nau i no gat nupela projek i kamap long kantri long pulim mani bilong investa i kam insait long apim strong bilong Kina.

Mista Bakani i tok BPNG i yusim K2.2 bilien bilong foren risev (US\$984milien) long mun Oktoba 2013 long baim o helpim eksens reit long strongim gen Kina.

Foren risev mani i pundaun long US\$ 4.0 bilien i kam daun long US\$ 3 bilien.

Gavana Bakani i tok kantri i gat inap mani long foren risev long bungim kain hevi bilong impot takis long bihaintaim.

Mista Bakani i tok BPNG bai go het long putim was long wanem samting i kamap long eksens reit maket. Em i tok bai ol i wok klostu wantaim gavman long menesim dispela hevi inap kantri i salim LNG gas go aut long ovasis maket long 2014 na ol nupela invesmen long bikipela risos projek long pulim moa mani kam insait long kantri.

Mista Bakan i tok ikononik biling kantri i gro strong na em i singaut long olgeta stekolda; gavman, bisnis haus, investa, fainensel institusen, ol dona patna na ol pipel bilong kantri long no ken pret tasol wok strong long helpim eksens reit long go antap.



Ol senia opisa bilong tupela yunivesiti i holim woksop long Pot Mosbi.

Australia na PNG yunivesiti wok poroman

OL yunivesiti long PNG i kam klostu long kamapim wok poroman wantaim ol yunivesiti long Australia, wantaim wanpela woksop bilong ol senia opisa bilong yunivesiti long Pot Mosbi.

Ol senia opisa bilong yunivesiti i paitim toktok long wanem kain rot bai ol i ken mekim edukesen i kamap gut. Ol i bin kisim wanpela bilong tupela yunivesiti wok bung long dispela taim.

Wok bung wantaim namel long tupela yunivesiti i save kamap namel long tupela institusen we i gat wankain bikipela tingting bilong ranim skul, na bai em i helpim tupela long kamapim gut edukesen bilong ol sumatin.

Dispela wok bung bai lukim gutpela save long IT sistem, gavanens, rises, intanesenel program akreditesen, student sevis na long tis.

Opis bilong Haia Edukesen long PNG (OHE) na Yunivesiti bilong Papua Niugini i kamapim dispela woksop wantaim helpim bilong Australia Eid Program.

Hai Komisina bilong Australia, Mis Deborah Stokes i tok, Australia i amamas long lukim PNG i gat strongpela laik long kamapim gut ol wok bilong yunivesiti. "Australia i gat bikipela laik long wok bung wantaim PNG na dispela wok bung bilong tupela yunivesiti bilong yumi em i bikipela hap bilong dispela wok bung," Mis Stokes i tok.

"Ol Yunivesiti i save makim wanem kain developmen i kamap long kantri na i bringim ol gutpela samting long PNG taim ol sumatin i kisim gutpela save na edukesen. Em i bikipela samting long wanem kain wok ol yunivesiti i kamapim

aninit long dispela wok bung," em i tok.

Lukluk bek long ol yunivesiti bilong PNG long yia 2010 i soim olsem pasin bilong tupela yunivesiti i wok wantaim bai kamapim gutpela edukesen.

Dairekta Jeneral bilong OHE, Profesa David Kavanamur, i tokaut moa long bikipela tingting bilong gavman bilong PNG long kamapim gutpela haia edukesen bilong olgeta Papua Niugini.

Bai i gat wanpela moa woksop bilong tupela yunivesiti long yia bihain. Wok bung bilong tupela yunivesiti em i hap bilong helpim Australia i givim long kamapim gutpela edukesen long PNG aninit long bikipela tingting bilong Australia i wok wantaim PNG long eria bilong Helt, Edukesen na Lo na Oda.

Wantok Niuapepa Ritel Stua na Strit Sale Agent Krismas Promosen Winas bilong dispela wik

* Ritel Stua Wina

1. Vanimo Christian Bookshop – Vanimo
2. Papindo Trading – Manus
3. Kimbe Newsagency – Kimbe
4. Jmart Supermarket – Erima
5. Stop N Shop Supermarket – Boroko
5. SVS – Tabubil

Strit Sale Agent

1. Marum Muagu –Tabubil
2. smael Esong - Lae
3. Cathy Mui- Lae



DIRECT FLIGHTS RABAUL TO CAIRNS!

Our twice weekly direct flights from Rabaul to Cairns are a fantastic option for travellers from the New Guinea Islands region who want the convenience of a non-stop flight to Cairns! Take advantage of these direct flights for a short break or for some early Christmas shopping!!

OUR SCHEDULE
MON PX032 RAB-CNS 08:20 11:20
 PX031 CNS-RAB 11:50 14:50
FRI PX032 RAB-CNS 08:10 11:10
 PX031 CNS-RAB 12:30 15:30
 With connections to and from Kavieng and Hoskins

Call Toll Free on **180 3444** or contact your nearest Air Niugini Travel Centre or Travel Agent for further details.



Gavman i mas putim mani long egrikalsa

Stanley Nondol i raitim

BENK bilong Papua Niugini (BPNG) i tok ol lain i gat bisnis long egrikalsa na ol egri-bisnis i ken amamas long strong bilong Kina i pundaun na apim saplai long prodak bilong ol long kamapim planti winmani.

Gavana bilong BPNG, Loi Bakani i mekim dispela tok-tok bihain long planti komplem i kamap olsem strong bilong Kina i pundaun na prais bilong kaikai na ol arapela samting i go antap na givim taim long ol pipel.

Strong bilong Kina i pundaun na prais bilong ekspot kaikai i go antap. Sapos ol praimeru produsa bilong egrikalsa i planim planti kaikai na kes krop bai sans bilong ol long salim long kastoma insait long kantri na tu

salim i go aut long gutpela prais.

Tasol wanpela hevi we ol fama insait long kantri i bungim na i no planim planti moa kes krop em bikos prais bilong ol samting olsem fetelaisa, masin na ol arapela tul i antap tumas..

Deputi Oposisen lida Sam Basil i tok dispela tingting bai i no inap wok bikos gavman i no gat plen long sapotim fama.

Mista Basil i tok gavman i mas putim subsidi mani long fetelaisa, putim bikipela mani long egrikalsa na rausim takis bilong ol samting bilong sapotim ol fama olsem fetelaisa, ol masin bilong wok egrikalsa na ol arapela samting.

Mista Basil i tok taim prais bilong ol dispela samting i kam daun, ol fama bai baim long liklik mani na mekim

bikipela wok na planim planti samting na apim saplai bilong prodak bilong ol. Em i tok taim prais bilong kaikai go antap, ol i ken salim long liklik mani.

Mista Basil i tok strong bilong Kina i pundaun na Mista Bakani wantaim gavman i sutim tok long prais bilong ol samting long wol maket. Em i tok gavman i no gat gutpela plen long sevim kantri long dispela kain taim. Em i tok gavman i mas putim bikipela mani long wok egrikalsa long 2014 baset.

Mista Bakani i tok gavman i mas mekim bikipela invesmen long non mineral sekta olsem egrikalsa na turis bisnis long strongim ekspot. Em i tok egrikalsa em i namaba wan na i ken pulim bikipela winmani kam insait long ol ekspot na kamapim planti wok.

Jiwaka i gat kredit skim

OL pipel bilong Anglim Saut Waghi distrik long Jiwaka provins i ken kisim dinau mani nau long Nesene Developmen Benk, bihain long memba Joe Komun Koi i givim K1 milien long dispela projek.

Dispela i kamap bihain long memba Koim i sainim wanpela MoA wantaim NDB long Pot Mosbi long helpim ol pipel long Anglim Saut Waghi long kisim dinau long benk na mekim liklik bisnis.

Insait long dispela MoA, K1 bai i go long Nesene Developmen Benk long aninit i nem Anglim South Waghi Kredit Skim (ASWCS).

Dispela kredit skim bai mekim isi long ol ples man long kisim dinau mani long statim ol liklik bisnismen i

mekim bisnis insait long Anglim South Waghi Distrik.

Insait long dispela MoA olgeta dinau bai bihainim lo bilong Benk long givim aut dinau mani.

Memba Joe Koim i bin tok long taim bilong sainim MoA ol i bin rejisterim pinis wan handret Wod Asosiesen na bai ol i wok klostu wantaim benk long luksave long ol yet na distrik bilong em.

“Ol benk i no save givim dinau long ol yut wantaim tingting olsem ol bai no inap kamapim bisnis i go bikipela. Yumi traim senisim dispela kain tingting na givim ol yut dispela sans na lukim trupela kala bilong ol” Mista. Koim it ok.

Insait long MOA, intares

reit bilong NDB i stap long 6.5%

Husait man i kisim dinau mani i mas putim 10pesen sekyuriti diposit. Dispela sekyuriti diposit ol i ken kisim bek bihain long ol i bekim olgeta dinau wantaim winmani.

Ol pipel i ken kisim dinau mani mak antap long K3,000 o i kam daun long mak bilong K1,000.00 long wanwan man o bisnis grup.

Ekting Menesing Dairekta bilong NDB Mista Moses Liu i tok NDB i amamas long wok bung wantaim Memba bilong Anglim South Waghi.

Dispela Kredit Skim em bai inap long faipela yia olgeta olsem na memba Koim i makim K5 milien.



Memba bilong Anglim Saut Waghi Joe Komun Koi is kisim MoA long Ekting Menesing Dairekta bilong NDB Moses Liu bihain long tupela i sainim pinis.

Westpac Benk kisim fainensel literesi i go long skul

WESTPAC i go het long karim out fri fainensel literesi woksop i go long ol skul na ol kampani long olgeta hap insait long kantri long lainim ol manmeri long rot bilong lukautim na yusim gut mani bilong ol long kamapim gutpla sindaun bilong ol yet.

Displa fainensel woksop, Westpac i kamapim long yiar 2007 long pasifik na long PNG long 2010.

Long tripela yia i go pinis, Westpac benk i bin givim fri woksop i go long klostu mak olsem 20,000 lain olgeta insait long kantri.

Behainim displea, insait long wanpla woksop we benk i bin kamapim long ol sumatin bilong Tokarara Secondary Skul insait long NCD. Deputi Hettisa, Mista Tranny Tarube i tok, dispela woksop or pro-

gram bilong Westpac em i wanpla gutpla na bikpla samting tru long ol sumatin we em inap givim tingting na luksave long ol long lainim gut na save long rot ol i ken lukautim mani bilong ol gut taim ol i kamap bikpla man na meri.

“Mi amamas tru na mi laik mekim bikpla tok tenkyu i go long Westpac long kisim dispela taim long kam aut na visitem skul na lainim ol sumatin long rot ol inap long lukautim gut moni bilong ol” Mista Tranny i tok.

Misata Tranny i tok wanem samting ol i lainim long tete i ken opim het bilong ol long kamap gutpela man na meri bilong save long baset, sevim mani na wokim gutpla plen bilong bihain taim.

Man i go pas long fainen-

siel wokshop na tim lida bilong everywhere banking Raphael Waiyalaka i tok, displa woksop em i gutpla blong olgeta manmeri husait inap abrusim ol hevi bilong til wantaim mani.

Displa wokshop inap helpim ol long stretim tingting na givim ol gutpla save long rot long mekim gutpela disisen bilong yusim mani.

Behainim displea woksop long Tokarara Secondary Skul, ol wokman meri bilong bank i bin halivim ol sumatin long opim sois cesik akaunt bilong ol long moni mak bilong K2 tasol. Dispela akaunt em isi long yusim. I no gat fi bilong em na em i wanpla bilong Westpac akaunt we bai halivim long gutpla tingting na rot bilong sevim mani.

PNG i dia tumas

PLANTI lain i toksave olsem Papua Niugini i dia tumas long wok bisnis. Pe bilong samting tu i go antap na givim ghat taim long ol pipel.

Minista Bilong Tred na Indasteri, Richard Marui tok PNG i gat planti risos olsem gol, kopa, silva, oil, ges na egrikalsa, fiseries na timba tasol ol pipel i bungim hat taim bikos pe bilong ol samting i antap tumas.

Minista Maru i tok i gat palnti samting kantri mas mekim long daunim prais bilong ol samting. Em i tok ol bikipela bisnis long autsaiti pret long kam mekimi nvesmen long kantri bikos kos bilong wok

bisnis em i antap tumas.

PNG i save strong long ol impots biong narapela kantri olsem oil, petrol, disil, na ol masin na ol arapela samting bilong mekim bisnis. Planti risosi go aut na kam bek long pinis prodak wantaim bikipela sas o pe.

Minist Maru i tok pe bilong Air Niugini i antap tumas long wol. EM i tok em i raun long planti kantri long wol na ol bisnis lai ii tokim em olsem kos bilong balus Air Niugini em antap tumas.

Mista Maru i tok kos bilong pawa na kos bilong ol haus tu i antap tumas na ol bisnis invesmen i les tru long kam

insait na painim sans long mekim bisnis long kantri.

Tred Ministai tok gutpela rot long helpim long daunim dispela em long kisim planti kampani olsem balus kampani, pawa kamapni na ol i ken reisi wantaim ol bisnis long PNG. Em i tok dispela bai lukim pe i kam daun na ol pipeli ken baim long liklik mani.

Minista Marui tok gavman i gat plen long opim rot bilong PNG maket long yia 2050. Dispeal bai pulim planti kampani long autsait i ken kisim ol pradak na sevis bilong ol kam insait na resisi long salim long hia.

Yes Yah ol Ridas bilong Wantok Niuspepa!

Painim Bal Resis i stat nau na bai yu gat sans long winim ol Promosen klos bilong Wantok Niuspepa! Resis i stap long pepa tude na traim laki bilong yu nau! Hariap, nogut ol klos i pinis!!

Painim Bal Resis

Putim X insait long bokis yu ting bai i stap long en...

Eksampol: C5, long namet. Toksim i kam na traim laki bilong yu.

Baim Wantok Niuspepa olgeta wik na traim sans bilong yu!!

Wanpela wina tasol long olgeta wik!

Bai yu gat sans tru long winim ol Promosen bilong Wantok Niuspepa...

Resis bai stap inap long Disemba 2013

Teks tasol i kam long 7235 6149 wantaim ansa bilong yu na nem na adres bilong yu. Em isi tru!!!

Wanpela wina tasol long wan wan wik...



GLASIM RAMU NICO PROJEK

Wanpela Ramu Nico, Wanpela Komuniti

MCC

Kakao ken strongim ekonomi bilong Raikos

TRIPLELA liklik susa, Dadi, Christa na Melina i stap klostu wanpela de olgeta long Buba kakao neseri wantaim ol papamama bilong ol long helpim 7-pela kakao saveman ol i kolim ol 'badas' bilong Kakao Kokonas Institiut (PNGCCI) na Ramu NiCo long las wik Sarere aninit long Pablik-Praivet-Patnasip program (PPP).

Dispela tripela pikinini ino save stret long wanem samting i kamap tasol dispela wok we ol badas i wokim i ken senisim lap bilong Raikos na ekonomi bilong distrik long bihain taim ol i gro bikipela.

Dispela tripela susa ya i save stap klostu long Gawar Riva, we long stat bilong dispela yia i lukim bikipela tait-wara i kamap na bagarapim ples, tasol ol lain manmeri bilong ples i strong yet long planim kakao long dispela taim long strongim ol yet long sait long kes-krop na ekonomi bilong eria bilong ol.

Em i gutpela taim nau long go insait long kakao blok na wok bikos long dispela taim nau we Gavman i lukluk long strongim agrikalsa wok long kantri we moa long 80% bilong ol pipel long rurel eria i save kisim strong long agrikalsa tasol.

Ol pipel long ol viles long Raikos i ken kisim helpim long sotpela taim na tu long longpela taim long sait bilong maining na tu long bihain taim em long kakao ol i planim long wan wan blok bilong ol.

Ol dispela, 7-pela opisa bilong PNGCCIL i bin go long Basamuk las wik long helpim wantaim bading we ol laik kamapim ol nupela kain kuru kakao we i no inap long kisim sik Kakao Pod Bora (CPB) na tu i ken karim planti frut long diwai.

Ol dispela nupela kuru kakao ol i kamapim em K-4, K-6, K-9, 21:4/8, 17:2/16 na ol liklik olsem 16:4/2, 15:4/7, 37:13 3/2. Dispela em namba tu taim long PNGCCI i kamaut wantaim ol nupela resistant kakao varaiti bihain long ol haibrid kakao long 1999 we i kam wantaim ol bikipela klon olsem 16: 2/3, 36:3/1, 37: 13/1, 73: 3/1 na ol liklik klon em 17: 3/1, 34:13/1 na 73:14/1.

Namel long Oktoba 28 i go Novemba 2, ol 7-pela saintis bilong PNGCCIL wantaim ol agrikalsa wokman bilong Ramu NiCo i yusim ol dispela nupela varaiti kakao long mekim bading long moa long 6,500 rutstok kakao long ol viles olsem Tugyak, Kulilau, Minging, na Dubal.

Ol dispela olpela kakao long blok i ken karim gut bihain long ol wokman i stretim ol gut pinis. Wankain helpim em Ramu NiCo wantaim PNGCCIL i bin mekim pinis wantaim ol famas long Bongu, Male, Lalok, Bom, Uya, Ato na Kumisanger

Distrik Liason na Fasiliti Opisa wantaim PNGCCIL husat i lukautim Sumkar distrik, Kanos Sulu i tok Raikos i laki stret long kisim ol dispela CPB resiten kakao we i ken abrusim sik nogut, CPB, na tu kamapim wok kakao i go bikipela sapos fama i wok hat na givim moa taim long kakao gaden bilong em.

"Dispela nupela haibrid kakao i ken kamapim 2.5 i go 3 tan kakao long wan wan hekta bihain long 18-pela mun tasol na dispela em gutpela stret.

Mista Sulu i tok long Madang provins, Karkar ailan i bin bungim birua long CPB na prodaksen i bin go daun tru olsem 2 % long yia 2010 na i putim Madang i kamap namba 4-ples bihain long Is Nu Briten, Is Sepik na Bogenvil.

Ramu NiCo agrikalsa fil ekstensen Opisa, Daniel Aputa i tok olsem as-tingting bilong Ramu NiCo na PNGCCIL em long givim aut ol nupela varaiti kakao i go long ol famas long mekim kakao prodaksen i go bikipela na tu long helpim ol olpela kakao diwai long kamap gut gen bihainim bading teknik ol saveman i bringim.

Ol wokman bilong PNGCCIL insait long wok Raun bilong ol i go long Basamuk i kamapim tu aweanes long CPB na Bogia Kokonas Sindrom (BCS), we i bagarapim ol kokoka long hap bilong Bogia distrik long Madang provins. Dispela sik i ken givim hevi tu long banana na ol arapela diwai olsem saksak na ol arapela pam.

Insait long aweanes bilong ol, Mista Sulu i bin mekim toktok na givim tingting long ol fama long kamapim koporetiv sosaiti long redim ol yet long kisim helpim i kam long Gavman long strongim agrikalsa bisnis bilong ol long ples na hauslain.

"Gavman nau i wok long kamapim freit sab-sidi, prais subsidi na redim mani i stap long helpim ol famas long ples, tasol ol famas i mas redim ol yet na kisim kain helpim olsem," Mista Sulu i tok.

Tupela kaunsela, Dege Dou bilong wod 31 na Danny Kumbong long wod 30 long Raikos husat em ol smolholda fama i sapotim tru tingting long kamapim Basamuk Koporetive Sosaiti long helpim wok bilong ol kakao famas.

Ol fama i amamas na i holim wanpela miting na i makim wanpela interim ofis aninit long nem Basamuk Kakao Koporetiv Sosaiti wantaim helpim bilong Ramu NiCo Komyuniti Afes fil ekstensen ofisa em ol i makim em olsem interim siaman long helpim wok long pastaim i go inap ol kamapim stret koporetiv sosaiti.



Ol badas bilong PNGCCI wantaim kakao famas long Basamuk.



Ol badas bilong PNGCCI i bisi badaim kakao.



Ol famas long Basamuk husait i kamap long harim awenes toktok.



Tripele susa, Dadi, Christa na Melina i sanap long kakao neseri ples.



Ramu NiCo redi long givim

Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisanim.

Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikipela wok konstraksen long namba tu hap bilong 2008. I kam inap nau, olgeta bikipela konstraksen wok long Krumbukari main sait na Basamuk rifaineri i pinis, na projek i stap redi long kisim komisani o tok orait long mekim wok. Long wol tu, dispela kain hariap sanapim em i no kamap bipo long wanpela kain bikipela projek olsem, na i daunim olgeta

salens bilong graun na masin bilong mekim wok.

Ol dispela namba i soim klia mak bilong wok mipela i pinisim:

- Moa long 4.5 milian kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil biding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paipain)

'Wanpela Ramu NiCo, Wanpela Komyuniti'



DENDROBIUM CAMILLA: PNG i gat wanpela okid plawa wantaim nem bilong meri bilong Prins Charles, Camilla em Dases bilong Cornwall. Ol bin givim dispela nem las yia taim Prins Charles na Dases Camilla i kam long PNG las yia olsem hap long selebren bilong Daimon Jubili bilong Kwin Elizabeth em het bilong Komonwel we PNG i wanpela long ol kantri insait log Komonwel. Ol i kisim dispela naispela plawa bilong Minista bilong Spots, Justin Tkatchenko na Dases bilong Cornwall long Clarence House tupela wik i go pinis taim Mista Tkatchenko i prisnim Dendrobium Camilla okid i go long Dases Camilla. *Poto: Richard Lewis.*



LAULAU LONG HAILANS: LAULAU em i no moa samting we i save kamap tasol long nambis eria, nogat! Em i wok long kamap na karim gut ol kaikai bilong em long Hailans tu, olsem Jeff Fenifa (long poto) husat i gat tenpela krismas bilong Degis Blok long Genoka Setelmen long Gorok, Isten Hailans, i soim. *Poto: Sape Metta*



YONKI PIS MAKET: SAPLAI bilong kainkain pis long wanpela rot sait maket long Okuk Hailans Haiwe namel long Kasam Pas na Kainantu i no save ran aut. Maski sapos yu laikim pis i kuk pinis o i no kuk, pis em ol i save salim olsem ol poto i soim. Tupela pikinini meri i salim long 8 Mail maket long Yonki - Isten Hailans.

No ken misaut long divelopmen

BUSTIN ANZU i raitim

OL Gavman bipo i no mekim wok bilong ol long givim sevis long ol ples we ol manmeri i stap na planti samting i no stret, tasol gavman bilong O'Neill-Dion i no laik sutim tok long wanpela tasol i laik mekim wok.

Praim Minista Peter O'Neill i mekim dispela toktok taim em i stap long Finsafen las wik long lukim 5-yia Divelopmen plen bilong distrik.

Em i tok ol asua bilong bipo i no no ken stopim ol yangpela pikinini bilong ol long divelopmen we ol pikinini bilong ol i mas stap long luksave long ol dispela senis.

"Mipela i abrusim ol dispela gavman sevis long asua bilong Gavman bipo na ol pikinini bilong mipela i no ken abrusim. Mipela mas wok wantaim gavman long lukim ol pikinini bilong mipela i lukim ol dispela senis bilong divelopmen," em i tok.

Praim Minista i tok olgeta hap long kantri, i wankain wari we i no gat gutpela gavman sevis. Em i tok dispela gavman bilong nau bai wok wantaim ol manmeri long lukim ol dispela sevis i go long ol manmeri long ples na komyniti.

Em i tok insait long las 12-pela mun, gavman i mekim sampela strongpela disisen



5 YIA PLEN BILONG FINSAFEN: Spika bilong Palamen na memba bilong Finsafen Zurenuoc i prisnim Finsafen 5-yia divelopmen plen i go long Praim Minista O'Neill.

Ol poto: PM's Midia

na kamapim sampela polisi olsem fri edukesen na fri helt kea. Gavman i no kisim mani autsait tasol insait long baset bilong gavman yet.

"Mipela i kisim mani long baset bilong gavman yet na i no go aut long kamapim dispela ol polisi. Planti wok bilong paulim mani long Waigani i pasim ol sevis i go long ol pipel," em i tok.

Em i tok long namba wan taim, 89-pela distrik i kisim K10 milien long wan wan dis-

trik, samting olsem K890 milien na narapela K5 milien long wan wan ilektoret.

"Dispela kain mani i no save go long ol distrik pastaim. Insait long narapela faipela yia, planti moa mani bai go long ol distrik, klostu long K600 milien. Olsem na long narapela 4-pela yia, stat long 2013-2017, samting olsem K300 milien bai go stret long ol distrik," em i tok.

Antap long dispela, K700 milien bai go long edukesen

dipatmen long skul fi bilong ol pikinini.

Praim Minista i bin opim Finsafen distrik opis em ol i bin wokim long K2.3 milien na kisim olsem traipela yia long wokim.

Dispela opis bai i gat spes bilong Join Distrik Plening na Baset Praioriti Komiti, komprens rum, distrik treseri, na ol narapela olsem Post PNG Benk na ol narapela gavman dipatmen.

PNG Kumuls Olsem Wanem?

Nicky Bernard i raitim

PLANTI Papua Niugini manmeri na pikinini i no wanbel stret long ol PNG Kumul long Wol Kap we ol i lus long olgeta gem bilong ol.

Planti toktok i wok long kemap long dispela tim nau i stap long Ingran. Long strlt o rot, haus, long skul na long ol pablik trenspot i no gat narapela toktok, tasol Kumul i stap long maus bilong ol pipel

Planti manmeri i tok kosa Andrian Lem i no ken holim wok kosa bilong Kumul tim. Ol i laikim ol kosa husat save kisim tim bilong ol i kam na pilai long Digicel Kap i mas kosa bilong Kumul tim na Mal Meninga bai soim ol wok kosa.

Ol i tok tu olsem ol asples man tasol i mas makim tim na kisim wanpela o tupela ovasis pilaia tasol insait long lain ap. Planti bilong ol dispela asples pilaia save long we bilong pilai bilong ol, long wanem ol save pilai na salens wantaim.

Bikpela wok ol selekta i save mekim em long raun long olgeta Digicel Kap na lukim ol pilaia husat i pilai strong na save long we bilong pilai.

Planti man i tok ol ovasis pilaia tasol i mekim na ol Kumul i lus long wanem ol i no save pilai wantaim ol Digicel Kap mangi.

Long ol pilai bilong ol Kumul long Ingran, planti ol asples man i no bin pilai na ol ovasis lain tasol bin pilai na ol i no bin senisim pilai o mekim wanpela gutpela pilai.

Hia em toktok bilong ol pablik



“Mi laik save hamas mani gavman i givim tim Kumul long go pilai long Ingran? Dispela kain mani ol olpela Kumul bilong bipo i save painim hat long kisim, tasol taim ol i pilai egens ol tim olsem Ingran, Nu Silan, Frans na ol Pasifik Ailan, paia bilong dispela tim save dai long ol lapun Kumul bilong bipo,” Andrew Ikati bilong Lufa, Isten Hailans i tok.

Long las yia Lam i kosa bilong tim Kumul na mekim lain ap olsem wanem na klostu ol i winim Australia long PM 13? Na dispela yia em i mekim olsem wanem na ol i lus nogut tru long Kokopo long PM 13 na nau long Ingran. Mi yet paul taim yumi gat Top Kosa stret Mal Meninga, i kam helpim yumi long strongim ragbi long PNG. Yumi givim sem long em na ol manmeri bilong Kwinslan we em i kosa long Stet ov Orijin.

Long pinis bilong 1980 na kam long 1990 tim Kumul i stat long go daun, maskim yumi lus long ol Kiwi o Australia tasol skoa i no save go antap olsem bilong nau.

Long las yia, Kumul klostu kilim paia bilong Australia tasol referi mas save olsem nogut Australia i kisim sem i go bek long ples bilong ol na em i givim las trai we Australia pilaia i no bin putim.

Ol Australia i save olsem top kosa bilong Stet ov Orejin Mal Meninga kam antap long PNG olsem Dairekta bilong Kosa long ragbi lig, olsem na taim ol Australia PM 13 kam antap wantaim strongpela tim bilong ol.

Dispela ol pilaia bilong Australia yia nau i pilai long Wol Kap. Ol kisim wan wan bilong ol tim husat i stap insait long fainal bilong NRL na go joinim ol.

Kumul tim long Kokopo i bin paul liklik long lainim ap, na taim ol i go long Ingran tim lain ap i go paul na paul olgeta.

Kumu olsem wanem nau? Bai yumi senis lain ap long olgeta gem bilong yumi o nogat? Plis sapos Sabastin i save pilai lok larim em pilai lok, sapos Israel save pilai hap bek ok larim em pilai hap bek na yumi lukim.



“Mi no amamas taim mi lukim Israel pilai long senta na Joseah i pilai long wing. Dispela tupela mangi ol selekta i makim ol long stap insait long Kumul long posisen bilong ol olsem fulbek na hap bek. Nau tupela pilai long rong posisen na mekim olsem nau tasol tupela pilai ragbi,” Wesley Vue bilong Is Nu Briten i tok.



Taren Poloman em wanpela yangpela man i save bihainim pilai bilong ol Vipers i tok. “Sabastin em pawa man bilong ron na em i no save wari long ol bikpela fowat, em save kilim skin bilong em na burukim banis bilong ol narapela tim, tasol long Wol Kap mipela no lukim em pilai liklik inap ol kisim ol Kiwi.”



Ase Boas wantaim Josiah Abavu husat bin pilai strong tru long Kokopo taim ol i bin bungim Australia Kangaroos. Tupela bin pilai long posisen bilong tupela stret long dispela gem.



David Mead husat i abrus long kikim penalti gol long namba wan pilai bilong Kumul wantaim Frans. David bin kisim bagarap na em i no bin pilai long Kokopo, em sanap toktok wantaim wan tim bilong em bihain long pilai pinis long Kokopo. Ol Poto Nicky Bernard.

Strong bilong Kumul long Kokopo taim ol i pilai wantaim Kangaroos em i moa long strong long taim ol pilai long Ingran.



Segeyaro i driman long pilai long Kwinslan marun

HUKA bilong Penrith Panthers James Segeyaro i tokim ol midia long Australia olsem em i gat bikipela laik long pilai long Kwinslan marun.

Taim Segeyaro i lusim North Queensland Cowboys long go pilai long Penrith Panthers long dispela yia, em i bin pilai gut tru na i mekim olgeta sapota na sponsa bilong Panthers i amamas tru.

Segeyaro em i bilong Papua Niugini na i bin gat bikipela laik tru long pilai wantaim ol Kumul long ragbi lig

wol kap long dispela yia tasol em i bin gat wanpela bikipela bagarap long bodi na em i no pilai.

Segeyaro i 22 krismas tasol na i gat bikipela laik long pilai long Kwinslan Marun long wanem em i laik kamap wanpela biknem pilaia. Em i tok em i gat laik long kisim planti ekspiriens long kamap biknem pilaia insait long dispela spot.

Segeyaro i bin tokim midia long Australia olsem em i save olsem Cameron Smith i namba wan huka bilong ol marun na

Australia, na taim em pinis, bai gat planti ol namba 9 pilaia, tasol em bai givim bes bilong em long wanem em i driman long pilai wantem ol Kwinslan marun.

Segeyaro bai pilai long Panthers inap long yia 2016. Em i tok em i amamas long dispela long wanem em i ken kisim driman bilong em long pilai long Kwinslan marun na tu pilai wantaim sampela ol biknem nem pilaia olsem Jamie Soward, Peter Wallace na Brent Kite husat bai pilai long Panthers long 2014 NRL sisen.



Segeyaro long dispela yia long Penrith Panthers.

Ol mangi Wes i autim sevens kap long Buka

Isaac Liri i raitim

LONG wiken i go pinis Hutjena ples pilai long Buka ailan, i bin lukim Buka ragbi sevens tonamen i kamap long tupela de, Sarere na Sande.

Kap gren fainal i bin stap namel long ol Kimbe Rebel na ol mangi asples yet ol Blek Okid. Dispela gem i bin

wanpela strongpela gem stret na i lukim fainal sko i stap 28-23. Ol Blek Okid i bin pilai strong tasol kik bilong ol tasol i bin mekim na ol i lus long ol Kimbe Rebel, tim menesa bilong ol Blek Okid Kelly Havara i bin tok.

Havara i no bin amamas tumas long wanem ol Blek Okid i bin pilai long gren fainal bilong Malagan sevens long Kavieng long las mun na

i bin lus tu long ol Madgaun. Tasol em i tok ol bai luksave long asua bilong ol na pilai gut long bihain taim.

Insait long dispela kap fainal pilaia bilong ol Kimbe Rebel, Albert Levi Junior i bin pilai gut stret wantaim planti stail na i bin skoim tripela trai bilong ol Rebel long mekim ol winim dispela kap gren fainal, na tu em i bin kisim awod olsem top trai skora in-

sait long dispela tonamen.

Long kap semi fainal bilong dispela tonamen, ol Blek Okid i bin winim ol Aroma Coast 12-5 na ol Rebel i bin winim ol Madgaun 17-5 long go insait long kap gren fainal.

Long plet fainal namba tu tim bilong ol Kimbe Rebel i winim ol Malasang Traida na ol Hangan Pairet i bin winim ol Blek Rukis long bowl fainal.

Tkatchenko i sapotim ol Kumul

SPOT Minista Justin Tkatchenko i bin tokim ol midia long Taurama Akuatik Senta long Pot Mosbi long Tunde olsem ol kumul i bin pilai gut long dispela 2013 Wol Kap na ol manmeri bilong Papua Niugini i no ken mekim kain kain toktok long bagarapim ol.

Mista Tkatchenko i tok, "Ol Kumul bai luksave long ol asua ol i mekim long dispela Wol Kap resis na bai ol i stretim ol yet. Yumi ol manmeri bilong Papua Niugini i no ken kisim sori na belhat tingting long dispela. Yumi mas traim long helpim ol, na givim sapot long wanem em i nesanel tim bilong yumi, na ol i karem nem bilong

yumi olgeta manmeri bilong PNG."

Mista Tkatchenko i tok tu olsem ol dispela toktok we i bin stap long midia long ol deligesen i go long Briten wantaim pablik mani long sapotim ol Kumul em i giman toktok. Em i tok dispela ol deligesen i bin go long impoten wok bilong ol yet, na em i no amamas long ol dispela toktok we i bin stap long midia, na em i laikim pablik i save long dispela.

Minista tok em i bin go long Briten long lukim Dutchess bilong Cornwall long Okid bisnis, na tu em i bin gat sans long toktok wantaim ol Ragbi Lig Wol Kap commiti na askim ol

sapos em i orait long Papua Niugini long hostim Ragbi Lig Wol Kap long 2017. Em tok dispela bai wanpela gutpela samting long wanem i ken helpim yumi long developim ol spot fasiliti bilong yumi.

Long pinisim toktok bilong em, em i laikim midia na pablik long save olsem ol PNG Kumul i no save kisim fainensel sapot long baset bilong gavman. Ol PNG Kumul i save kisim bikipela fainensel sapot long ol praivet kampani.

"Long dispela yumi mas noken sutim tok na mekim planti nois sapos yumi i no klia gut long ol samting" Mista Tkatchenko i tok.

Ol Wulf i daunim ol Sista long Mosbi Sofbal

LONG A gret sofbal bilong ol meri long Mosbi, ol Wulf i bin pilai gut tru na i bagarapim ol Sista long las wik Sarere wantaim fainal skoa 10-6.

Insait long tim lain ap bilong ol Wulf, i bin gat sampela ol biknem pilaia husat i save pilai sofbal long intanesenel levul, na dispela i bin wanpela as we bin mekim ol Wulf i strong na winim dispela gem.

Long namba wan na namba tu ining bilong gem, ol Wulf i bin go pas na skoim planti poin tru na givim spes long ol Sista.

Pitsa bilong ol Wulf tu i bin pilai gut tru, na i mekim ol beta bilong ol Sista painim hat long skoim ol poin.

Ol Sista i bin pait bek long tupela las ining, tasol em i no bin inap long wanem ol i bin sot long 5 poin.

Na long las ining, ol Wulf i mekim sampela moa ran long winim gem.



Namba 47 bilong ol Wulf i redi long paitim bal.



Kanu resis em i kamap bikipela long Rigo

TOKTOK bilong kanu resis em i kamap bikipela tru insait long Hud poin long Rigo distrik, Sentral Provins.

Taim Pasifik Gems i bin stat long yia 1963, Papua Niugini i no bin save soim bikipela intres tumas long kanu resis i nap long dispela yia taim ol yangpela manmeri bilong Kalo long Rigo distrik i kisim luksave long Brisben kanu resis long Australia.

Ol risal bilong dispela kanu resis long Brisben i bin lukim ol Papua Niugini meri i kisim tupela gol, tripela silva na wanpela brons. Dispela em i bin wanpela gutpela risal long wanem ol dispela meri i no bin gat planti ekspiriens tumas tasol ol i sowim stret olsem ol i gat sans insait long dispela spot.

Bihain long Brisben ol i bin go long Walis long Mini Pasifik Gems na kisim sampela medal gen.

Jonathan Kassman em i man husat i bin go pas long lainim ol manmeri bilong Kalo long kanu resis na ol manmeri yet long hap i lainim ol yet gen na ogenaisim ol yet long dispela spot.

Jonathan em i mekim bikipela promis long strongim dispela spot insait long eria bilong ol na i wokim go kamap bikipela nau. Ol dispela ples insait long eria we Jonathan i wok em Kamali, Makerupu, Babaka, Kaparoko, Irupara, Alewai na Hula.

Long las wiken namba wan resis i bin kamap long nambis bilong Babaka. Na long ol stori mi bin kisim, mi bin harim olsem ol Kalo i bin strong tumas na ol i winim ol tim bilong ol narapela ples.

Wanpela samting we mi bin lukim em olsem, olgeta manmeri insait long dispela eria i soim bikipela laik tru long dispela spot.

Olsem na mi laik tru bai i mas gat wanpela bodi insait long gavman long promotim na developim dispela spot. Ol manmeri bilong ol narapela provins insait long Papua Niugini i mas save long pilaim dispela spot bilong kanu resis.

Mi tok olsem long wanem pasin bilong pul long kanu em i pasin stret bilong ol tumbuna bilong yumi ol Papua Niugini.

PNG go long kait resis

Isaac Liri i raitim

save long dispela spot na i ken kamap wanpela gutpela eksampel long ol yangpela manmeri long PNG.

Long Trinde long wik i go pinis Pepsi Max PNG i bin holim wanpela bung long Yat klap long Pot Mosbi long tok save olsem Benny Kali bai kamap namba wan kait pilaia bilong Papua Niugini long pilai long wol sempionsip.

Distrik Maketing Kodineita Lawrence Akanufa i bin tokim midia olsem ol i amamas tru long sapotim Benny long dispela spot long wanem em i namba wan taim bilong Papua Niugini long stap insait long dispela kain spot.

Mista Akanufa i tok tenk yu long olgeta lain husat i helpim Benny long treining na ol arapela sapot long redi long go long dispela wol sempionsip.

BENNY Kali bilong Hula long Sentrel Provins i 20 krismas na em bai makim Papua Niugini long pilai long namba tri kait resis wol sempionsip insait long dispela mun long Saina.

Benny em i skulim em yet long kait resis wantaim helpim bilong Pot Mosbi kaiting grup. Em i gat liklik ekspiriens tu long pilai wantaim ol kait pilaia bilong ol arapela kantri long taim em i bin go pilai long Taunsvil sempionsip long Ogus long dispela yia.

Benny i bin kamap namba 14 long dispela resis taim em i bin pilai agensim sampela bilong ol top pilaia bilong wol long kait resis.

Ol sponsa bilong Benny, Pepsi Max PNG i tok dispela i bin soim olsem em i ken kisim moa

Trabol long Slater...



Ragbi:

Kangaroo Ragbi lig pilaia, Billy Slater i stap insait long wanpela pait long wanpela naitklap long Manchester i kirapim tingting long ol Kangaroo pilaia long Ragbi Wol Kap. Slater i toktok wantaim ol media long Mande bihain long dispela hevi kamap taim em i selebret wantaim ol Australia tim met bilong em. Polis i bin holim em long rumgat long sampela aua long Mande bihain ol i lusim em i go, nogat sas, bikos ol i painimaut olsem Slater i wok long difenim em yet taim em i tromoi han i go long wanpela 40 yia man long 2 kilok moning long naitklap.



Kriket:

Australia skwat bilong namba wan Ashes Tes long Gabba i save nau olsem George Bailey bilong Tasmania i redi long mekim pilai bilong em. Olsem Kepten Michael Clark i tokaut long Mande, ol tim ol i tokaut i redi long dispela faivpela Ashes Tes gem i no klia tumas. Nesenel selekta John Inerarity i tokaut Tes Tim long Nesenel Kriket Senta long Brisbane. Bailey i winim narapela wantok bilong em long Tasmania Alex Doolan long kism ples insait long skwat, wantaim Mitchell Johnson i kam bek long Tes arena long kism ples bilong Mitchel Starc.




Samoa i soim pawa long Frans

Samoa bai pilai egens Fiji long Pasifik Ailan kwata fainal long Ragbi Lig Wol kap taim ol i winim Frans 22-6. Ol i bin pilai long Perpignan long Tunde. Samoa nau bai salensim ol Fiji long Mande long Warrington, na Frans bai pilai wantaim Ingran long Wigan.

Painim Bal Resis

A B C D E F G



Putim X insait long bokis yu ting bal i stap long en..

Eksampel: C5, long namel. Teksim i kam na traime laki bilong yu.

Baim Wantok Niuspepa olgeta wik na traime sans bilong yu!!

Wanpela wina tasol long olgeta wik!

Yes yah ol Wantok!! Bai yu gat sans tru long winim ol dispela promosen samting bilong Wantok Niuspepa....



Teksim Ansa bilong yu i kam long 7235 6149 na lusim nem na adres bilong yu tu...Sans yah!

Dispela resis bai stap i go inap long Desemba dispela yia, so noken wet, salim ol ansa kam na stail wantaim Wantok kep, t-siot na kola siot!!

Painim Bal Resis

A B C D E F G



ANSA
bilong resis
Namba 2

B9

Wanpela wina tasol long olgeta wik!

Yes yah ol Wantok!! Bai yu gat sans tru long winim ol dispela promosen samting bilong Wantok Niuspepa....



Teksim Ansa bilong yu i kam long 7235 6149 na lusim nem na adres bilong yu tu...Sans yah!

Dispela resis bai stap i go inap long Disemba dispela yia, so noken wet, salim ol ansa kam na stail wantaim Wantok kep, t-siot na kola siot!!

Ol spot eksen poto long wiken...

Ol Poto Nicky Bernard.



WANTOK KAIKAI
WANTOK: Tupela tim bilong Hula kam resis long PMSA Primia Divisen, Pilai bilong Golo wantaim bal i traim long kikim go antap long tupela pilaia bilong Global SE.



KAM KLOSTU: Wendy Wilson bilong Brain Bell i wok long painim ol pilaia bilong em long pasim bal long Pot Mosbi Praivet Kampani Netbal resis.



STRAIK BAL: Beta bilong Gezelle i laik paitim bal tasol i no stret long laik bilong em long A gret pilai bilong ol long Pot Mosbi.



BANK KAIKAI BENK: Senta bilong Westpac i laik pasim bal go long pilaia bilong em, taim GA bilong BSP sanap lukluk long praivet kampani net-bal.



Maclaren pilaia(blak) i pusim pilaia bilong Rapatona long Supa lig semi fainal pilai bilong ol long Pot Mosbi. Maclaren win 2-0.

TOKSAVE: Salim ol spots dro bilong yu kam long Feks; 325 2579, e-mel;bveo@wantok.com.pg o kam lusim long Wantok Niuspepa opis long Able Building Complex long Central Waigani, NCD.



Moa oil na meat insait



Spot fasiliti bilong 2015 Pasifik Gems

Isaac Liri i raitim

SPOT Minista Justin Tkatchenko i makim K780 milien long wokim gut ol spot fasiliti insait long kantri bipo long 2015 Saut Pasifik Gems i stat.

Long Tunde long dispela wik, em i bin toktok wantaim ol midia long Taurama Akuatik Senta, na em i tok em i amamas tru long ol konstraksen kampani olsem Fletcher Morobe long bikpela wok ol i wokim long mekim gut ol spot fasiliti.

Em i tok ol dispela spot fasiliti bai inap long mak bilong intanesenel standed. Em i tok ol manmeri bilong PNG i mas lukautim gut ol dispela samting.

Long ol wan wan fasiliti insait long kantri, bai i gat ol menesmen program long lukautim ol dispela fasiliti.

Mista Tkatchenko i gat strongpela tingting olsem ol dispela wok bilong mekim gut ol fasiliti bai pinis bipo long Pasifik Gems i stat. Em i laik olgeta manmeri i kisim helpim long dispela ol samting.

PNG long kait resis
- Pes 25

Ol spotpoto
- Pes 27

GUTPELA WOK TRU: Spot Minista Justin Tkatchenko i toktok wantaim projek menesa bilong Fletcher Morobe Kontraksen we ol i go pas long wokim nupela ples bilong resis long swim. Olgeta wok redi bilong 2015 Pasifik Gem i wok long go het gut. *Poto Nicky Bernard.*



PMV

DIESEL OIL



PMV OIL BILONG YUMI

BOROKO MOTORS

PORT MORESBY	☎	325 5255
LAE	☎	472 1144
MT HAGEN	☎	542 1933
TABUBIL	☎	649 9048
KIMBE	☎	983 5035
MADANG	☎	422 2659
KOKOPO	☎	982 8193
GOROKA	☎	532 3552

Email: info@borokomotors.com.pg
Website: www.boroko-motors.com